

50.1.12


RB107,499

Library
of the
University of Toronto



STILLMAN DRAKE

125. 1. 14.



Digitized by the Internet Archive
in 2024 with funding from
University of Toronto

<https://archive.org/details/gvidivbaldimarch00mont>


GVIDIVBALDI
E MARCHIONIBVS

MONTIS
IN DVOS ARCHIMEDIS
ÆQVEPONDERANTIVM

LIBROS

PARAPHRASIS

Scholijs illustrata.



P I S A V R I
Apud Hieronymum Concordiam,
M D LXXXVIII.

Superiorum Concessu.

Erratorum quorundam restitutio.

Pagina 8, versu 18, Archimedes. ¶ 10, 7, sione. ¶ 18, 20, conducenti. ¶ 21, 14, per
discere ipsum. ¶ 39, 25, hoc est AB. ¶ 43, 19, lineam. ¶ 47, 20, cum inquit, ¶ 63,
20, GD DK in. ¶ 65, 21, DC. Ibidem, 27, ex DC. ¶ 67, 29, in maiori. ¶ 69, in
postul: ex proxima propositione. ¶ 70, 5, vt NL. ¶ 73, 1, de his, vel. ¶ 84, 18, AE EB
CF FD. ¶ 90, 17, totus. ¶ 98, 1, quam VH. Ibidem, 7, aufertur. ¶ 117, 21, repo-
suit. ¶ 124, 19, sectione, ¶ 140, 1, æquidistates. ¶ 143, 11, est CH. ¶ 147, 3, cū EK ad EK, vt.
Ibidem, 25, ita S 9, ad Y α. ¶ 149, 19, ad xv. Ibidem, 25, est, vt OR. Ibidem, 27, LP, vt
OR ad. Ibidem, 31, vt OR ad Z α. Ibidem, 32, vt α g ad g γ. Ibidem, 34, BD ad E σ,
ita. Ibidem, 35, sit BD ad D γ. Ibidem, 36, BD ad D γ B σ. ¶ 150, 5, vt OR ad O g. ¶ 153,
13, ræ, vt. ¶ 157, in postull. ante 15, primi Ibidem, 17, maiorem. ¶ 161, 24, erit KH.
¶ 167, 24, efficax. ¶ 170, 1, ipsius AC erit. ¶ 181, 36, ex dupla ipsius AB, ¶ 191,
21, erunt. Ibidem, 22, BKG æquales.

R E G I S T R V M.

* ABCDEFGHIKLMNOPQRSTVXYZ,
AA BB.


Omnes duerniones, præter, BB, ternionem.

P I S A V R I.

Apud Hieronymum Concordiam,

M. D. LXXXVII.

SERENISSIMO
FRANC.^{co} MARIAE
II. VRBINI DVCI.
GVIDVS VBALDVS
E' MARCHIONIBVS MONTIS S.




A M^o decemniū elapsū est, DVX Sere-
nissime, ex quo de rebus machanicis volu-
men, veras (ni fallor) mirabilium mechani-
corum effectuum causas manifestans, in lu-
cem dedi; vbi nonnulla antiquiora, præci-
puaq; illustrium græcorum authorum pla-
cita ad susceptum negotium pertinentia,
tanquam recte rationi magis consentanea amplexatus sum.
quibus sanè, tanquam solidissimis innixa fundamentis, theo-
remata multa, ac varia construxi. quippe quæ, licet non inua-
lidis quoque demonstrationum præfidijs à me ipso munita
fuerint; plerisque tamen, qui non admodum fortasse in huius-
modi rerum causis inuestigandis versati existunt, noua pror-
sus (vt accepi) ac fermè inaudita, nec satis (vt opinor) apud eos
firma, atque ideo illis non omnino satisfecisse, visa sunt. Quo-
circa cogitanti mihi, qua ratione fieri posset, vt opus illud à
me editum, quàm plurimorum sibi gratiam in dies magis con-
ciliaret, in mentem venit, non aliunde id mihi oportuniùs cō-
tingere potuisse, quàm si priscos ipsos, & grauiissimos alioqui
authores de hac re elegantissimè discentes illis offerrem. ra-
tus, vt solidissimâ eorum doctrinâ, quæ à me proposita, & ex-

plicata fuere theorematum, firmiora redderentur. simulquè aliorum ambiguitati, ne dicam imbecillitati succurreretur, vel saltem ipsi grauiſſima eorum authoritate nonnullorum captiuarent intellectum, in obsequium meliùs, rectiùsque ſentientiù, atque intelligentium. Nihil enim tam, aut à conſuetudine, aut ab opinione remotum eſſe ſolet, quod ſola authoritate probari non poſſit. Verùm ne huiuſmodi negotium in recensendis multorum ad propoſitam veritatem confirmandam testimonijs latiùs, quàm par eſſet, protraheretur; mihi conſtitui, ex multis vnicum tantùm, eumquè reliquorum omnium hac in parte facile principem deligere: qui, & meam cauſam tueretur: & illis, ſi fieri poſſet, ſatisfaceret: utquè coràm illis ipſe ſe offerens, tanquam meo quoque nomine miſſus intelligeretur; quibuſdam meis notis non inſignitum certè, ſed aſſociatum eundem prodire volui. Eſt autem grauiſſimus hic author Syracuſius ille Archimedes de mechanicis elementis conſultiſſimè diſſerens. cuius nimirum dignitati, atque authoritati, ut omnes probe à me conſultum intelligerent; decreui, ut quemadmodum inter alios illius ordinis viros primatum obtinet, ita nulli alij, quàm amplitudini tuę, DVX Sereniſſime, hac noſtra etate, doctrina, rerumquè omnium cognitione ſingulari, citra controuerſiam Principi ſupremo, ſuum in primis hoc tempore præſtare obſequium. quod incredibili ſanè animi mei iucunditate contigſſe fateor; non ſolùm, ut ruruſum aliquam ſingularis meę erga amplitudinem tuam obſeruantia, ac venerationis, tot, tantisquè nominibus iam pridem debitę teſtificationem ederem; verùm etiam, ut munuſculo illi meo tanto Principi audentiùs fortaſſe antea oblato, ne proruſus præ ſua tenuitate deſpiceretur, opem ferret. quanquam neque id quidem, pro eximia animi tam excelsi magnitudine, ſuſpicandum fuit. Per hunc ergo tã celebrem authorem ad te Princeps optime, ac præſtantiſſime lætabundus accedo. Is enim mihi, quemadmodum & ego ipſi, ad te aditum patefecſſe videtur; & ſicut eundem tibi lōgè gratiſſimum futurum conſido; ita me tui amantiſſimum, & obſeruantiffimum, ut eadem, qua conſueuiſti, benignitate proſequaris, oro ſuplex, & obſecro. Aueto dulce præſidium, ac etatis noſtrę ſplendidum decus; & eſto perpetuò felix.

G V I D I V B A L D I

E M A R C H I O N I B V S

M O N T I S.



P R A E F A T I O.




Echanica facultas nō solū ab imperitis, verū etiam ab eruditis admirabilis semper habita fuit; eorum enim, quę in admirationem homines trahunt, duo esse genera Aristoteles in principio suarū quęstionū Mechanicarum asseruit; quorum sanē alterum ad ea pertinet, quę natura quidem, proximis tamen ipsorum causis latentibus in lucem prodeūt; alterum verō spectat ad ea, quę præter naturam, & arte fiunt; quibus natura superari videtur (quamquam & ipsa plurimū momenti ad se ipsam euincendam tunc quoque afferat) & quod naturę uiribus in lucem prodire nequit, id arte fieri contingat, ob idquē maiorem adhuc admirationem excitat, quod ars naturę emula, quasi aduersus naturam pugnat, eam superet, & tanquā vim ipsi inferre videatur; cuius sanē operationis causa quoque cognita admirationem parit; cū exigua admodum ad tanti operis productionem appareat. admirabile est sanē ipsius artis magisterium, cū adeo potens sit, ut effectus naturę repugnantes producere tentet. quippē quibus, nisi ita sensibus subiiciantur; ut tangi propemodum, & conspici possint, vix fides adhibeatur; idquē nō sine admiratione adhuc cognitum, ac persuasum nobis esse possit. huiusmodi autem mirabilium operum opifex est ipsa mechanica disciplina, tam naturę emula, quā oppugnatrix valida. Hęc enim grauiā proprio fermē nutu sursum attolli, magnaquē pondera ab exigua

admodum virtute moueri, aliaquē id genus huiusmodi spectanda proponit. vt tum imperitis ex ipforummet effectuum intuitu, tum eruditis in causarum varia contemplatione admirationem pariat. veluti si ea spectemus, quę neruis, vel aliquo mouētur instrumento; vel quę spiritibus cōcinnantur, & fiunt; de quibus Heron, & alij pertractarunt; vel denique alijs modis. quamquam nos in ijs, quę dicenda sunt, de ea mechanica facultatis parte, quę ad pōdera, distātiaque inter ipsa existētes pertinet, quorū status ad equilibrium reduci potest, verba faciemus. quę quidē pars totius mechanicę facultatis princeps existit. ea enim est, in qua artem superare naturam apertius cōspicitur: quod quidem, qua ratione contingat, hinc planum euadet.

Ars quippe ex Aristotele phisicorum secundo, & ex proximo quæstionum mechanicarum triplici modo in suis opificijs sese habere videtur. Nam vel immitatur naturam; vel ea perficit, quę natura perficere non potest; vel denique ea, quę præter naturam fiunt, operatur; in quibus tamen omnibus operandi rationibus, si diligenter eas consideremus, artem semper imitari naturam perspiciemus. Primū quidem multas artes naturam imitari aperte videmus, vt sculpturam, & huiusmodi alias. Quando autem arse ea perficit, quę sola natura perficere non potest, vt in arte medica euenire solet; naturā ipsam pariter emulatur, & naturę associata, velut instrumentum eius, naturalem effectum perficere dicitur: tuncquē eodē modo operatur, ac si natura rem ipsam absque artis ope perficere posset, quod planē artis præstantiam manifestat: quippē cū nisi ars ipsi naturę manū porrigat, natura ipsa proprios effectus perficere ex sese minimē possit. At verō si ars naturā imitando ipsam superauerit; vt ea, quę ab arte fiunt, præter naturam eueniant, longē adhuc præstantiūs artis ingenium apparebit. si quidem imitando naturam (paradoxum id forte videbitur, cū tamen verissimum sit) præter naturę ordinem operari dicatur. Ars. n. mirabili artificio naturam ipsa natura superat; ita nimirum res disponendo, vt ipsa efficeret natura, si eiusmodi sibi producendos statueret effectus. quod quidem subiecto exemplo magis perspicuum fiet.

Sint enim duo pondera AB in aliquo vecte, A maius, B minus; quorum simulita in vecte dispositorum sit centrum gravitatis C. sit autem sub vecte inter CA fulcimentum in D.



& quoniam pondera AB penes C gravitatis centrum inclinantur; tunc C deorsum naturaliter movebitur; ac per consequens pondus quoque B deorsum tendet. Sed si B deorsum movetur; A certe sursum elevariabitur. quippe quod, quavis, ut grave est; atque solum absque connexione ponderis B deorsum tenderet; attamen ut adnexum ponderi B, intercedente vecte AB, sursum movebitur: & (ut ita dicam) pondus A contra propriam naturam naturaliter ascendet. Unde perspicuum est, hos motus effectus esse naturales. Quid igitur efficit ars ipsa? nil sane aliud, quam quod res ita disponit, & accomodat, ut similes effectus inde prodeant atque si naturales omnino existant: quare opus erit, ut Ars naturam imitetur, siquidem effectus naturales provenire debent. propterea vectem, fulcimentumque eodem modo disponit; & loco ponderis B aliquam constituit potentiam, quæ premendo parem vim habeat gravitati ipsius B; atque tunc ipsa potentia movens, quæ minor est gravitate ponderis A, ipsum A gravius nihilominus attollet: quod quamvis propriæ ipsius naturæ repugnet, naturaliter tamen ab ipsa potentia in B existente sursum feretur: res enim ita dispositæ talem habent naturam, ut A quidem sursum, B vero deorsum moveri debeant. quæ sane ex nostro Mechanicorum libro, & ex ijs, quæ in hoc pertractantur; compertissimè reddentur; & quod diximus de vecte, de alijs quoque instrumentis mechanicis intelligendum est. quorum quidem apparatus sunt artis opera, effectus autem ipsius penè naturæ: cum eius momenta, inclinationesque sequantur, veluti præcipuas eiusmodi operum effectrices causas: quippe quæ sunt omnino admirabiles, ac præstantissime; quemadmodum ex ipsarum contemplatione patere potest. cuius rei argumentum illud indicasse facile est, nimirum eas à summis viris, Aristotele, & Archimede fuisse

pertractatas. Aristoteles. n. in principio Quæstionū mechanica-
rū multa, eaque præcipua ad causas rei mechanicæ dignoscendas
aperuit; quæ secutus Archimedes in his libris mechanica prin-
cipia explicatiùs patefecit, eaque planiora reddidit. Nec propte-
rea Aristoteles diminutus extitit: etenim eorū, quæ ab ipso pro-
posita, & explicata fuere, problematum causas egregiè patefe-
cit. sed quoniam Archimedi scopus fuit mechanicę disciplinę
rudimenta explanare; propterea ad magis particularia enucleā-
da descendere voluit. Aristoteles. n. (gratia exēpli) quæres cur
vecte magna mouemus pondera? causam esse ait longitudinē
vectis maiorem ad partem potentiæ: & rectè quidem; cū ex
principio ab ipso constituto manifestum sit, ea, quæ sunt in
longiori à centro distātia, maiore quoque habere virtutē. Ar-
chimedes verò vlteriùs adhuc progredi voluit, hoc admissio, nē
pè quod est in longiori distantia maiorem vim habere, quā
id, quod est in breuiori, inquirere etiam voluit, quanta sit vis
eius, quod est in longiori distantia ad id, quod est in breuiori;
ita vt inter hæc nota reddatur qualis, & quæ sit eorum propor-
tio determinata. atque ideo fundamētum illud mechanicum
præstantissimum manifestauit; videlicet ita sese habere pon-
dus ad pondus, vt distantia ad instantiam, vnde pondera su-
spenduntur, sese permutatim habet. quo ignoto, res mechani-
cæ nullo modo pertractari posse videntur. quandoquidem
huic tota mechanica facultas tanquam vnico, præcipuoque
fundamēto innititur. Quare Archimedes Aristotelē sequi vide-
tur; quod non solum patet ex ijs, quæ dicta sunt; verū etiam
si Archimedis postulata cōsiderauerimus, quibus cōstituēdis,
ea, quæ de principijs mechanicis Aristoteles patefecit, Archi-
medē supponere cōperiemus. vt deinceps suo loco perspicuū
fiet. In ratione præterea, ac modo cōsiderādi mechanica, maxi-
ma ambo affinitate coniuncti incedere videtur. Aristoteles. n.
res mechanicas tum Mathematica, tū naturalia sapere, ac respi-
cere asseruit: quod quidē & Archimedes optimè nouit; nā quæ
Mathematicè sunt consideranda, geometricè demonstrauit,
vt sunt distantia, proportionēs, & alia huiusmodi: quæ verò
sunt naturalia, naturaliter quoq; cōsiderauit; vtea, quæ ad gra-
uitatis centrum spectant, & quæ sursum, & quæ deorsum moue-

incip.
Mc-

ri debent; & cetera huiusmodi. Ex quibus paret maximū esse inter tantos viros in his pertractandis consensum. Ambiget fortasse quispiam, nunquid hæc principia rectè ab illis fuerint pertractata? sed statim omnis cessat dubitandi occasio, si tantorum virorum præstantia ad memoriam reuocetur; quibus, citra controuersiam in disciplinis ab ipsis traditis, omnes eruditi palmā deferunt, ut quemadmodum absq; Aristotele duce, atque doctore, nemo ad rectè philosophādum, ita neque etiā ad Mathematicam, præcipueque Mechanicam disciplinam absq; Archimede sese quispiā disponere possit: quorum sanè apud peritiores authoritas meritò ob id suprema extat; quòd ab ipsis res eo meliori, præstantiori; modo pertractatę fuerūt, quo ipsarum rerum natura, atque doctrinę ratio postulabat. & qui scientiarum cupidi sunt, illos sequi, eorumquę scripta sæpè sæpius attentè perlegere debent. Præterea philosophię, ac Mathematicę professores in hoc conueniunt; quòd cum aliqua ad philosophiam spectantia tractant; mirum in modum Aristotelem laudibus extollunt. qui verò Mathematicas pertractare studēt, statim ad Archimedis laudes pariter se cōferūt. tametsi circa ea, quę nō sunt Archimedis versentur; ut quā plurimi fecerunt, quod quidē optimo factum est consilio. etenim si ea, quę mathematica ope indigent, laudare volunt, ad Archimedem confugiendum est; ut si inuentionem, subtilissimum Archimedis inuentum afferant, quo modum adinuenit cognoscendę quantitatis argenti, quod erat in corona Regis aurea, ut Vitruuius testatur; & alia huiusmodi; si admirabilia, statim afferant Archimedis spheram in globo vitreo elaboratam, in qua omnes cęlestis spherę motus relucebant; ita ut natura potius Archimedem immitata, quàm Archimedes naturam illusiisse videatur; nauim præterea graui pondere oneratam è mari in litus ab Archimede eductam; aliaquę id genus plurima. Denique si res Mathematicas ciuitatibus esse vtilis ostendere volunt, ea, quę ab Archimede contra Marcellum in defensione patrię facta fuere, in medium afferant, quo tempore bellica opera adeo mirabilia effecit, ut solus Archimedes contra bellicosissimos Romanos pugnare sufficiens videretur. quę quidem omnia Mechanica disciplina cōfecta sunt. Quid igitur

Claudianus

Mecha-

Mechanica admirabilius, & vtilius? è qua tot, tantaquè ad humani generis vtilitatem conferentia prodeunt? eximia certè, & præclara admodum hæc Archimedis gesta fuere; quæ tamen, si ad alia quamplurima, quæ de ipso dici, ac afferri possunt, conferantur; exigua sanè mihi videntur. Nam quæ hactenus commemorata sunt, (quamquam fortasse nō omnia) multa tamen, huiusmodiquè similia alij quoque effecerunt, & adhuc extant fortasse viri eo ingenij acumine præditi, qui talia aggredi non vererentur: sed nōnulla egregia extāt ipsius Archimedis opera, quorum similia, nec antea, nec post ipsū facta fuere, neque in futurum facienda fore à nemine sint expectanda. omnium enim admirabilissima, præstantissimaquè sunt eius scripta, in quibus, & ingenij acumen, inuentiones subtilissimæ, perfectaquè doctrina planè conspicitur. adeo enim his omnibus Archimedis scripta aliorum scripta mathematicorum excellunt, superantquè; vt quæ aliorum, facile quidem inter sese comparari, cum ijs verò, quæ ab Archimede nobis relicta fuerunt, nullo modo possint. ut apertissimè (alijs interim omisis) conspicuum redditur ex ijs, quæ de sphaera & cylindro, & ex ijs, quæ de æqueponderantibus scripta reliquit: quippè quæ ob eorum præstātiā, ac dignitatem meritò literis aureis essent imprimenda. liber enim de sphaera, & cylindro inter Archimedis scripta excellēs adeò habit⁹ fuit, vt ad eius sepulcrū apposita fuerit sphaera, & cylindr⁹: quib⁹ a Cicerone conspectis; statim illud Archimedis sepulcrū esse intellexit: de cuius inuentione ob viri excellentiā maximè gloriatur: Deindè qua ratione ipsum à temerario vanæ orationis proferendæ ausu, (dum sic loquitur, da mihi vbi sistam, terramquè mouebo) vindicare possemus; nisi hæc, quæ de æqueponderantibus extant, scripta reliquisset? ex his enim habitatitia proportionis ponderum, & distantiarum, sit manifestum non esse à ratione, nequè à natura prorsus alienum, posse terram moueri, si daretur consistendi locus. quod etiam ex nostro volumine Mechanico annis ab hinc aliquot elapsis edito varijs quoquè instrumentis patere potest. quandoquidē multis modis, datum pondus à data potentia moueri, ibi ostensum est. vbi demonstrationes à nobis constitutæ ijs, quæ apud

Archimedes presentī opere habentur, totam eorum vim ferri volunt acceptam. Et ne quidpiam, quod studiosis mechanicæ facultatis prodesse possit, prætermitteretur, ad horum Archimedis librorum interpretationem aliquid operis contulisse placuit; satisquē nobis fecisse videbimur; si saltem studiosi nos Archimedis vestigia secutos fuisse cognouerint. Et quamuis opus hoc fuerit ab Eutocio Ascalonita nonnullis commentarijs illustratum, quia tamen propter Archimedis scriptorū obscuritatē multa adhuc remanēt abstrusa, nec prorsus omnibus peruia; præsertim græcarum literarum expertibus; cū liber hic in latinum versus multis in locis obscurus, alijsquē plerisque quodammodo mancus meritō suspicetur; ita ut adhuc in tenebris iacere videatur; græcusquē præterea codex impressus, quem secuti sumus, multis in locis aliqua correctione egere videatur; idcirco ab huiusmodi munere præstando desistere nolimus: quin simul hos libros in latinū sermonem verteremus; commentarijsquē illustratos redderemus. Cū præsertim hinc tutus ad mechanicam disciplinā pateat aditus. Quare ut mens huius præclarissimi Mathematici magis, atque magis, quā fieri possit, pro virili nostra perspicua reddatur; & huius scientiæ cupidi in adipiscendis pulcherrimis hisce theorematibus minū laborent; à communi genere interpretandi aliquantulum in præsentia discedere nobis visum est opportunum. Nam qui res mathematicas interpretati sunt, suos commentarios seorsum à demonstrationibus collocauere: nos verò, quæ nostra sunt, verbis ipsius Archimedis inseruimus, & hoc tantū in ipsis demonstrationibus, non in propositionibus, & huiusmodi alijs, hac planè habita distinctione, ut quæ sunt Archimedis (*his, vel his literarum notis*) cognoscantur, ipsiusquē tantū Archimedis esse intelligantur. Quæ verò alterius sunt characteris, ut quæ huius existent formæ, nostra esse semper sint existimanda. & quoad fieri potuit, verba omnia, quæ nobis declaratione aliqua, nec non correctione indigere visa sunt (ijs tamen omissis, quæ parui, imò nullius sunt momenti, ut est literarum immutatio, & huiusmodi alia) dilucidè explicare, atque emendare studuimus. quibus etiam hanc adhibui

*declaratio
huius para
phras.*

mus diligentiam, quòd quamuis ea, quæ nostra, sunt, verbis sint Archimedis inserta; si quis tamen verba tantum Archimedis legere maluerit, rectè id assequi poterit; siquidem ne verbum quidem Archimedis omisimus: quinnimò ea ita disposuimus, ut suum prorsus retineant sensum, possintquè continuatè legi; ac si nihil inter ipsa insertum fuerit. quod quidem studiosis non inutile fore iudicauimus; qui absque nostris additionibus Archimedè tantum habebunt; cù nostris verò additionibus Archimedis demonstrationes continuatas, & explicatas habebunt. Huberionis autem doctrinæ gratia permulta adiunximus scholia, in quibus passim ordinem, Authorisquè artificium patefecimus; nec non multa lemma ta ad Archimedis demonstrationes necessaria demonstrauimus; aliaquè nonnulla ad explicationem, subiectamquè materiam valde vtilia adiecimus. Ut etiam Archimedis dicta magis elucescant, antequam ad explicationem verborum ipsius accedamus, nonnulla prius declarare opportunum nobis visum est ad ea, quæ in his libris Archimedis supponit tanquam cognita. Deinde considerandus proponitur scopus, atque intentio Archimedis; diuisio item librorum; huiusmodiquè alia, quæ summam afferent facilitatem ad intelligendam mentem Archimedis.

Cùm itaque supponat, nos exquisitam habere notitiam centri grauitatis; illius definitionem afferre libuit: pro cuius tamen faciliiori notitia illud quoque in primis admonendum duximus; nimirum quatuor reperiri centra. Centrū uidelicet vniuersi, centrum magnitudinis, centrum figuræ, & centrum grauitatis, quod quidem grauitatis centrum rectè definitur à Pappo Alexandrino in octauo libro mathematicarum collectionum hoc pacto.

DEFINITIO CENTRI GRAVITATIS.

Centrum grauitatis vniuscuiusque corporis est punctum quoddam intra positum, à quo si graue appensum mente concipiarur, dum fertur, quiescit; & seruat eam, quam in principio habebat positionem, neque in ipsa latione circum-

uertitur


uertitur

EIVSDEM ALIA DEFINITIO.


Centrum grauitatis vniuscuiusque solidæ figuræ est punctū illud intra positum, circa quod vndique partes æqualium momentorum consistunt. si. n. per tale centrum ducatur planū figuram quomodocunque secans, semper in partes æqueponderantes ipsam diuidet.

Hanc postremam definitionem, seu potiùs descriptionem tradidit Federicus Commandinus in libro de centro grauitatis solidorum. ex quibus sanè definitionibus elucescit natura, atque facultas cētri grauitatis.

vt si punctum A fuerit centrū grauitatis corporis BC, tunc ex Pappi sententia, si BC suspēdatur ex A, magnitudo BC eadem, qua reperitur, dispo-



sitione locata manebit; neque partes ulla ipsius corporis, vt quæ sunt ad BC, circumuerti, neque omnino suum mutare situm deprahendetur. si verò vt Cōmandino placuit, A fuerit centrum grauitatis magnitudinis BCD, eadem-que per punctum A vtcunque secundum rectitudinem diuidatur, veluti per EAF,



tunc pars EBF ipsi ECDF æqueponderabit, quamuis EBF, & ED sint magnitudines inæquales. sæpenumero enim euenire solet, vt in diuisione figuræ per eius centrum grauitatis ipsa aliquando in partes diuidatur æquales, aliquando in partes inæquales: vt suo loco ostendemus: semper tamen in partes diuiditur hinc inde æqueponderantes; non tamen seorsum constitutas, ab inuicem-que seiunctas, & veluti ad æquilibrium examinatas; vt putā si EBF decem pondo ponderet; ED quoque totidem pependisse oporteat. res quippe non sic se habet, sed eas esse in eo situ æqueponderantes, in quo reperiuntur; vt neutra

*in fine primi
huius.*

solido

B

alteri

alteri præponderet. ex quibus colligi potest, si graue quidpiam in centro mundi collocatum fuerit, oportere centrum grauitatis illius in centro mundi constitutum esse: siquidem ut graue illud tunc quiescat, partes vndique ipsum ambientes equalium momentorum existere, atque manere oporteat. Quare dum asseritur, graue quodcumque naturali propensione sedem in mundi centro appetere, nil aliud significatur, quàm quòd eiusmodi graue proprium centrum grauitatis cum centro vniuersi coaptare expetit, ut optimè quiescere valeat. Ex quo sequitur motum deorsum alicuius grauis fieri per rectam lineam, quæ centrum grauitatis ipsius grauis, centrumquè mundi connectit. quandoquidem grauia deorsum rectà feruntur. Vnde manifestum est, Grauia secundum grauitatis centrum deorsum tendere. quod nos in nostro Mechanicorum libro supposuimus.

Ex ijs omnibus, quæ hæcenus de centro grauitatis dicta sunt, perspicuum est, vnumquodque graue in eius centro grauitatis propriè grauitare, veluti nomen ipsum centri grauitatis id ipsum manifestè præferre videtur. ita ut tota vis, grauitasquè ponderis in ipso grauitatis centro coaceruata, collectaque esse, ac tanquam in ipsum vndiquè fluere videatur. Nam ob grauitatē pondus in cētrum vniuersi naturaliter peruenire cupit; centrum verò grauitatis (exdictis) est id, quod propriè in centrum mundi tendit. in centro igitur grauitatis pondus propriè grauitat. Præterea quando aliquod pondus ab aliqua potentia in centro grauitatis sustinetur, tunc pondus statim manet, totaque ipsius ponderis grauitas sensu percipitur. quod etiam contingit, si susteneatur pondus in aliquo puncto, à quo per centrum grauitatis ducta recta linea in centrum mundi tendat. hoc namque modo idem est, ac si pōdus in eius centro grauitatis propriè sustineretur. Quod quidem non contingit, si sustineatur pondus in alio puncto. neque enim pondus manet, quin potius antequā ipsius grauitas percipi possit, vertitur vtique pondus, donec similiter à suspensionis puncto ad centrum grauitatis ducta recta linea in vniuersi centrum recto tramite feratur. quæ quidem ex prima nostrorum Mechanicorum pro-

positione sunt manifesta, quando autem hæc linea est hori-
zonti erecta, tunc idem prorsus est (vt mox diximus) perinde
ac si pondus in centro grauitatis ad vnguem sustineretur.

Quocirca si ponderis grauitas minimè percipi potest, nisi in
cetro grauitatis ipsius, pōdus certè in ipso propriè grauitat.

Centrum figuræ apud Mathematicos est punctum, à quo
semidiametri exeunt; vel per quod trāseunt diametri, vt circu-
li centrum, & ellipsis, nec non oppositarum sectionum.

Centrum verò magnitudinis est id, quod medium figuræ
obtinet; vel quod equaliter ab exteriori superficie distat. vt
sphæræ centrum.

Centrum denique mundi est punctum in medio vniuersi
situm, omniumquè rerum infimum.

Cæterum ad meliorem horum notitiam obseruandum est,
hec centra aliquando simul omnia inter se conuenire, aliquā-
do nonnulla; aliquando autem minimè. simul verò omnia
conueniunt, vt centrum vniuersi, centrum magnitudinis ter-
ræ (sphæræ scilicet ex aqua, terraquè compositæ, quam nos bre-
uitatis studio terram tantum nuncupabimus) centrum figu-
ræ terræ; ac centrum grauitatis terræ. Cùm enim terra sit sphæ-
rica (vt omnes fatentur.) eius medium erit centrum figuræ, à
quo semidiametri exeunt. id ipsumquè erit centrum magnitu-
dinis, siquidem ipsius figuræ medium obtinet. Præterea idem
punctum est centrum grauitatis terræ. & quoniam terra in me-
dio mūdi quiescit, erit hoc centrū grauitatis in centro vniuersi
collocatum. & hoc duntaxat modo centra omnia in vnū con-
uenire possunt. quamquam verò sphæra, quæ continet terrā &
aquā, composita est ex corporibus diuersæ speciei, differētisquè
grauitatis, nimirum ex terra, & aqua; non tamē efficitur, quin
mediū ipsius cum centro grauitatis conspiret in vnum. Nā ex
Aristotelis sententia terra circa mundi centrum vndique cōsi-
stis; & Archimedes affirmat, etiā humidū manens esse sphæri-
cū, cuius cētrum est centrū vniuersi. si itaque terra, & aqua ma-
nēt, quiescūtquè circa centrū vniuersi, ergo centrū mūdi ipso-
rū simul cētrū grauitatis existit. atque adeo quatuor prædicta
centra in vnū simul conueniunt punctum. Quod autē tria si-
mul centra in vnum coëant, satis conspicuū esse poterit cuiquē

lib. de celo

*lib. de iis
quæ uehun-
tur in aqua*

16 Federi-
ci cōm. de
centro gra-
uitatis soli-
dorum.

4. Fed. com-
man. de cen-
tro graui-
tatis solido-
rum.




in secundo
libro huius

sphæram aliquam, putà ligneam, vel alterius (similis tamẽ) naturæ intuenti; siquidem eius medium erit centrum magnitudinis, & centrum figuræ; idemquẽ punctum erit ipsius centrum grauitatis; circa quòd vndique partes æqueponderant. & quoniam hæc sphæra non est in centro mundi; propterea tria tantum centra simul conuenient. si verò sphæra non similis, sed dissimilis fuerit, veluti altera ipsius medietate plumbea, altera verò medietate lignea existente, tunc eius medium erit quippè centrum magnitudinis, & figuræ, grauitatis verò centrum nequaquam. Nam partes vndique circa medium æqueponderare non possent; sed grauitatis centrum ad grauiorem partem, nimirum plumbeam declinabit. & hoc modo duo tantum centra inter se conuenient. vt etiam (modo tamen diuerso) accidit ellipsi; cuius centrum est centrum figuræ, siquidem per ipsum transeunt diametri; idemquẽ punctum est ipsius centrum grauitatis. quod cum non sit propriè medium figuræ, non erit quoque centrum magnitudinis. mediū enim figuræ propriè circulo, ac sphærae tantum competit. Quare duo centra hoc quoque modo simul tantum conuenient. In figura paraboles recta linea terminatę centrum grauitatis intra figuram reperitur, quippè quod neque centrum figuræ, neque centrum magnitudinis esse potest. etenim in hac figura non potest dari medium, vnde neque centrum magnitudinis dabitur, & quoniam in parabole diametri sunt inter se equidistantes, vt ex primo libro conicorum Apollonij pergei constat; neque etiam centrum figuræ dabitur. sic igitur centra nullo modo conuenient.

Nouisse quoque oportet centrum grauitatis communius esse, in pluribusquẽ reperiri, quàm centra magnitudinis, & figuræ: centrum verò figuræ communius esse centro magnitudinis. Nā quodlibet corpus, & quælibet figura necesse est, vt habeat cẽtrũ grauitatis intrinsecus, vel extrinsecus. Intrinsecus vt cẽtrũ grauitatis alicuius corporis regularis, quod est in medio figuræ, vel alicuius figuræ vt A; cuius centrum grauitatis sit in ambitu figuræ, vt in puncto B; extrinsecus verò vt figura C, cuius centrum grauitatis extrinsecus sit, vt in D; quod est intelligendum, si graue C in centrum mundi tenderet,

tunc

tunc centrum D cum centro mundi cōueniret; figuraquē C quiesceret circa centrum vniuersi, veluti se habet circa cētrum D. partes enim figuræ talem possunt habere situm, vt inter se equeponderare possint. vt ex subiectis figuris perspicuum est. & adhuc clariùs, si intelligatur figura, vt E circulo tum exteriori, tum interiori terminata, cuius centrum grauitatis extra figuram erit in F. quod quidem cum circulorum centro conueniet. circa quod (existente centro F in centro mundi) partes vndique equeponderabunt: cum omnes equaliter à centro grauitatis distēt. præterea in hac figura E centrum grauitatis (quamuis sit extra figuram) cum centro figuræ, cētroquē magnitudinis ipsius figuræ conuenire, fortasse non erit inconueniens asserere. At verò figuræ AC nullo pacto figuræ, magnitudinisquē centrū habebunt. & quamuis dictum sit centrū grauitatis corporum regularium esse me-



dium ipsorum, non tamen propterea dicendum est, idem esse centrum magnitudinis, atque figuræ, nisi improprie; mediū enim his improprie attribuitur, sicuti etiam centrum figuræ; cum lineæ ex ipso prodeuntes non sint ipsorum corporum (quatenus regularia sunt) semidiametri. quare centrum grauitatis reperiri potest absque alijs centris; at non è conuerso. Rursus commune magis est cētrum figuræ centro magnitudinis; quia præter circulum, & sphæram, quæ tam figuræ, quā magnitudinis centrum habent, nonnullæ figuræ suum habent figuræ centrum in ipsis, & extra ipsas; in ipsis, vt ellipsis, cuius centrum intùs habetur; semicirculus etiam, dimidiaquē sphæra centrum habent in limbo. extra figuram verò veluti hyperbolæ centrum, quod extra figuram existit; vbi nempe diametri concurrunt. Quæ quidem omnia sunt figuræ centra; magnitudinis verò minimè. verum obijciat hoc loco for-


tasfe

tasle quispiam, vel ambas, inquit, centri grauitatis definitiones allatas, diminutas esse; vel ijs, quæ modò à nobis de cetro grauitatis dicta sunt, repugnare; cùm ostenderimus centrum grauitatis aliquando esse, vel in ambitu figuræ, vel extra figuram; definitiones verò allatæ semper supponunt illud esse in ipsis intra positũ. Cõfirmaturquẽ difficultas, quandoquidem, neque huiusmodi centrum extra figuram constitutum, fuisse Archimedi prorsus ignotum, existimare debemus; vt colligere licet ex nono postulato huius libri; cùm inquit. *Omnia figuræ, cuius perimeter sit ad eandem partem concauus, centrum grauitatis intra ipsam esse oportet.* quasi non repugnet figuræ perimeter non ad eandem partem concauum habenti, extra ipsam grauitatis centrum obtinere. Cui obiectioni in hunc modum occurri poterit, si dixerimus, quòd quamuis exempli gratia in figura C dictum sit centrum grauitatis D extra figuram existere, id ipsum etiam intra figuram esse affirmari poterit. siquidem ambitus figuræ C centrum D intra se continet; ita vt respectu totius sit intra. idemquẽ dicendum est de altera figura A. hoc autem euidentissimum est in figura E. & hic est sensus definitionum centri grauitatis. His itaque primum cognitis consideranda est intentio Archimedis in his libris, quæ quidem vt plurimum à librorum inscriptionibus elucescere solet.


DE SCOPO HORVM LIBRORVM

Si Archimedis propositum in his libris ex ipsa operis inscriptione, vt in alijs quoque aliorum authorum voluminibus fieri vt plurimum solet, inuestigandum erit, partim sanè conspicuum illud esse videbitur, partim verò ignotum adeò, vt potius nullius fermè rei se habiturum esse sermonem profiteatur Archimedes. quid enim (obsecro) verbis illis significari potuit, quæ primi libri initio ita se habet. *Αρχιμήδους ἐπιτομῶν τῶν στοιχείων, ἢ κέντρων βάρων ἐπιτομῶν.* hoc est. *Archimedis planorum æque ponderantium, vel centra grauitatum planorum.* quandoquidem videtur Archimedes rem prorsus inutile, quinnimò naturæ repugnantem sibi contemplandam proponere. dùm enim polli-

cetur se esse pertractaturum de planis æquæponderantibus, si
 ue de centrīs grauitatum planorum; cū ea, quæ æqueponde
 rare debent, ponderare quoque oporteat; si plana æqueponde
 rare debent, grauitate quadam illa prædita esse necesse est. quod
 valdè à planorum natura abhorret, cū grauitas, non nisi cor
 poribus, neque tamen omnibus competat. ipse tamen, dum
 plana æqueponderantia, vel centra grauitatum planorum se
 explicaturum pollicetur, apertè supponit plana, ac superficies
 graues existere, rem sanè imaginariam prorsus, ipsiusquè rei
 naturæ nullatenus respondentem. ita vt Archimedes circa ea,
 quæ omnino rei naturæ aduersantur, negotium sumpsisse vi
 deatur. Verū enim uerò si Authoris mētem acuratiùs intuea
 mur, rem planè egregiam, naturæquè rei apprimè consenta
 neam ipsum pertractandam sumpsisse depræhendemus. Nam
 quamuis plana, quatenus plana sunt, nullam habeant graui
 tatem, non est tamen à rei natura, neque à ratione alienum,
 quin possimus planorum, superficierumquè centra grauitatis
 depræhendere, ex quibus si suspendantur, planorum partes
 vndiquè equalium momentorum consistentes maneant. quā
 do quidem centrum grauitatis talis est naturæ, vt si mente cō
 cipiamus, rem aliquam in eius centro grauitatis appensam es
 se, eo prorsus modo, quo reperitur, quiescat, & maneat. vt
 antea declarauimus. & quamuis re ipsa, actūque plana seorsū
 à corporibus reperiri nequeant; in ipsis tamen hæc ipsorum
 circa centra grauitatis æqueponderatio ad actum facilè redigi
 poterit. Vt sit solidum AB prism
 ma, cui⁹ latera AE CF DB sint
 horisontī erecta, superiorquè ba
 sis ACD, quemadmodum & in
 ferior EFB, sit horisontī æquidi
 stans; sit autem plani ACD cen
 trum grauitatis G, ex quo G si
 suspendatur totum AB; patet
 planum ACD horisontī æqui
 distans permanere, ac propterea
 circa cētrum grauitatis G æque
 ponderare. quod quidem, quamuis egeat demonstratione,



in præsentia omittatur; infraquè suo loco ostendendum. sat autem nobis nunc sit ostendisse, hæc ad praxim reduci, manibusquè (vt dicitur.) contrectari posse. Quòd si hæc ita se habent, huiusmodi consideratio non erit vana, neque vt inutilis reiicienda. Sed vltèriùs adhuc progrediamur, dicamusquè, quoniam planum ACD , quatenus est corpori coniunctum, horizonti æquidistans permanere debet; si seorsum à corpore illud intelligamus, vt si ADC ex eius centro gravitatis G suspendatur, tunc quocunque modo reperiatur, hoc est siue horizonti æquidistans, siue minùs, id ipsum permanfurum nihilominus intelligere possumus, partesquè vndique æqualium momentorum consistentes. Neque enim Aristoteles grauib; duntaxat, sed etiam leuib; momenta tribuit, id ipsumquè (vt Eutocius in horum librorum comentarijs refert) Ptolæmeo quoque placuit, vt habetur in libro (à nobis tamen desiderato) quem de momentis scripsit. Præterea aliquoque Philosophi id ipsum sensisse videntur, quod est quidem rationi consentaneum, superuolant enim, quæ leuia sunt, & si mente concipiatur eadē figura leuis cuiuspiam esse, tunc si detineatur in G , partes vndique æqualium momentorū consistent, essetquè G (vt ita dicam) centrum leuitatis. Quoniam autem circa centrum gravitatis æqueponderationem consideramus, idcirco plana, tanquam nobis apparentia gravitatem habere, mente concipimus. Non est igitur à ratione alienum, æqueponderantiam in planis, vt grauib; consideratis intelligere, conciperequè. Nec quicquam nobis officit, quòd definitiones centri gravitatis priùs allatæ non planorum, sed corporum centra explicarunt, ita vt gravitatis centrū ad corpora, nō ad plana sit referendū. Hoc enim ideo factū est, quia propriè centrū gravitatis respicit corpora; non tamen propterea impropriè respicit plana, sed quia primò respicit corpora; in quib; actu inesse deprehēditur. propterea cēdē definitiones planis quoque in hūc modū aptari poterūt.



DEFINITIO CENTRI GRAVITATIS PLANORVM.


Centrum gravitatis vniuscuiusque plani est punctum quoddam intra positum, à quo si planum appensum mente concipiatur, dum fertur, quiescit; & seruat eam, quam in principio habebat positionem, neque in ipsa latione circūvertitur.

EIVSDEM ALIA DEFINITIO.

Centrum gravitatis vniuscuiusque plani est punctum illud intra positum, circa quod vndique partes æqualium momentorum consistunt. si enim per tale centrum recta ducatur linea figuram quomodocunque secans, semper in partes æqueponderantes ipsam diuidet.

Vt itaque in planis quoque centrum gravitatis consideratur, ita etiam plana gravitate prædita considerare, non erit absurdum. si enim impossibile esset considerare plana gravitate prædita, centrum quoque gravitatis in ipsis nullo modo concipi posset; atque perspicuum est, centrum gravitatis in ipsis admitti, ac designari posse, igitur & plana gravitate insignita. Et si mathematicus considerat corpora seclusa interim ipsorum gravitate, & leuitate: & Astronomus corpora considerans cælestia, quæ neque graua, neque leuia sunt, non propterea cōsiderat ea ex propria ipsorū natura, neque graua, neque leuia esse; etenim quamuis graua, vel leuia essent, nihilo minus neque graua, neque leuia esse ea consideraret. quod si Mathematicus hoc pacto huiusmodi corpora intelligere potest; quid prohibet rursus eadē, quāuis vt talia, neque graua, neque leuia sint; vel graua, vel leuia esse concipere? quæ admodum hoc quoque exē

plo res magis elucescet: veluti si intelligamus ex AC appensa esse plana DE, quæ sint æqualia; su



spendaturquē AC in medio prorsus in B; cur mente intelligere non possumus, quantitātē, spaciūquē D æquepōdere spacio E; cū sint æqualia? q̄ si planorum alterum, putā D, maius esset ipso E, tunc

C statim

statim non solum æqueponderare non posse, verum etiam planum D deorsum tendere concipiemus. & hoc nulla alia de causa, quam quod cum D maius sit, quam E, statim ipsū D, quam E grauius quoque esse concipimus. Considerare igitur planā cum grauitate non est omnino à ratione alienū. Quare vtrumque titulum, nempe planorum æqueponderantium, vel centra grauitatis planorū, admittendum duximus. Verum quoniam Archimedes secundum librum simplici vocabulo, nimirum (quasi simul omnia complectens) *æqueponderantium* inscripsit; idcirco tam primum, quam secundum librum (æqueponderantium) inscribendum existimamus. eoque libentius; quoniam ipsemet Eutocius horum quoque librorum explanator hosce libros hoc tantum nomine æqueponderantium nuncupauit: alijquē omnes, qui hos Archimedis libros nominant; hoc titulo de æqueponderantibus nuncupant. Præterea titulus hic magis operi congruere mihi videtur; quoniam nonnulla Archimedes in principio pertractat, quæ tam solidis, quam planis communia existunt; quamuis cætera ad plana sint tantū referēda. in quibus omnibus de re admodū vtili, & ad quā plurima cōduēcti pertractat. quādoquidē ex ijs, quæ ab Archimede his libris docemur, in multarū rerū cognitionē peruenire possumus. quod facile constat in primis ipsiusmet Archimedis exēplo. siquidē hac methodo ipse in libro de quadratura paraboles cōparādo plana in libra cōstituta, ipsius paraboles quadraturā miro artificio adinuenit. Deinceps ex cognitione cætrorū grauitatis planorum, nos in cognitionem centriorum grauitatum solidorum deducimur. Denique adeo proficua est hæc doctrina, quam nobis in his libris Archimedes præstat; vt affirmare non verear, nullum esse Theorema, nullumquē problema ad rem mechanicam pertinens, quod in sui speculatione peculiare nō assumat fundamentum ex ijs, quæ Archimedes in his libris edisserit. quemadmodum (cæteris interim omissis) patet ex vulgata illa propositione enunciante, ita se habere pondus ad pondus, vt distantia ad distantiam permutatim se habet, ex quibus suspenduntur. quæ præclarissimè ab ipso in primo libro demonstratur. Et quamuis Iordanus Nemorarius (quem secutus est

Nicolaus Tartalea, & alij in libello de ponderibus hanc eandem propositionem quoque demonstrare conatus sit; & ad eam ostendendam pluribus medijs fuerit usus; nulli tamen probationi demonstrationis nomen convenire potest. cum vix ex probabilibus, & ijs, quæ nullo modo necessitatem afferunt, & fortasse neque ex probabilibus suas componat rationes. Cum in mathematicis demonstrationes requirantur exquisitissimæ. ac propterea neque inter Mechanicos videtur mihi Iordanus ille esse recensendus. Quapropter ad Archimedem confugiendum est, si fundamenta mechanica, veraque huius scientiæ principia perdiscere cupimus: qui (meo iudicio) ad hoc potissimum respexit; ut elementa mechanica traderet. ut etiam Pappus in octavo Mathematicarum collectionum libro sentit; quod quidem ex diuisione, ac progressu horum librorum facile dignoscetur.

DE DIVISIONE HORVM LIBRORVM.

Diuiditur enim in primis hic tractatus in duos libros diuisus, in postulata, & theorematum: theorematum verò subdividuntur in duas sectiones, quarum prima continet priora octo theorematum; ad alteram verò reliqua theorematum spectant. quæ quidem adhuc in alias duas partes diuidi potest; nempe in theorematum primo libro examinata, & in ea, quæ secundus liber contemplatur. Hanc autem horum librorum constituiimus diuisionem, quoniam imprimis Archimedes, (omissis postulatis, quæ primum locum obtinere debent) quædam tractauit communia in prioribus octo theorematibus; quorum scopus est inuenire fundamentum illud præcipuum mechanicum, quod scilicet ita se habet grauitas ad grauitatem, ut distantia ad distantiam permutatim. ad quod demonstrandum quinque præmittit theorematum, quæ paulatim deducunt nos in cognitionem demonstrationis præfati fundamenti. quo loco illud summopere notandum est, nimirum fundamentum illud, nec non octo priora theorematum communia esse tam planis, quam solidis; atque promiscue de vtrisque Archimedem demonstrare. quod si quis aliter

senferit, demonstrationesquæ tantùm de planis cōcludere existimauerit, vel de solidis, non autem quibuscūque, sed vel de rectilincis, vel de homogeneis tantùm, & de ijs, quæ inter se sunt eiusdem speciei, longè aberrat à scopo, & mente Archimedis. etenim in his semper loquitur. vel de grauibus simpliciter, veluti in primis tribus theorematibus; vel de magnitudinibus, vt in reliquis quinque quod quidem nomen tam planis, quàm solidis quibuscunque est cōmune, vt etiam ij, qui parùm in Mathematicis versati sunt, satis norunt. sicuti etiam Euclides, dum quinti libri propositiones pertractauit, quantitatem continuam sub nomine magnitudinis cōprehendit. quòd autè nomen grauis sit cōmune, iam satis per se constat. Perspicuum est igitur priora hæc octo Theoremata communia esse, tam planis, quàm solidis. ac non solum solidis eiusdem speciei, & homogeneis, verùm etiam solidis diuersæ speciei, & heterogeneis, vt suo loco manifestum fiet. Iactoque hoc fundamento, quod Archimedes in duobus propositionibus, sexta nempe, & septima demonstraui; in octaua tanquam corollarium colligit. Deinceps peculiariter pertractat de centro grauitatis planorum, nec amplius plana nominat magnitudinis nomine, sed proprijs cuiuscunque nominibus; vt parallelogrammi, trianguli, & aliorum huiusmodi. & in hac parte descendit ad particularia. quippè cū & si non actu fortasse, virtute tamen cuiuslibet particularis plani centrum grauitatis nos doceat. in primo enim libro sat sibi visum est ostendisse centra grauitatum triangulorum, ac parallelogrammorum. ex quibus cæterarum figurarum, veluti pentagoni, hexagoni, & aliorum similium centra grauitatis inuestigare non admodum erit difficile. siquidem huiusmodi plana in triangula diuiduntur. vt in fine primi libri attingemus. In secundo autem libro altiùs se extollit, & more suo circa subtilissima theoremata versatur; nempe circa centrum grauitatis conicę sectionis, quæ parabole nuncupatur. nonnullaque præmittit theoremata, quæ sunt tanquam præuię dispositiones ad inuestigandam demonstrationem centri grauitatis in parabole. Itaque perspicuum est, Archimedem propriè elementa mechanica tradere. quando-


quidem

quidem duo pertractat, quæ sunt tanquam elementa huius scientiæ. fundamentum nempè illud præstantissimum iam toties præfatum, deinde centra grauitatis planorum ostendit. & quamuis hi duo Archimedis libelli pauca continere videantur, non tamen pauca docuisse Archimedem existimandum est. multa enim sunt mole exigua, quæ tamen virtute maxima habentur. quod planè Archimedis scriptis accidit; hisquè præsertim, ex quibus patet aditus ad multa, ac penè infinita theoremata, problemataquè mechanica. nihil enim in hoc genere demonstrari potest, quod his non indigeat scriptis. & quod admirabilius est, nos non solùm pro fundamento suscipere posse ad aliquod demonstrandum theoremata in his libris demonstrata, verùm etiam ab his demonstrationibus perdiscerere ipsum modum argumentandi, & demonstrandi; ut suis locis ostendemus. ita ut verè concludendum sit, neminem prorsus inter mechanicos connumerandum fore, qui hæc Archimedis scripta ignorat. ignoratis enim principijs nulla est scientia, ut apud omnes sapientes perspicuum est. Ipsum igitur Archimedem audiamus, eiusquè scripta diligentissimè perpendamus.

G V I D I V B A L D I
 E M A R C H I O N I B V S
 M O N T I S.
 I N P R I M V M A R C H I M E D I S
 A E Q V E P O N D E R A N T I V M
 L I B R V M
 P A R A P H R A S I S
 S C H O L I I S I L L V S T R A T A.

Archimedis tamen huius primi libri
 titulus sic se habet.

ARCHIMEDIS PLANORVM AEQVEPONDERANTIVM,
 VEL CENTRA GRAVITATVM PLANORVM.



ARCHIMEDIS POSTVLATA.

I. GRAVIA AQUALIA EX AQUALIBUS DISTANTIIS AQUE-

ponderare.



S C H O L I V M.



VOBVS modis graua in distantijs collocata intelligi possunt. quod & in caeteris postulatis, & in propositionibus intelligendum est. etenim vel graua sūt appensa, vt in prima figura aequalia graua AB sunt in CD appensa; ita vt distantia EC sit distantia ED aequalis. intelligaturquē CD. tanquam libra, quæ suspendatur in E. vel vt in secunda figura graua AB habent ipsorum centra grauitatis, quæ sint CD, in ipsa DC linea, in pun-

ctis

etis nēpè CD
constituta. li-
braquē simili-
ter ex puncto
E suspendatur;
sitquē distātia
EC distantiae
ED æqualis,
erūt vtiq̃ue in
vtraque figura
pondera AB
in distantijs æ-
qualibus con-
stituta. ac pro-



pterea æqueponderabunt, atque manebunt. nulla enim ratio
afferri potest, cur ex parte A, vel ex parte B deorsum, vel sur-
sum fieri debeat motus; cū omnia sint paria, ea verò æque-
ponderare debere, aliqua ratione manifestari potest ex eo,
quod ostensum est à nobis in nostro mechanicorum libro,
tractatu de libra: quod quidem ab Aristotele quoque in prin-
cipio quæstionum mechanicarum elici potest: idem scilicet
pondus longius a centro grauius esse eodem pondere ipsi cen-
tro propinquiori. Vnde si duo essent pondera æqualia alte-
rum altero propinquius centro, quod remotius est, grauius al-
tero appareret. si igitur graua æqualia à centro æqualiter di-
stabant, æque graua erunt. ac propterea æqueponderabunt,
quod quidem supponit Archimedes. Punctum autem illud,
quod Archimedes accipit, vnde sumuntur distantiae, ex qui-
bus graua suspenduntur, veluti punctum E, Aristoteles cen-
trum appellat. & hæc quidem æqueponderatio tam ponderi-
bus in libra appensis, quàm in ipsa (vt dictum est) constitutis
competit: dummodo ea, quibus appenduntur pondera, libe-
rè semper in centrum mundi tendere possint, vtroque enim
modo in punctis CD grauitant, vt diximus etiam in eodem
tractatu de libra. Nouisse tamen oportet Archimedes in his
libris potius intellexisse pondera esse in distantijs collocata, vt
in secunda figura, quàm appensa; vt ex quarta, & quinta

primi libri propositione patet. demonstrationes enim clari-
ores redduntur.




Porro non ignoran-
dum hoc Archimedis
postulatum verificari
de ponderibus quocun-
que situ dispositis, siue

CED fuerit horizonti
æquidistans, siue minùs;
vt in hac prima figura,
eodem modo semper
verum esse pondera æ-

qualia CD ex equali-
bus distantijs EC ED
æqueponderare, vt in-
fra (post scilicet quartā
huius propositionem)

perspicuum erit. Qua-
re cum Archimedes tā
in hoc postulato, quā
in sequentibus, suppo-
nit pondera in distan-
tijs esse collocata, intel-
ligendum est distātijs
ex vtraque parte in ea-
dem recta linea existe-
re. Nam si (vt in secun-

da figura) distātia AB
fuerit equalis distantię BC, quæ non indirectum iaceant,
sed angulum constituent; tunc pondera AB, quamuis sint
equalia, non æqueponderabunt. nisi quando (vt in tertia fi-
gura) iuncta AC, bifariamquē diuisa in D, ductaque BD,
fuerit hæc horizonti perpendicularis, vt in eodem tractatu
nostro exposuimus. Distantias igitur in eadem recta linea
semper existere intelligendum est. vt ex demonstrationibus
Archimedis perspicuum est.




II.

Aequalia verò graua ex inæqualibus distantijs non æqueponderare, sed præponderare ad graue ex maiori distantia.

SCHOLIUM.

Si enim distantia EC maior fuerit distantia ED, grauibz AB similiter æqualibus existē-




tibus, & in CD positis, tunc concedendum videtur graue A præponderare ipsi B, quandoquidem EC longior est, quàm ED. supponit autem Archimedes hoc postulatum respiciens fortasse ad ea, quæ Aristoteles in principio quæstionum mechanicarum ostendit, vbi colligit Aristoteles idem pondus celerius ferri, quò magis à centro distat, vel quod idem est, duo pondera æqualia inæqualiter à centro distantia, quod magis distat, celerius ferri. quod autem æqualium ponderum celerius fertur, grauius existit; erit igitur A grauius, quàm B. quia EC longior est, quàm ED. Nos quoque (vt diximus) in libro nostrorum Mechanicorum tractatu de libra, alijs quoque rationibus ostendimus, quo pondus est in longiori distantia grauius esse. ex quibus sequitur propter longiorem distantiam EC pondus A præponderare ponderi B. ac propterea deorsum ferri.

III.

Grauibz ex aliquibus distantijs æqueponderantibus, si alteri grauium aliquid adijciatur, non æqueponderare; sed ad graue, cui adiectum fuit, deorsum ferri:

SCHOLIUM.

Graua enim
AB siue æqua-
lia, siue inæqua-
lia æqueponde-
rent ex distan-
tijs AC CB, al-
teri verò gra-
uium, puta B,
adijciatur pon-



us D. perspicuum est pondera BD simul magis ponderare, quàm A. si enim B æqueponderat ipsi A; erit pondus B in hoc situ æquegraue, vt A: pondera igitur BD in hoc situ nõ erunt æquegraui, vt pondus A. sed grauiora existent, quàm A. quare BD deorsum tendent.

III.

Similiter autem, si ab altero grauium auferatur aliquid, non æqueponderare; verùm ad graue, à quo nil ablatum est, deorsum tendere.

SCHOLIUM.

Æqueponderent grauiæ BD simul, & A secundum di-
stantias CB CA; vt in eadem figura, & ab altero eorum, puta
BD, auferatur D, remanent bunt grauiæ BA; eritquè A gra-
uius ipso B. Nam si BD simul æqueponderant ipsi A, B
tantum eidem A non æqueponderabit, sed leuius erit. vnde
sequitur ex parte A motum fieri deorsum.

*eadem figu-
ra.*

V

Aequalibus, similibusquè figuris planis inter se coaptatis, centra quoque grauitatum inter se coaptati oportet.

SCHOLIUM.


Aequales, similesq; sint figurae ABC DEF, quarum centra grauitatis sint GH; si ABC superponatur ipsi DEF, & hoc secūdum laterum aequalitatē, hoc est si latus AB fuerit aequale lateri DE, tunc ponatur AB super DE; similiter AC super DF, & BC super EF; tunc manifestum est centrum grauitatis G super centro grauitatis H ad unguem conuenire; ita vt sint vnum tantū punctum. Plana enim quae se inuicem contingunt, non efficiunt, nisi vnum tantum planum. Solius autem figurae ex planis ABC DEF inuicem coaptatis, vnum tantum erit centrum grauitatis, vt nos in nostro mechanicorum libro supposuimus; centra igitur grauitatis inter se conuenire necesse est. si enim centra grauitatis inter se non conuenirent, vna tantum figura duo posset centra grauitatis habere. quod esset omnino incōueniens. Dixit autem Archimedes oportere has figuras esse similes, & aequales, nam figurae aequales, sed non similes, item similes, & nō aequales esse possunt. quare, vt inter se coaptari possint, & similes, & aequales esse necesse est.

VI

Inæqualium autem, sed similium centra grauitatum esse similiter posita.

SCHOLIUM.

In æquales sint figuræ, similes verò ABCD EFGH, quarum cētra grauitatis sint KL. supponit Archimedes hæc grauitatis centra KL esse in figuris ABCD EFGH similiter posita. cum enim similium figurarum, & late-



ra, & spacia sint similia, necesse est in ipsis simili quoque modo centra grauitatis esse posita, vt in sequenti clariùs apparebit. quomodo autem Archimedes intelligat hanc positionis similitudinem, hoc modo definit.


VII.

Dicimus quidem puncta in similibus figuris esse similiter posita, à quibus ad æquales angulos ductæ rectæ lineæ cum homologis lateribus angulos æquales efficiunt.

SCHOLIUM.

In similibus figuris ABCD EFGH sint homologa latera AB EF, BC FG, CD GH, AD EH. anguli verò æquales, qui ad AE, BF, CG, DH, primum quidem ostendendum est fieri posse, ut à duobus punctis intra figuras constitutis, duci possint rectæ lineæ ad angulos æquales, quæ cum lateribus angulos æquales efficiant. Quasi dicat Archimedes, quoniam supponere possumus puncta in similibus figuris esse similiter posita, ideo supponere quoque possumus centra grauitatis in ipsis esse similiter posita. Itaque sint figuræ ABCD EFGH similes, vt dictum est, sumaturquè in ABCD vtrumque punctum K à quo ducatur KA KB KC KD. deinde fiat an-

gulus



gulus FEL angulo BAK æqualis; & EFL ipsi ABK. Iunganturquæ GL LH. Dico L esse similiter positum, vt K.

4 sexti.

22 quinti.

6 sexti.

Quoniam enim anguli BAK ABK sunt angulis FEL EFL æquales, erit reliquus BKA ipsi FLE æqualis, eritque ob similitudinem triangulorum KA ad AB, vt LE ad EF. est verò AB ad AD, vt EF ad EH propter similitudinem figurarum. erit igitur ex æquali AK ad AD, vt LE ad EH, & quoniam angulus BAD angulo FEH est æqualis, & BAK ipsi FEL æqualis; erit & reliquus angulus KAD angulo LEH æqualis. Quare triangulum KAD triangulo LEH simile existit. eodemque modo ostenderetur BKC simile esse FLG, & KCD ipsi LGH. ex quibus constat angulos KBC LFG, KCB LGF, & huiusmodi reliquos reliquis æquales esse. & ob id puncta KL in figuris ABCD EFGH esse similiter posita.

4 sexti
16 quinti

Itaque demonstrato dari posse puncta in figuris similiter posita, potuit sanè Archimedes antecedens postulatum supponere, nempe inæqualium, sed similium figurarum centra grauitatis esse similiter posita. quod quidem postulatum est rationi valde consentaneum, ex dictis enim (suppositis KL centris grauitatum) triangulum ABK triangulo EFL simile existit; veluti BKC ipsi FLG. & reliqua reliquis. Quare vt AK ad KB, sic EL ad LF, ac permutando vt AK ad EL, ita BK ad FL. similiter ostenderetur ita esse BK ad FL, vt KC ad LG, & KD ad LH. quare centra grauitatis KL


pro-

proportionaliter ab angulis distant.

Ducatur præterea à punctis KL ad latera perpendiculares KM KN KO KP, LQ LR LS LT. & quoniam anguli KMA LQE sunt recti, ac propterea æquales, & KAM LEQ sunt æquales, ut ostensum est; erit reliquus MKA reliquo QLE æqualis, triangulumquè AKM triangulo ELQ simile. ut igitur AK ad KM; sic EL ad LQ. & permutando AK ad EL, ut KM ad LQ. pariquè ratione ostendetur triangulum BKM triangulo FLQ simile existerè; essequè BK ad FL, ut KM ad LQ. similiterquè in alijs triangulis ostendetur, ita esse Bk ad FL, ut KN ad LR; & Ck ad GL esse, ut kO ad LS; atque kD ad LH, ut kP ad LT. quia verò AK EL, Bk FL, Ck GL, Dk HL in eadem sunt proportione, ut proximè demonstratum fuit; in eadem quoque proportione erit kM ad LQ, & KN ad LR; & KO ad LS, atque kP ad LT. ex quibus sequitur centra gravitatis KL, non solum ab angulis in eadem proportione distare; verum etiam à lateribus in eadem quoque proportione distare. Itaque cognito, quomodo intelligat Archimedes centra gravitatis in similibus figuris esse similiter posita; nunc considerandum est præcedens postulatum, quatenus nimirum oporteat gravitatis cètra in similibus figuris similiter esse constituta. Nam intimiùs considerando hanc similem horum gravitatis centrorum positionem, congruum, & nunc videtur, similes figuras secundum eandem proportionem esse æqueponderates; eademquè ratione (ob earum similitudinem) circa gravitatis centra æqueponderare. veluti si figuræ: AC EG (quarum centra gravitatis sint KL) à rectis lineis PN TR utcumquè diuidantur, quæ per centra KL transeant; dummodo in figuris sint similiter ductæ; hoc est, vel latera, vel angulos in eadè proportione dispelcant: ut sit AP ad PD, ut ET ad TH. æqueponderabunt utique partes PABN PNCD, veluti partes TEFR TRGH. & hæc non est simplex æqueponderatio; verum etiam (ut ita dicam) similis, & æqualis æqueponderatio. cum sit secundum eandem proportionem, quandoquidem est PB ipsi TF similis, cum triangula AKB ELF, AKP ELT, BKN FLR, sint inter se similia, quæ quidem efficiunt, figuras

4 sexti
16 quinti

PB TF inter se similes esse. ob eademquē causam est PC similis TG. quod quidem ex demonstratis etiam facile constat. cum anguli sint equales, & latera proportionalia. Vt autem clarius intelligatur hæc similis, & æqualis æqueponderatio, adducere libuit nonnulla ex ijs, quæ posterius tractanda sumentur. Itaque intelligatur punctum V centrum esse gra-



uitatis figuræ PB, X verò centrum grauitatis figure TF. similiter punctum Y centrum esse grauitatis figuræ PC, Z verò figuræ TG. Iunganturquē VY XZ. quæ quidem per centra grauitatis KL transibunt. quòd ex ijs, quæ dicenda sunt, manifestum erit, percipuequē ex octaua proportionē primi huius. quòd tamen interim supponatur. At verò quoniam PB PC æqueponderant secundum proportionem, quam habet YK ad KV; TF verò & TG æqueponderant secundum proportionem, quam habet ZL ad LX. est. n. ac si AN esset appensa in V, & PC in Y; ER in X, & TG in Z. vt in sequentibus manifesta erunt. At verò quoniam AN similis est ipsi ER, habebit AN ad ER duplā proportionem eius, quam habet latus PN ad TR. parique ratione quoniam PC similis est TG, habebit PC ad TG duplā proportionem eius, quam habet idem latus PN ad TR. quare ita se habet AN ad ER, ut PC ad TG. & permutando AN ad PC, vt ER ad TG. Sed vt AN ad PC, ita est YK ad KV, & vt ER ad TG, sic ZL ad LX. eandem igitur

20 sexti

11 quinti

16 quinti


proportionē habebit YK ad KV, quam ZL ad LX. Quare AN PC, & ER TG secundū eandem proportionem æqueponderabunt. quod quidem contingit ex similitudine figurarum, & ex centrīs grauitarum KL similiter positīs, quæ quidem magnitudines, si non essent similes, diuisæ quidē per centrum grauitatis, partes vtrique æqueponderarent; non tamen semper secundū eandem proportionem. quod tamen semper figuris similibus (cū in ipsis grauitatis centra sint similiter posita) contingit; dummodo (vt dictum est) diuidantur. Vnde constat, quā sit conueniens grauitatis centra in figuris hac ratione esse constituta. ex quibus omnibus perspicuum est, centra grauitatis debere in figuris similibus esse similiter posita. vt Archimedes in præcedenti postulato præmisit.

VIII.

Si magnitudines ex æqualibus distantijs æqueponderant, & ipsis æquales ex iisdem distantijs æqueponderabunt.

SCHOLIUM.

Hoc est perspicuum, nā si magnitudines AB ex distantijs CA CB æqueponderant: sit autem D ipsi A æqualis, & E ipsi B. auferāturquē magnitudines AB à



linea AB, ipsarūquē loco ponatur D in A, & E in B, magnitudines DE similiter æqueponderabūt. qua ratione enim magnitudines AB inter se æqueponderare dicuntur; eadem prorsus, & magnitudines DE ex iisdem distantijs æqueponderabunt. quandoquidem omnia data sunt paria. illud tamen non est pretereundum, nimirum non oportere DE ipsis AB æquales esse in magnitudine, sed in grauitate. potest enim

ABCDE

E magni-


magnitudinum inæqualium minor maiore grauior existeret, ob naturæ diuersitatem. ac propterea cum inquit Archimedes *& ipsis æquales*, siue sint magnitudine æquales, vel inæquales, intelligendum est esse omnino æquales in grauitate. grauitas. n. causa est, vt magnitudines æqueponderare debeant.

VIII.

Omnis figuræ, cuius perimeter sit ad eandem partem concauus, centrum grauitatis intra figuram esse oportet.





SCHOLIUM.

Quid intelligat Archimedes per has figuras ad eandem partem concauas, apertius significauit initio librorum de sphaera, & cylindro. vbi primùm vult has figuras esse terminatas; quod non solum intelligendum est de curuilineis, verùm etiam de rectilineis, & de mixtis. rectilineæ quidem erunt trium, quattuor, quinque & plurium laterum; quamuis latera non sint æqualia, neque anguli æquales. vt



ABCDE, cuius omnes anguli sunt flexi ad interiorem figuræ partem. & hoc modo periméter huius figuræ erit ad eandem partem concavus. vnde excluduntur figuræ, exempli gratia FGHKL; cùm angulus K non sit sinuosus, & concavus ad eandem partem, vt reliqui anguli; qui sunt sinuosi versus interiorem partem figuræ, K vero ad exteriorem. simili modo intelligendum est de curuilineis, vt circuli, ellipses, vel alterius generis figuræ, vt sunt MN, quæ suam habent concavitatem ad eandem partem: sed curuilineæ OP non sunt ad eandem partem concavæ. Mixtæ quoque figuræ, ut sunt portiones circuli, hyperbolæ, ac parabolæ rectis lineis terminatæ, vel alterius generis figuræ, vt sunt QR. hæc quidem omnes sunt ad eandem partem concavæ. Mixtæ verò ST minimè. Regulam autem quandam vniuersalem ex verbis Archimedis loco citato elicere possumus, vt cognoscere valeamus, an figuræ sint ad eandem partem concavæ, vel minùs. vt scilicet in oblata figura vbicumque duo sumi possint puncta, quæ si recta linea connectantur, tota recta li-

nea, vel ipsius pars aliqua extra figuram non cadat. vt in figuris A, quæ sunt ad eandem partem concavæ, vt cumque duo sumantur puncta BC, quæ connectantur, tota utique recta linea inter puncta BC existens, extra figuram non cadet. Quod




si hæc linea cum termino, hoc est cum latere figuræ conueniret, vt si figuræ latus fuerit rectum, in quo duo sumantur puncta; nihilominus recta linea inter hæc puncta extra figuram non caderet: quandoquidem figuræ terminus extra figuram minimè reperitur. atque hac ratione quomodocunque, & vbicūque in his figuris duo sumantur puncta, idem semper continget. Quod tamen figuris D semper euenire non potest: in quibus (cùm non sint ad eandem partem concavæ) duo sumere

per def.
cēt. grau.

possumus puncta EG, inter quæ tota recta linea EG extra figuram cadet. vel sumere possumus puncta FG, ita vt rectæ lineæ FG pars EG extra figuram cadat. figuræ igitur, quæ ad eandem partem sunt concavæ, illæ sunt, quæ sinuositatem, concauitatemquæ suam habent semper interiorem ipsius figuræ partem respicientem. Harumquæ rectè supponit Archimedes centrum grauitatis semper esse intra ipsam figuram. ita vt neque centrum esse possit in ambitu ipsius figuræ. etenim si extra figuram, siue in ambitu ipsius esse posset, numquam circa centrum grauitatis partes figuræ vndiquæ æqueponderarent: neque facta ex grauitatis centro suspensione figura vbicumque, & in omni situ maneret. quod tamen ex ratione centri grauitatis efficere deberet. tota nimirum figura ex vna esset parte, & ex altera nihil esset, quod ipsi figuræ æqueponderare posset. Necesse est igitur centrum grauitatis cuiuslibet figuræ ad eandem partem concavæ esse in spacio à figuræ ambitu contento. vt figuræ AB

centrum grauitatis erit intra ipsam, putà in C. quod quidem non euenit semper in alijs figuris, quæ suum cōcauitatis ambitum interiorem figuræ partem nō respicientem habent. cū varijs modis possit centrum grauitatis in figuris esse collocatū. vt superius quoque diximus. Nam figuræ D centrū grauitatis erit extra ambitum figuræ, vt in E. figura verò F ita se habere poterit, vt centrum grauitatis sit in perimētro, vt in G. euenit autē aliquando vt in figura HK centrū grauitatis L intra ipsam figuram reperiatur; quamuis concauitates laterum interiorem partem minimè respiciāt. Sed hæc possunt esse, & non esse, vt in figura M, cuius centrum extra esse potest in N. quamuis (vt antea diximus) centrum graui-



tatis intra figuram semper existere aliquo modo intelligi potest.

Refert Eutocius hoc loco, Geminum rectè dicere, dum asserit Archimede[m] dignitates petitiones appellare. æqualia enim graua ex distantijs æqualibus æque ponderare, dignitas est; & quæ deinceps. Verù si hæc principia ab Archimede tradita rectè perpendamus, omnia dignitates esse minimè reperiemus. nam septimum postulatum est definitio, non dignitas. veluti alia fortasse nonnulla non sunt dignitates, vt secundum; quod aliquo modo probari potest, vt diximus. sextum quoque potius est supposito, quàm dignitas. Quoniam autem vt clarè conspicitur, Archimedes sub vno tantum titulo pauca hæc principia complecti voluit; quippè quod institutum quàm plurimis mathematicis solemne fuit, qui principia vnico tantum nomine nuncuparunt, modò vno, modò altero; nimirum, vel petitionis, vel dignitatis, vt refert Proclus secundo libro, & tertio suorum commentariorum in primum elementorum Euclidis; qui de Archimede peculiariter mentionem faciens, inquit illam in his libris principia vnico tantum nomine (petitionis scilicet) nuncupasse. Hæc tamen potius petitionum, quàm definitionum, vel dignitatum nomine nuncupare voluit; nam si dignitates appellasset; ea principia, quæ non sunt dignitates, inter dignitates malè collocasset. nulla quippè definitio dignitas dici debet; quandoquidem definitio terminos declarat, atque constituit. dignitas verò notos terminos copulat. Pariquè ratione si definitionis nomine hæc principia nuncupasset. dignitates malè sub hoc nomine complexus fuisset, quæ nullo modo rem definiunt, sed cùm sint communes notiones, statim cùm eas intellectus apprehendit, quiescit. Quare omnia sub petitionum nomine rectè collocauit, non est. n. absurdum dignitates, definitionesquè posse appellari petitiones. etenim petimus, quæ sunt concedenda, atque dignitates sunt concedendæ, ergo eas petere quoque possumus. Definitionibus verò rectè quoque hoc nomen conuenire potest. Nam cùm definitio terminos constituat, atque declaret, cur non petere possumus, terminos sic se habere, vel sic esse rectè definitos? vt exempli gratia, petit Archimedes puncta in figuris similiter

posita,


posita, ita se habere, ut sunt ab ipso definita, vel rectè esse definita puncta, quæ sunt in figuris similibus posita. Quapropter hæc principia, quoniam pauca sunt, sub petitionum nomine Archimedes rectè collocavit, quòd si multa extitissent, ea fortasse distinxisset.

His suppositis. postquàm Archimedes præcipia posuit, ad theoremata se conuertit, & inquit, *bis suppositis*, quasi dicat, ea, quæ posuimus, sufficiunt ad ostendenda theoremata, veluti,

PROPOSITIO. I.

Graua, quæ ex æqualibus distantijs æqueponderant, æqualia sunt.

Sint AD, & B graua, quæ ex æqualibus distantijs CA CB æqueponderent. dico graua AD, & B inter se æqualia esse. *si enim* (si fieri potest) *essent inæqualia*; ut si AD esset grauius, quàm B; sit D excessus, quo AD grauius est, quàm B. *ablato* itaque *excessu* D à maiori AD, *reliqua* graua, quæ relinquuntur AB, erunt inter se æqualia; quæ ex æqualibus distantijs CA CB æqueponderare deberent; tamen *non æqueponderabunt.* cùm enim positum sit AD B æqueponderare, & *ab altero æqueponderantium* AD *aliquod sit ablatum* D; reliqua graua AB ex æqualibus distantijs CA CB non æqueponderabunt. quod fieri non potest; siquidem AB inter se sunt æqualia. *Graua igitur, quæ ex æqualibus distantijs æqueponderant, æqualia sunt.* quod demonstrare oportebat.



4. postulatum huius

contraprium post huius.

SCHOLIUM.

Cùm sit scopus Archimedis (ut diximus) in primis octo theorematibus, fundamentum tradere in hac scientia præci-



puum

puum, nempè magnitudinum grauitates inter se ita se habere, vt distantia permutatim ex quibus suspenduntur se habent. primùm incipit ostendere, quomodo se habeant graua in distantijs equalibus posita; primùmquè in hac prima propositione ostendit, si graua æqueponderant ex distantijs equalibus, equalia esse. in sequenti verò, si graua sunt inæqualia, ex distantijs equalibus nullo modo æqueponderare ostendet; sed præponderare ad maius.

PROPOSITIO. II.

Inæqualia graua ex æqualibus distantijs non æqueponderabunt, sed præponderabit ad maius.

Sint graua inæqualia AB C in distantijs equalib⁹ DA DC. sitquè grauius AB, quàm C. di-



co graua AB C non æqueponderare, sed maius AB deorsù ferri. sit B excessus, quo AB superat C. *ablato* itaque à maiori AB excessu B, reliqua graua AC equalia ex distantijs DA DC æqueponderabunt. *cùm equalia graua ex distantijs equalibus æqueponderent.* si itaque graua AC æqueponderant, *adiecto* igitur ipsi A *ablato* B, præponderabit ad maius, hoc est ab deorsum tendet. *quoniam æqueponderantium altero nempè A adiectum fuit B.* Grauius igitur præponderat leuiori, ambobus in distantijs equalibus positis. quod demonstrare oportebat.

1 post. huius.

3 post. huius.

SCHOLIUM.

Hæc duo theoremata in græco exemplari impresso sequuntur quidè postulara, & reliquis theorematibus sunt præposita.

quia

quia verò inter principia collocari non possunt; cum suas habeant propositiones, suasque seorsum habeant demonstrationes, ideo inter propositiones ipsa collocare nobis visum est. cum praesertim nonnulla ex sequentibus theorematibus, potissimum verò proximum eiusdem cum his duobus ordinis, & naturae sint. Neque enim propterea pervertitur ordo; non enim he propositiones in alium transferuntur locum. sed tantum inter alias numeris adnotantur. existimandum enim est, Archimedes propositiones in serie propositionum collocasse. hanc verò exiguam mutationem accidisse ob longitudinem temporis; cuius proprium est, res potius destruere, quam accomodare. Hoc autem nobis hanc præbebit commoditatem, ut, quando libuerit, has propositiones numeris nominare possimus, id ipsumque numeri postulata distinguentes præstant, quamvis in Græco codice postulata (Græcorum more) numeris adnotata non sint.

PROPOSITIO. III.

A Inæqualia graua ex distantijs inæqualibus æqueponderabunt, maius quidem ex minori.

B Sint inæqualia graua AD, B ; sitque maius AD , excessus vero, quo AD superat B , sit D . æqueponderentque AD, B ex distantijs AC, CB . ostendendum est, minorem esse distantiam AC ipsa CB . Non sit quidem, si fieri potest, AC minor, quam CB ; erit nimirum, vel equalis, vel maior. Quod si AC fuerit equalis ipsi CB , ablato enim excessu D , quo AD superat B . cum ab æqueponderantium altero ablatum sit aliquid, graua AB non æqueponderabunt; sed præponderabit ad B . non præponderabit autem; existente enim AC equali CB , cum ab inæqualibus grauib; AD, B ablati sit excessus D , graua, quæ relinquuntur AB , erunt inter se equalia;

post huius.
post huius.

quæ

quæ ex distantis æqualibus AC CB æqueponderarent. at non æque ponderant, quod est absurdum. distantia igitur AC ipsi CB æqualis esse non potest. si uerò AC maior fuerit CB; ablato similiter excessu D, nihilominus æqualia graua AB non æque ponderabunt, sed inclinabitur ad A. æqualia enim graua AB ex distantis inæqualibus non æqueponderant, sed inclinatur ad maiorem distantiam AC. ergo totam AD multò magis præponderabit, quàm B. quod fieri non potest. posita enim sunt æqueponderare. Quare AC maior esse non potest, quàm CB. sed ostensa est, neque ipsi CB æqualis esse: ac propterea minor est AC, quàm CB. Manifestum est itaque graua ex distantis inæqualibus æqueponderantia, inæqualia esse; maiusquè in minori distantia existere. quod oportebat demonstrare.

S C H O L I V M.

In propositione verba illa, *maius quidem ex minori*, non habetur integra in codice græco, qui sic habet, καὶ τὸ ἀπὸ τοῦ ἐλάσσονος vbi desiderari videtur μέζον, vt integrè ita legatur, καὶ τὸ μέζον ἀπὸ τοῦ ἐλάσσονος.


Sitquè *maius A*. Græcus codex, καὶ ἔσω τὸ α, vbi similiter supplendum est, καὶ ἔσω μέζον τὸ α. Hæc verò ita sunt omnino restituenda, quia in vltima demonstrationis conclusione inquit Archimedes, *Manifestum est itaque graua ex distantis inæqualibus æqueponderantia inæqualia esse; maiusquè in minori existere.*

Postquâ Archimedes duab⁹ primis ppositionib⁹ ostēdit, quò se hēant graua ex distātijs æqualib⁹; in hac tertia cōuertit se ad ostēdēdū, quò se hēnt ex distātijs inæqualib⁹. & qm̄ in secūdo postulato alsūpsit, quò se hēnt graua æqualia in distātijs inæqualibus cōstituta; nimirū qđ est in lōgiori distātia, prēpōderatei, qđ est in breuiori. nūc ostēdit, quò inæqualia graua se hēnt, ita vt æquepōderēt, in distātijs inæqualibus posita. demōstratquè graue maius in breuiori distātia eē oportere, min⁹ verò graue in lōgiori. & ecce quomodo Archimedes paulatī deducit nos in cognitionē principalis fundamēti, qđ scilicet graue ad graue est, vt distātia ad distātiā pmutatim. Ex hoc. n. prium cognoscimus grauius in minori, leuius autē in maiori distantia esse debere, si æqueponderare debent.

P R O P O S I T I O. IIII.

Si due magnitudines æquales non idem centrū grauitatis habuerint, magnitudinis ex vtrisque magnitudinibus compositæ centrum grauitatis erit medium rectæ lineæ grauitatis centra magnitudinum coniungentis.

Sit quidē *A* centrū grauitatis magnitudinis *A*. *B* uerò sit cētrū grauitatis magnitudinis *B*. iun-




def centri
grauit.
contra 2.
post huius
2 post huius
ius.

staquē *AB* bifariam diuidatur in *C*. dico magnitudinis ex utrisquē magnitudinibus compositæ centrum grauitatis esse punctum *C*. si. n. non; sit utrarumquē magnitudinum *AB* centrum grauitatis *D*. si fieri pōt. Quod autem sit in linea *AB*, præostensum est. Quoniam igitur punctum *D* cētrū est grauitatis magnitudinis ex *AB* cōpositæ, suspēso pūcto *D*, magnitudines *AB* æqueponderabunt. magnitudines igitur *AB* æquales æqueponderant ex distantis *AD* *DB* inæqualibus existentibus; quod fieri non potest. æqualia. n. grauiā ex distantis inæqualibus non æquepōderāt. Nō est igitur *D* ipsarū magnitudinū cētrū grauitatis. Quare manifestum est punctum *C* centrū esse grauitatis magnitudinis ex *AB* compositæ. quod demonstrare oportebat.

S C H O L I V M.

Possunt magnitudines æquales idē centrū grauitatis habere, vt duo parallelogrāma æqualia ad rectos sibi inuicē angulos existentia: triāgulū quoque & parallelogrāmū interse æqualia. præterea cubos, piramides, cylindros, & nūiusmodi alias magnitudines æquales idē grauitatis cētrū hēre intelligere possumus. propterea in propositione cū inquit Archimedes



si due magnitudines æquales non idem centrum grauitatis habuerint.

habuerint. intelligendum est his verbis Archimedes supponere magnitudines ita esse constitutas, ut à centro ad centrum duci possit recta linea. quod idem obseruandum est in prima propositione secundi libri huius.



Sūmoperè aut animaduertēda sunt nōnulla, quibus vtitur Archimedes in hac propositione, cū sint communissima, & maximè vtilia in hac scientia. ac primū quidem considerandum occurrit, quid sibi vult Archimedes per magnitudinem ex vtrisque magnitudinibus AB compositam. Nam magnitudines AB sunt inuicem separate, & sunt due, ipse autem vtramque vnam tantū considerat. quod quidem ita intelligendū est. quoniā scilicet recta linea AB eas coniungit; ideo Archimedes considerat vnam tantū esse magnitudinē; quę constat ex ipsis AB, & efficitur vna magnitudo à linea AB. cuius munus est non solum connectere magnitudines AB, ita ut neque ad se amplius accedere, neque recedere inuicem possint; sintque ab hac linea quasi compulse eundem semper inter se seruare situm: verū etiam si suspendantur ex C, intelligendum est linea AB in rectitudinem iacere, insuperque sustinere magnitudines AB. Neque magis vna est magnitudo quadrilaterum, pētagonum, cubus, & huiusmodi alia, quam sit magnitudo, quę componitur ex magnitudinibus AB. vñā cum linea AB. quod si est vna tantū magnitudo, ergo vnum habet cētrum grauitatis. Archimedes igitur querit cētrum grauitatis huiusce magnitudinis; demonstratque cētrum esse in puncto C. quod est medium lineę AB. notandum est autem Archimedes non considerare grauitatem lineę AB. ut potē, quę longitudo tantū existat. Quod si quis etiam mente conceipere vellet lineam AB grauitate præditā esse; nihilominus cētrum grauitatis lineę AB similiter esset in eius medio C. nam longitudo AC longitudini CB est æqualis; ac propterea hę quidem longitudines essent inter se eque ponderantes. Quare, siue cōsiderata grauitate lineę AB, siue minùs, cētrum grauitatis magnitudinis ex AB compositę est mediū rectę lineę, quę cētra grauitatis magnitudinū coniungit. Et hoc modo si plures etiam essent magnitudines à recta linea coniunctę, eodem modo eas pro vna tantū ma-

gnitudine ex plurib⁹ magnitudinibus composita accipere poterimus, veluti Archimedes in sequentibus accipiet.


Argumentandi modus inest in hac demonstratione maxima consideratione dignus, & huius scientiæ maximè proprius. cum enim dixisset Archimedes posito centro grauitatis magnitudinis ex AB compositæ in puncto D, statim infert. *Quoniam igitur punctum D centrum est grauitatis magnitudinis ex AB compositæ, suspenso puncto D, magnitudines AB æqueponderabunt.* hoc est si magnitudo ex AB composita suspendatur ex D, manebit, vt reperitur; nec amplius in alteram partem inclinabit. quod euenit ob naturam centri grauitatis, quod talis est naturæ (sicuti initio explicauimus) ut si graue in eius centro grauitatis sustineatur, eo modo manet, quo reperitur, dū suspenditur; partesquè undiquè æqueponderant. & ob id si magnitudo ex AB composita suspendatur in eius centro grauitatis, manet; partesquè AB æqueponderant. ac propterea quando in sequentibus quærit Archimedes, quoniam graua æqueponderare debent, tunc tantum quærit ipsorum cætrum grauitatis, ut in sexta, septimaquè propositione inquit Archimedes magnitudines æqueponderare ex distantijs, quæ permutatim proportionem habent; ut ipsarum grauitates, in demonstratione tamen quærit, vbi nam est cætrum grauitatis magnitudinis ex vtrisque compositæ. quo inuento, statim necessario sequitur, magnitudines, si ex ipso centro suspendantur, æqueponderare.

Hinc colligere possumus alterum argumentandi modum, conuerso nempe modo, veluti in eadem figura, si dicamus graua AB suspensa ex C æqueponderant, statim inferre possumus, punctum C ipsorum simul grauium, hoc est magnitudinis ex ipsis AB compositæ centrum esse grauitatis. Quare ad se inuicem conuertuntur, hoc punctum est horum grauium centrum grauitatis; ergo hæc graua ex hoc puncto æqueponderant; & e conuerso, nempe hæc graua ex hoc puncto æqueponderant, ergo idem punctum est ipsorum cætrum grauitatis. sed aduertendum hanc sequi conuertibilitatē, quando præfatum punctum est in recta linea, quæ centra grauiarum ponderum coniungit; deinde quando hæc linea non est

horizonti perpendicularis. secus autem minimè. Nam si pon-
 dera AB sint in libra ADB, quæ sit arcuata, vel angulum cõ-
 stituat, siue intelligatur libra recta linea AB, cui affixa sit
 perpendicularis CD. vt in tractatu de libra nostrorum Me-
 chanicorum diximus. suspendantur autem pondera AB ex
 D, & æqueponderent; nõ
 sequitur tamen, ergo D
 cẽtrum est grauitatis ma-
 gnitudinis ex AB com-
 positę. centrum enim gra-
 uitatis in linea existit AB
 quæ centra grauitatis ma-
 gnitudinum AB coniu-
 git, nempe in C. Verũ coniungat recta linea AB centra
 grauitatis æqualium ponderum AB, lineaque
 AB, cuius medium sit C, in centrum mundi tẽ-
 dat, magnitudoquẽ ex ipsis AB composita vbi-
 cunque suspendatur in linea AB, vt in E; ma-
 nebunt vtique pondera AB ex E suspensa, vt in
 prima propositione de libra nostrorum Mecha-
 nicorum ostendimus. cũ C sit ipsorum centrũ
 grauitatis, & EC sit horizonti erecta. Et quam-
 uis magnitudo ex ipsis AB composita ex E su-
 spensa maneat; non propterea sequitur ergo. E
 centrum est grauitatis magnitudinis ex ipsis AB
 compositę. nisi fortẽ accadat suspensio ex puncto
 C. Præterea verò aduertendum est in hoc casu põ-
 dera AB, dici quidem posse, manere, non autem
 æqueponderare. omnia nimirum, quæ æqueponderant, ma-
 nent; sed non è conuerso, quæ manent, æqueponderant. Nam
 si pondus A maius fuerit pondere B; siue B maius, quàm
 A, vbicunque fiat suspensio in linea AB, semper ob eãdem
 causam, quomodocunque sint pondera, manebunt; non ta-
 men æqueponderabunt. Vt enim pondera æqueponderent;
 requiritur, vt pars parti, virtusquẽ vnius virtuti alterius hinc
 inde resistere, & æquipollere possit; vt propriè dici possint põ-
 dera æqueponderare. & vt hoc euenire possit, oportet, vt par-



tes ex determinatis distantijs determinatas quoque habeant grauitates; si ex dato puncto æqueponderare debent. Quòd si in hoc casu datum fuerit punctum C, ex quo pondera AB ex æqualibus distantijs CA CB æqueponderare debeant: oportet, vt pondera AB (ex demonstratis) semper essent æqualia. Quoniã autẽ quomodocũque sint pondera, hoc est, siue pondus A maius, siue minus fuerit, quàm B, manent, si igitur dixerimus, ergo pondus A ponderi B æqueponderat; esset omnino inconueniens. cùm ex iisdem distantijs eidẽ ponderi pondus quandoquẽ maius, quandoquẽ minus æqueponderare non possit; vt in hoc casu accidere potest. Quocirca nec propriè dici possunt pondera, siue in libra AB, siue ex distantijs CA CB constituta esse. Vndè neque Archimedis propositiones in hoc casu sunt intelligendę. quandoquidem in his propriè quærit ponderum, magnitudinumquẽ æqueponderationes. neque enim in hac quarta demonstratione in hoc casu potuisset Archimedes absurdum ostendere, si C nõ est grauitatis centrum magnitudinis ex AB compositę, sit E. facta igitur ex E suspensione, magnitudines æquales AB ex inæqualibus distantijs EA EB æqueponderabunt. quod fieri non potest, non enim hoc est absurdum; cùm pondera ex E suspensa maneant. idcirco quando linea AB est horizonti erecta, propriè ad rem nostram minimè pertinet. Ex dictis igitur semper valet consequentia, hoc punctum horum ponderum centrum est grauitatis, ergo si ex hoc suspendantur, pondera æqueponderant. non autem è conuerso. nisi quando argumentatio sumitur semper ex recta linea, quæ centra grauitatis magnitudinum coniungit, & quando hæc linea non est horizonti erecta. hac enim ratione quocunque modo recta linea se habeat, semper sequitur idem. Vt si linea AB fuerit, siue nõ fuerit horizonti æquidistans, ipsius medium C centrum erit grauitatis magnitudinis ex magnitudinibus AB æqualibus compositę. vnde sequi



tur, si appendantur pondera AB ex C, æqueponderare. & è conuerso, si AB pondera ex C æqueponderant, ergo C centrum grauitatis existit. ex quibus sequitur lineam AB, pō deraquē manere eo modo, quo reperiuntur. vt in nostro mechanicorum libro in eodem tractatu de libra demonstraui- mus, & aduersus illos, qui aliter sentiunt, abundē satis dispu- tauimus.

post quar-
tam propo-
sitionem.

*

In demonstratione autem huius quartæ propositionis in- quit Archimedes. *Quod autem sit in linea AB, præostensum est.* qua si dicat Archimedes, se prius ostendisse centrum grauitatis ma- gnitudinis ex AB compositæ esse in linea AB; quod tamen in ijs, quæ dicta sunt, non videtur expressum. virtute tamen si consideremus ea, quæ in prima, tertiaquē propositione dicta sunt, facilē ex his concludi potest, centrum grauitatis magni- tudinis ex duabus magnitudinibus compositæ esse in recta li- nea, quæ ipsarum centra grauitatis coniungit. Quare memi- nisse oportet eorum, quæ a nobis in expositione primi postu- lati huius dicta fuere, nempe Archimedes supponere, distan- tias esse in vna, eademquē recta linea constitutas. ideoquē in prima propositione c inquit, Grauiā, quæ ex distātijs equali- bus æquepōderāt, æqualia esse inter se; Archimedes quē demō- strat, quod quando æqueponderant, sunt æqualia: ex dictis sequitur, si æqueponderant, ergo centrum grauitatis magni- tudinis ex ipsis compositæ erit in eo puncto, vbi æqueponde- rant; hoc est in medio distantiarum, lineæ scilicet, quæ grauiū centra grauitatis coniungit. quod idem est, ac si Archimedes dixisset. Grauiā, quæ habent centrum grauitatis in medio li- neæ, quæ magnitudinum centra grauitatis coniungit, equa- lia sunt inter se. cuius quidem hæc quarta propositio videtur esse conuersa. quamuis Archimedes loco grauium nominet magnitudines. Præterea in tertia propositione, quoniam ostē- dit Archimedes, inæqualia grauiā æqueponderare ex distātijs inæqualibus, ita vt grauius sit in minori distantia, sequitur er- go centrum grauitatis est in eo puncto, vbi æqueponderant; & idem est, ac si dixisset, inæqualium grauium centrum gra- uitatis est in recta linea, quæ ipsorum centra grauitatis con- iungit; ita vt sit propinquius grauiori, remotius uerò leuiori.

vnde


vnde sequitur centrum grauitatis ipsorum grauium ubicumque esse posse in recta linea, quæ ipsorum centra grauitatis cōiungit. Ex quibus concludi potest, cētrum grauitatis magnitudinis ex duabus magnitudinibus compositæ esse in recta linea, quæ ipsorum centra grauitatis connectit.

Postremò notandum est, Archimedes ea, quæ in superioribus propositionibus nuncupauit graua, in hac quarta propositione, veluti etiam in sequentibus, non ampliùs graua, sed (vt diximus) magnitudines nominare, quod quidem his de causis id ab ipso factum existimo. primùm enim, quia in his expressè quærit centrum grauitatis; quod quidem cētrum, quamuis sit centrum grauitatis, potius respicit magnitudinē, quàm graue aliquod. Nam cū dicimus centrum grauitatis, statim innuimus situm, situm inquàm determinatum figuræ, in qua est; siquidem centrum grauitatis est punctum, & (vt ita dicam) punctum grauitatis eius, in quo est. & ideo, quoniam magnitudo formam habet determinatam, centrū grauitatis rectè potest respicere situm respectu magnitudinis, in qua est; quod tamen efficere non potest respectu grauis. etenim graue, ut graue est, non habet formam determinatā; cū eadem grauitas esse possit in cubo, in piramide, aliisque corporibus quibuscunque, modò minoribus, modò maioribus, prout sunt diuersarum specierum. quare centrum grauitatis non potest respicere situm in grauib; quatenus graua cōsiderantur; sed quatenus magnitudines existunt. Præterea Archimedes loco grauium magnitudines nominat, quia eas diuisibiles considerat, quod est proprium magnitudinis; vt in sexta, septima, & octaua propositione. & quamuis, dum diuiduntur magnitudines, graua quoque diuisa proueniant; non tamen propterea graua diuiduntur, ut graua. nō. n. hoc ipsis competit, vt grauib; sed vt magnitudinibus, quæ sunt per se diuisibiles. Archimedes igitur his de causis nomen grauiū in magnitudines mutauit. in superioribus enim theorematibus pertractauit, quomodo res æqueponderant ex distantijs modò æqualibus, modò inæqualibus. & quoniam res æqueponderant, prout sunt magis graua, & minùs graua; non ut sūt maiores, vel minores magnitudines, siquidem talis naturæ

esse potest minor magnitudo, quæ maiore magnitudine alterius nature grauior existat; proinde Archimedes in superioribus rectè graua nuncupauit; optimè quæ in his magnitudines vocat. At verò aduertendum est, quòd quamuis Archimedes in his magnitudines nominet, non propterea existimandum est, eum intelligere magnitudines tantum; sed magnitudines grauitate præditas, ita ut in ipsis omnino grauitatem respiciat. Etenim pluribus modis intelligere possumus magnitudines, vel enim ut sint inter se eiusdem speciei, vel diuersæ; nec nõ in super homogeneas, vel heterogeneas. vt in hac propositione quãdo Archimedes pponit duas magnitudines æquales, tunc intelligere possumus eas esse eiusdem speciei, & homogeneas; quæ, cum sint æquales, erit & grauitas vnus grauitatis alterius æqualis. si verò consideremus eas esse diuersæ speciei, & etiam heterogeneas; tunc quando Archimedes proponit has magnitudines æquales; intelligendum est, eas esse æquales in grauitate; quæ quidem efficit, vt demonstratio, quod propositum est, concludat. vt ex eius demonstratione patet. Et his quoque modis intelligere possumus magnitudines in sequentibus vsque ad nonam propositionem in quibus scilicet intelligere possumus magnitudines esse non solum eiusdem speciei, vel diuersæ, verum etiam & homogeneas, & heterogeneas. ut post septimam clariùs ostendemus. Verum demonstrationes clariiores redduntur, si intelligamus magnitudines esse eiusdem speciei, & homogeneas, in quibus grauitas magnitudini respondet, vt si ipsarum altera fuerit alterius dupla, & grauitas vnus grauitatis alterius dupla existat. Quòd si magnitudo fuerit alterius tripla, vel quadrupla, &c. erit & grauitas grauitatis tripla, vel quadrupla, & sic deinceps. deinde si magnitudo bifariam diuisa fuerit, & ipsius grauitas in duas æquas partes sit quoque diuisa. quòd si magnitudo in plures diuidatur partes, & grauitas quoque in totidem eiusdem proportionis diuisa proueniat.

P R O P O S I T I O. V.

Si trium magnitudinum centra grauitatis in re-
cta linea fuerint posita, & magnitudines æqualem
habuerint grauitatem, ac rectæ lineæ inter centra
fuerint æquales, magnitudinis ex omnibus magni-
tudinibus compositæ centrum grauitatis erit pū-
ctum, quod & ipsarum mediæ centrum grauitatis
existit.




*Sint tres magnitudines ACB. ipsarum autem centra grauitatis sint
puncta ACB in recta linea ACB posita. sint uerò magnitudines ACB
æquales; rectæquæ lineæ AC CB inter centra ipsarum æquales. Di-
co magnitudinis ex omnibus ACB magnitudinibus compositæ centrū gra-
uitatis esse punctum C. quod est centrum grauitatis mediæ ma-
gnitudinis. Quoniam enim magnitudines AB æqualem habent graui-
tatem; magnitudinis ex utriusque AB compositæ centrum graui-
tatis erit punctum C: cum sint AC CB æquales. sitquæ propterea
punctum C medium rectæ lineæ AB. Sed & magnitudinis C cē-
trum grauitatis est idem punctum C. punctum ergo C triū ma-
gnitudinum ABC centrum quoque grauitatis erit. Quare pa-
tet magnitudinis ex omnibus magnitudinibus ACB compositæ centrum
grauitatis esse punctum, quod & magnitudinis mediæ centrum graui-
tatis existit. quod demonstrare oportebat.*

4 huius.

COROLLARIUM. 1.

Ex hoc autem manifestum est, si quotcunque magnitudinum, & numero imparium, centra grauitatis in recta linea constituta fuerint; & magnitudines æqualem habuerint grauitatem; rectæque lineæ inter ipsarum centra fuerint æquales, magnitudinis ex omnibus magnitudinibus composi-
 *
 tæ centrum grauitatis esse punctum, quod & ipsarum mediæ centrum grauitatis existit.

SCHOLIUM.



Ex demonstratione colligit Archimedes si plures fuerint magnitudines, quâ tres; dummodo sint numero impares, vt ABCDE; quarum centra grauitatis ABCDE reperiantur in linea recta AE. fuerint autem hę magnitudines æquales in grauitate. insuper rectę lineę AB BC CD DE, quę sunt inter centra grauitatis, fuerint æquales: magnitudinis ex omnibus magnitudinibus ABCDE composi-
 *
 tæ centrum grauitatis esse punctum C. quod est centrum grauitatis magnitudinis mediæ.


Eodem enim modo, ac primùm quidem ex demonstratione patet punctū C centrum esse grauitatis triū magnitudinū BCD, & quoniam AB BC sunt æquales ipsis CD DE,

4 huius.

erit AC ipsi CE equalis. cūquē sit grauitas magnitudinis A equalis grauitati ipsius E, erit idem punctum C magnitudinum AE centrum grauitatis. ergo punctum C magnitudinis ex omnibus magnitudinibus ABCDE compositæ centrum grauitatis existit.

Quod si fuerint adhuc plures magnitudines, impares verò extiterint; quæ ita se habeant, vt expositum est; similiter ostēdetur, centrum grauitatis mediæ magnitudinis centrum esse grauitatis magnitudinis ex omnibus magnitudinibus compositæ.

* In hoc corollario, verba illa, *Et magnitudines æqualem habuerint grauitatem* in greco codice ita habentur. *ἕκαστα τὰ τε ἴσον ἀπὸ τοῦ μέσου μεγέθους ἴσον βάρος ἔχοντι*. quorum multa superuacanea nobis visa sunt; loco quorum (vt arbitror) rectē congruēt *καὶ τὰ μεγέθη ἴσον βάρος ἔχοντι*, vt vertimus. Nam si ordinis atque cōditionum propositæ propositionis ratio habenda est, oportet vt magnitudines æqualem habeant grauitatem; Nam & Archimedes in sequentibus demonstrationibus ijs vtitur, ut sunt æquegraues. Adhuc tamen veritatem habebit si cæteris conditionibus illud quoque addere voluerimus, nempe si *magnitudines à media magnitudine æqualiter distantes æqualem habuerint grauitatem* eodem modo punctum C centrum erit grauitatis




magnitudinis ex omnibus ABCDE compositæ, Nam si magnitudines à media magnitudine sunt æquegraues; æqualem quoque habebunt grauitatem magnitudines AE; veluti magnitudines BD, quæ æqualiter à media magnitudine C distant. & quamuis non sint omnes æquegraues, sufficit, vt AE quæ æqualiter à media magnitudine distant, sint æquegraues. similiter BD æquegraues. Eadem enim ratione, quoniam BD sunt æquegraues, & distantia BC CD æquales; erit C ipsa-

rum

rum BD centrum grauitatis. parique ratione C erit centrum grauitatis magnitudinum AE æquegrauium. cum sint AC CE æquales, & idem C est grauitatis centrum magnitudinis C. ergo punctum C magnitudinis ex omnibus magnitudinibus ABCDE compositę centrum grauitatis existit.

COROLLARIUM. II.

Si verò magnitudines fuerint numero pares; & ipsarum centra grauitatis in recta linea extiterint, magnitudinesquę æqualem habuerint grauitatem, rectęquę lineę inter centra fuerint æquales: magnitudinis ex omnibus magnitudinibus compositę centrum grauitatis erit medium rectę lineę, quę magnitudinum centra grauitatis coniungit. vt in subiecta figura.



SCHOLIUM.

Colligit præterea Archimedes si magnitudines ABCDEF fuerint numero pares, quarum centra grauitatis ABCDEF in recta linea AF sint constituta; magnitudinesquę sint æquales in grauitate; sintquę inter centra lineę AB BC CD DE EF æquales. diuidatur autem AF bifariam in G. erit punctum G centrum grauitatis magnitudinis ex omnibus compositę. quod quidem, figura tantum inspecta, perspicuum est. Cum enim magnitudines AF sint æquegrauæ, & AG GF

sint

4 huius.

sint æquales, erit G centrum grauitatis magnitudinis ex AF compositæ. quia verò AB est ipsi EF æqualis, reliqua BG ipsi GE æqualis existet. & sunt magnitudines BE æquegraves, erit idem G centrum grauitatis magnitudinū BE. similiter cū sit BC æqualis DE, relinquetur CG ipsi GD æqualis; magnitudinesquē CD sunt æquegraves. ergo pūctum G cētrum est quoque magnitudinum CD. Vnde sequitur, pūctū G magnitudinis ex omnibus magnitudinibus ABCDEF cōpositæ centrum grauitatis existere.

✱ Hoc quoque loco verba illa *magnitudinesquē æqualem habuerint grauitatem*. Græcus codex ita mendosè legit. καὶ τὰ μέγα αὐτῆς ἴσον βάρους ἔχοντι, quæ quidem verba hoc modo restitui possunt. καὶ τὰ μέγα ἴσον βάρους ἔχοντι.

In præcedenti propositione ostendit Archimedes, quomodo se habet centrum grauitatis magnitudinis ex duabus magnitudinibus equalibus compositæ. In hac autem demonstrat, vbi similiter grauitatis centrum reperitur inter plures magnitudines æquegraves, & inter se equaliter distantes. ex quibus tandem colliget fundamentum sæpius dictum. nempe si magnitudines æqueponderare debent, ita se habebit magnitudinum grauitas ad grauitatem, ut se habent distantia permutatim, ex quibus suspenduntur. & hoc demonstrat Archimedes in duabus sequentibus propositionibus. nam magnitudines, vel sunt commensurabiles inter sese, vel incommensurabiles. de commensurabilibus ager in sequenti: de incommensurabilibus verò in septima propositione. & Archimedes duas sequentes propositiones veluti coniunctas proponit. Nam in sexta inquit *Magnitudines commensurabiles*, &c. in septima verò inquit, *Si autem magnitudines fuerint incommensurabiles*, quasi vna tantum sit propositio in duas partes diuisa, ita ut neque numeris essent distinguendæ, sed pro vna tantum propositione summenda. ob sequentis autem demonstrationis faciliorem intelligentiam hæc prius præmittimus.


L E M M A.

Si duæ fuerint magnitudines inæquales, quarum maior sit alterius dupla, tertia verò quædam magnitudo minorem me-

tiatur.


tiatur. maiorem quoque in partes numero pares metietur.

Sint duę inęuales magnitudines AB, sitquę A ipsius B duplex. magnitudo autę C magnitudinę B metiatur. Dico C magnitudinę



A metiri, mensurationesquę numero pares esse. Quoniam enim C metitur B, eodem numero C metietur medietates ipsius A, quę sunt ipsi B æquales. ergo duplo plures erunt numero mensurationes ipsius A, quàm ipsius B. quare mensurationes ipsius A sunt numero pares. duplum enim semper paritatem secum affert. quod demonstrare oportebat.

Porrò maxima in his duabus sequentibus propositionibus adhibenda est diligentia; quibus tota rerum Mechanicarum ratio innititur. Quocirca ut harum propositionum demonstrationes perfectę intelligere possimus; præter eos argumentandi modos, quorum ante quintam huius propositionem meminimus; alterum quoque modum, quo Archimedes in



hac sexta propositione utitur, nouisse oportet. ut scilicet, si magnitudo A æque ponderat ipsis BC facta suspensione ex pūcto D; ita scilicet, ut D sit centrum grauitatis magnitudinis ex omnibus ABC magnitudinibus composita; ipsarum verò


magni-

magnitudinum BC, hoc est magnitudinis ex BC compositæ centrum grauitatis sit punctum E; auferantur verò BC à linea EA, & ipsarum loco ponatur in E magnitudo; quæ sit vtrisque simul BC equalis, vt in secunda figura. Dico eodem modo pondera ABC equeponderare in prima figura, veluti graua AE in secunda;

Primum autem, vt hoc rectè perpendamus, intelligantur pondera BC (vt in tertia figura) seorsum à linea CA, & penes distantias EC EB constituta. quorum quidem ponderum sit centrum grauitatis E. si igitur intelligatur potentia in E sustinere pondera BC, hoc est pondus ex ipsis BC compositum: pondera utique manebunt, quòd si ambo penderint, vt quinquaginta, potentia in E tantum quinquaginta sustinebit, quoniam totum sustinebit pondus ex ipsis compositum, auferantur verò pondera BC à situ BC, intelliganturquè pondera esse in E constituta; hoc est vnum sit pondus ex ipsis simul iunctis compositum, cuius cètrum grauitatis sit in E constitutum; tunc eadem potentia in E eodem modo hoc pondus sustinebit; propterea quod eodè modo quinquaginta tantum sustinebit. Quare pondera BC tã ex distantijs EC EB grauitant, quàm si vtraque in E constituta fuerint; vel quod idem est, quàm pondus ipsis BC simul æquale in E positum. Ex quo patet id, quod initio præfati sumus, nempe, vnumquodquè graue in eius centro grauitatis propriè grauitare. Quocumque enim modo eadè graua sese habent, eodem semper modo in eius grauitatis cètro grauitant.


Quibus cognitis, intelligantur nunc graua BC in linea CA posita esse; ut in superiori figura: & ut quod propositum fuit, ostendatur; hoc modo argumentari licebit. Quoniam enim magnitudines BC suam habent grauitatem in E, siquidem pro vna tantum intelliguntur magnitudine ex BC composita, cuius punctum E centrum grauitatis existit. in secunda verò figura magnitudo E similiter suam habet grauitatē in puncto E; quod est eius centrū grauitatis, atque magnitu

per def.
cent. grau.



do E est ipsis BC simul sumptis æqualis. distantie verò AD, DE sunt æquales, cum sint eedem; erit utique punctum D in secunda figura centrum gravitatis magnitudinis ex AE compositæ, veluti D in prima figura ipsarum ABC centrum gravitatis existit. ac propterea in utraque figura pondera æqueponderabunt:

Cæterum hoc quoque ostendemus hoc pacto.



Iisdem namque positis; æqueponderarent scilicet grauia ABC facta ex D suspensione. sitquè punctum E centrum grauitatis ponderum CB. quæ quidem pondera CB grauitatis centrum habeant in linea CB. Dico pondus A ponderi ipsis CB simul sumptis æquali in E constituto æqueponderare. Mente concipiamus distantias EC EB, manente centro E, circa ipsum circumuerti posse; ut modò sint in FEG, modò in HEK. similiter intelligantur pondera CB, modò in FG, modò in HK existere. Quoniam igitur punctum E centrum est grauitatis ponderum CB; erit idem E (cùm situm non mutet) centrum grauitatis ponderum in situ FG, ac ponderum in HK existentium. Quia verò vnumquodque pondus (ex dictis) propriè in eius centro grauitatis grauitat; pondera simul CB siue sint in FG, siue in HK, propriè in puncto E grauitabunt. At verò quoniam idem


pondus, vnam & eandem semper habet grauitatem; erit pōdus ex CB compositum æque graue, tam in situ CB, quàm in FG, & in situ HK. considerando nempe pondera CB (ut re vera sunt) nil aliud esse nisi vnum tantum pondus ex CB compositum. Ex quibus perspicuum est, punctum E eodem semper modo grauitare. Quare quoniam pondera CB in situ CB ipsi A æqueponderant, suamquè habent grauitatem in puncto E; eadem pondera CB siue sint in FG, siue in HK, eidem ponderi A æqueponderabunt. siquidem propriè semper grauitant in E, & eandem semper habent grauitatē. Intelligatur denique HEK in centrum mundi tendere; erunt vtique vtraque pondera HK, tanquam in puncto E cōstituta, vt ex prima propositione nostrorum Mechanicorum elici potest, quamuis per se notum sit. siquidem seorsum pondus H secundum eius centrum grauitatis propriè grauitat super puncto E; pondus verò K est, tanquam ex E appensum; vnde & in eodem puncto E quoque grauitat. Itaque quoniā ambo propriè grauitant in E, erunt pondera HK perinde, ac si vnum esset pondus ipsis HK, hoc est ipsis CB æquale, cuius centrum grauitatis sit in E constitutum. at verò pondus A ipsis CB in situ HK existentibus æqueponderat. ergo idē pondus A ipsis CB in E constitutis, hoc est ponderi ipsis CB simul sumptis equali in E posito æqueponderabit. quod demonstrare oportebat.

Quod idem quoque, si plura essent pondera, similiter ostendetur.

Valet itaque consequentia, punctum D centrum est grauitatis magnitudinis ex ponderibus ABC compositæ; ergo idem punctum D centrum est grauitatis ponderis in A, & pōderis ipsis BC simul equalis in E constituti. ex quo consequitur, quòd si magnitudines ABC ex D æqueponderant, ergo ex eodem D magnitudo ipsis BC simul æqualis in E posita, & magnitudo A æqueponderabunt. quòd si rectè perpendamus, nil aliud sunt pondera in BC, nisi magnitudo in E constituta, siquidem punctum E ipsius centrum grauitatis existit.

In nostro autem Mechanicorum libro in quinta proposi-

tionem tractatus de libra duas attulimus demonstrationes ostē-
 res duo pondera ut CB tam in punctis CB ponderare, quàm si
 vtraque ex puncto E suspendantur. At verò quoniam demon-
 strationes ibi allatæ ijs indigent, quæ Archimedes in sequen-
 ti sexta propositione demonstravit, idcirco demonstrationes
 illæ huic loco non sunt oportunæ; ut ex ipsis sumi possit tan-
 quam demonstratum pondera CB, tam in punctis CB pon-
 derare, quàm si vtraque ex E suspendantur. Quare hoc loco hæ-
 rantùm sufficiant rationes, quæ dictæ sunt. Ex quibus potest
 Archimedes istam consequentiam colligere; nempe magni-
 tudines ABC ex D æqueponderant, auferantur autem BC,
 & loco ipsarum vtrisque simul æquegravis ponatur magnitu-
 do in E; similiter hæc magnitudo ipsi A æqueponderabit. Po-
 stea verò ex ijs, quæ Archimedes demonstravit, fieri potest re-
 gressus; ut apertius, manifestiusquè cognoscere valeamus, pon-
 dera BC ita ponderare, ac si vtraque ex puncto E suspen-
 dantur.



Ceterum hoc loco Archimedes non solum de duobus, verum
 etiam de pluribus ponderibus id ipsum intelligendum admittit.
 ut si magnitudines STVXM æqueponderent facta suspensio-
 ne ex puncto C. sitquè magnitudinum MZ centrum gravitatis
 D, ipsarum verò STVX sit centrum gravitatis E. si itaque ma-
 gnitudines STVX, & ZM ex C æqueponderant; auferantur
 STVX, quarum loco ponatur in E magnitudo ipsis STVX si-
 mul sumptis equalis; auferanturquè ZM, atque ipsarum loco po-
 natur in D magnitudo ipsis ZM simul equalis; tunc licet infer-
 re, ergo hæ magnitudines in ED positæ æquepondera-
 bunt. Quod quidem iisdem prorsus modis ostendentur.
 præsertim si mente concipiamus distantias ES & EX,

nec non magnitudines STVX in suis distantijs circa centrū grauitatis E circumuerti posse; veluti distantias DZ DM, magnitudinesquē ZM circacentrum D. moueantur autem SEX, & ZDM, donec in centrum mundi vergant. similiter ostendetur magnitudines STVX esse, ac si in E essent appense, siue constitutę; magnitudines verò ZM ac si in D positę fuerint. &c. Ex quibus sequitur, si punctum C centrum est grauitatis magnitudinum STVXZM. ponatur magnitudo ipsis STVX simul sumptis equalis in E; magnitudo autem ipsis ZM simul æqualis in D; punctum C similiter ipsarum quoque centrum grauitatis existet. vnde vtroque modo æqueponderabunt. & ita in alijs, si plures fuerint magnitudines.


P R O P O S I T I O. VI.

Magnitudines commensurabiles ex distantijs eandem permutatim proportionem habentibus, vt grauitates, æqueponderant.

ex 3 de-
cimi.

Commensurabiles sint magnitudines AB quarum centra grauitatis AB, & quædam sit distantia ED. & vt se habet grauitas magnitudinis A ad grauitatem magnitudinis B, ita sit distantia DC ad distantiam CE. ostendendū est, si centra grauitatis AB fuerint in punctis ED constituta, hoc est A in E, & B in D; magnitudinis ex vtrisque magnitudinibus AB compositę centrum grauitatis esse punctum C. Quoniam enim ita est magnitudo A ad magnitudinem B, vt DC ad CE. est autem magnitudo A ipsi B commensurabilis; erit & CD ipsi CE commensurabilis; hoc est recta linea rectę lineę commensurabilis existet. Quare ipsarum EC CD communis reperitur mensura. quę quidem sit N. deinde ponatur ipsi EC æqualis vtraque DG DK; ipsi verò DC æqualis EL. & quoniam æqualis est DG ipsi CE, communi additā CG, erit DC ipsi EG æqualis; sed DC est ipsi EL æqualis: erit igitur LE æqualis ipsi EG. quare vtraque LE EG æqualis est ipsi DC. ac propte

rea dupla est LG ipsius DC . quia verò utraque DG DK æqualis facta est ipsi CE , erit & ipsa quoque GK ipsius CE dupla. Quare N utraque LG GK metitur, cum & ipsarum medietates DC CE



metiatur. Et quoniam magnitudo A ita est ad magnitudinem B , ut DC ad CE , ut autem DC ad CE , ita est LG ad GK , utraque enim utriusque duplex existit (siquidem LG dupla est ipsius DC , & GK itidem ipsius CE duplex) erit magnitudo A ad magnitudinem B , ut LG ad GK ; & conuertendo magnitudo B ad magnitudinem A , ut KG ad GL . Quotuplex autem est LG ipsius N , totuplex sit magnitudo A ipsius F , erit utique LG ad N , ut magnitudo A ad F , atque est KG ad LG , ut magnitudo B ad magnitudinem A : LG verò ad N est, ut magnitudo A ad ipsam F , ex æquali igitur erit KG ad N , ut magnitudo B ad F . quare æquemultiplex est KG ipsius N , veluti magnitudo B ipsius F . demonstratū aut est magnitudinē A ipsius F multiplicem esse, siquidem est magnitudo A ad ipsam F , ut LG ad N , quæ quidem LG multiplex est ipsius N . qua propter F ipsarum AB communis existit mensura. Itaque diuisa LG in partes LH , HE , EC , CG , ipsi N æquales, cadent utique diuisiones in punctis EC , quoniam N ipsam EC metitur, nec non ipsam quoque LE metitur; cum sit LE ipsi CD æqualis. eruntque diuisiones LH , HE , EC , CG , numero pares; cum N dimidiam ipsius LG , hoc est CD metiatur.


11. quinti.
cor. 4. quinti.
11.

22. quinti.

lemma.

A verò:

A verò similiter diuisa in partes *OPQR* ipsi *F* æquales; sectiones *LH, HE, EC, CG* in *LG* existentes magnitudini *N* æquales, erunt numero æquales sectionibus *OPQR* in magnitudine *A* existentibus ipsi *F* æqualibus. Diuidantur sectiones *LH, HE, EC,*



CG bifariam in punctis *STVX*. si itaque in unaquaque sectione ipsius *LG* apponatur magnitudo æqualis ipsi *F*, quæ centrum gravitatis habeat in medio sectionis; ut si in *LH* ponatur magnitudo *S*, in *HE* magnitudo *T*, in *EC* magnitudo *V*, & in *CG* magnitudo *X*; ipsarumque unaquæque *STVX* sit ipsi *F* æqualis: habeat verò magnitudo *S* suum gravitatis centrum, quod sit punctum *S*, in medio sectionis *LH*, nempe in puncto *S*; similiter cæteræ magnitudines *TVX* habeant cætra gravitatis; quæ sint puncta *TVX*, in medio sectionum *HE, EC, CG*, in punctis nempe *TVX*. erunt centra gravitatis magnitudinum *STVX* in recta linea constituta, & quoniam *SH* dimidia est ipsius *LH*, veluti *HT* ipsius *HE*, erit *ST* ipsius *LE* dimidia, unaquæque verò *LH, HE* dimidia quoque est ipsius *LE*, siquidem *LH, HE* inter se sunt æquales; erit igitur *ST* unicuique *LH, & HE* æqualis. eodemque prorsus modo ostendetur *TV* æqualem esse unicuique *HE, EC*. & *VX* æqualem *EC, & CG*. & quoniam omnes

LH,

LH, HE, EC, CG, inter se sunt æquales; erunt ST TV VX inter se æquales. quare lineæ inter centra grauitatis magnitudinum STVX existentes sunt inter se æquales. *omnes verò magnitudines STVX simul sunt æquales ipsi A*, quandoquidem ipsis OPQR, & numero, & magnitudine sunt æquales; ergo *magnitudinis ex omnibus magnitudinibus STVX compositæ centrum grauitatis erit punctum E*. cum omnes magnitudines STVX sint numero pares. quippe cum sint in sectionibus LH HE EC CG numero paribus. & LE ipsi EG æqualis existat. quod si LE est ipsi EG æqualis, demptis æqualibus LS GX æqualibus, siquidem sunt dimidiæ sectionum LH CG æqualium: erunt SE EX inter se æquales, unde ex præcedenti colligitur, punctum E centrum esse grauitatis magnitudinum STVX. *similiter autem ostendetur, quod si diuidatur GK in partes GD DK ipsi N æquales*; cadet utrique diuisionum aliqua in puncto D; siquidem N ipse GD DK metitur; cum vtraque sit æqualis ipsi EC. diuisione scilicet GD DK numero pares erunt; cum N dimidiam ipsius GK, ipsam scilicet EC metiatur. si itaque diuidatur GD DK bifariam in punctis ZM. deinde diuidatur magnitudo B in partes ipsi F æquales; sectiones GD DH in GK existentes ipsi N æquales, erunt numero æquales sectionibus in magnitudine B existentibus ipsi F æqualibus. quare *unicuique partium ipsius GK apponatur magnitudo æqualis ipsi F; centrum grauitatis habens in medio sectionis*; ut ponatur magnitudines ZM in sectionibus GD DK, ita ut magnitudinum centra grauitatis, quæ sint ZM, in medio sectionum GD DK, in punctis nempe ZM sint constituta, *omnes autem magnitudines ZM simul sunt æquales ipsi B*. magnitudinis ex omnibus magnitudinibus ZM compositæ centrum grauitatis erit punctum D. cum sit ZD æqualis DM. sed magnitudines STVX sunt magnitudini A æquales, & ZM ipsi B ergo *magnitudo A est tanquam imposita ad E, ipsa verò B ad D*. eodem scilicet modo se habebit magnitudo A imposita ad E, ut se habent magnitudines STVX; ipsa verò B se habebit ad D, ut magnitudines ZM. *sunt autem magnitudines STVXZM inter se æquales*, cum vnaquæque sit ipsi F æqualis: suntque omnes, (hoc est ipsarum centra grauitatis) *in recta linea posita; quarum centra grauitatis posita sunt inter se*

ex 2. cor.

lemma.

2. cor. quin
ta huius.

*

*æqualiter distantia; siquidem ostensum est ST TV VX inter-
le æquales esse. Eodemquè modo ostenderetur XZ ZM cæteris
æquales esse. & sunt magnitudines STVXZM numero pares,
cùm sectiones totius LK, (in quibus insunt) ipsi N æquales
sint inter se æquales, & numero pares. cùm ostensum sit sectio-
nes in LG, & in Gk existentes numero pares esse. constat magni-
tudinis ex omnibus STVXZM magnitudinibus compositæ centrum
gravitatis esse medietatem rectæ lineæ, in qua centra gravitatis magnitu-
dinum habentur. Itaque cùm LE sit æqualis CD, EC verò ipsi Dk,
tota LC æqualis erit CK. cùm autem sint LHDK æquales; si-
quidem sunt eidem N æquales. & harum medietates, hoc est
LS ipsi MK æqualis erit. & ob id SC ipsi CM est æqualis.
at verò linea SM magnitudinum centra gravitatis coniūgit,
ergo magnitudinis ex omnibus STVXZM magnitudinibus compositæ
centrum gravitatis est punctum C. Quare loco magnitudinum
STVX, posito centro gravitatis A ad E, B verò loco ipsarum
ZM posito ad D, erit punctum C gravitatis centrum ma-
gnitudinis ex utrisque magnitudinibus AB compositæ. ac
propterea ex puncto C æqueponderabunt. ergo magnitudines AB
ex distantijs DC CE, quæ permutatim eandem habent pro-
portionem, ut gravitates, æqueponderant. quod demonstrare
oportebat.*

SCHOLIUM.

* Circa finem Græcus codex habet, *τὸ κέντρον τῶν μέσων μεγεθῶν*,
quasi dicat, centrum gravitatis magnitudinis ex omnibus
magnitudinibus STVXZM compositæ medietatem esse rectæ
lineæ VX, quæ centra mediarum magnitudinum VX coniun-
git; quòd cùm sint omnes magnitudines numero pares; itidē
esset punctum C, & quamvis hoc sit verum, non tamen ad hoc
respexit Archimedes duabus de causis. Nā in secūdo corollario
præcedentis ostendit centrum gravitatis omnium magnitu-
dinum esse medietatem rectæ lineæ, quæ gravitatis centra om-
nia coniungit. Deinde concludere volens punctum C centrū
esse gravitatis omnium magnitudinum, statim inquit hoc se-
qui, quia LC est ipsi CK æqualis, quæ sunt medietates totius

rectæ

rectæ lineæ LK. Et non dixit, quia VC sit ipsi CX equalis. Quare codicem græcum ita restituendum censeo. τὰ κέντετα τῶν τοῦ βῆξεος μεθεῶν, vt vertimus.

Ob sequentis verò demonstrationis cognitionem, hoc problema prius ostendemus.

P R O B L E M A.

Duarum expositarum magnitudinum incommensurabilium altera vtcumque secetur; magnitudinem tota secta magnitudine minorem, & altero segmento maiorem, alteri verò expositæ magnitudini commensurabilem inuenire.

Sint duæ magnitudines incommensurabiles

AE BC. seceturquè ipsarum altera, putà BC, vtcumque in D. oportet magnitudinem inuenire minorem quidem BC,

maiores verò BD, quæ sit ipsi AE commensurabilis. Auferatur ab AE pars dimidia, rursus dimidiæ partis ipsius AE dimidia auferatur; & eius, quæ remanet, adhuc dimidia; idquè semper fiat, donec relinquatur magnitudo minor, quàm DE. quod quidem perspicuum est posse fieri ex prima decimi Euclidis propositione. sit itaque AF, quæ minor existat, quàm DC. quippe quæ AF, cùm sit ablata ex AE semper per dimidiam partem, metietur vtique AF ipsam AE. Deinde multiplicetur AF super BD, tum demum multiplicatio vltima, vel in puncto D cadet, vel minus. si cadet; secetur ex DE magnitudo DG equalis AF. quod quidem fiet, quoniã AF minor est DC. Quoniam igitur AF metitur BD, & DG; metietur AF totam BG. Sed & ipsam AE metitur; ergo AF ipsarum BG AE communis existit mensura, ac propterea BG ipsi AE commensurabilis existit; quæ quidem BG minor est BC, maior verò BD. Si verò vltima multiplicatio ipsius AF super BD non cadet in D, sed in H, erit vtique HD minor AF. nam si HD ipsi AF esset equalis,

1. def. decimi.

monstrat

I

vltima


ultima multiplicatio caderet in D. si verò maior esset HD, quàm AF, tunc non esset vltima multiplicatio, quare cum sit DC maior AF; erit & HC ipsa FA maior. si itaque fiat HK æqualis AF; erit punctum K inter puncta DC. BK igitur minor erit, quàm BC, & maior BD; eodemque modo ostendetur AF ipsarum Bk AE communem esse mensuram. & ob id BK ipsi AF commensurabilem existere. quod facere oportebat.

Cùm autem verba sequentis demonstrationis aliquantulum sint obscura, ut vim demonstrationis rectè percipiamus, hoc quoque theorema ex ijs, quæ ab Archimede hæcenus demonstrata sunt, ostendemus. ad quod demonstrandum communi notione indigemus, quam nos in nostro Mechanicorum libro posuimus. Nempè.

Quæ eidem æqueponderant, inter se æquæ sunt graua.

P R O P O S I T I O.

Si commensurabiles magnitudines minorem habuerint proportionem, quàm distantie permutatim habent; ut æqueponderent, maiori opus erit magnitudine, quàm sit ea, quæ ad alteram magnitudinem minorem proportionem habet.




Sint magnitudines AC commensurabiles, distantie verò sint ED EF. minorem autem habeat proportionem

portionem A ad C, quàm ED ad EF. Dico, vt magnitudines ex distantijs ED EF æqueponderent, maiori opus esse magnitudine in F, quàm sit magnitudo A; ita vt ipsi C in D æqueponderare possit. fiat ED ad EG, vt magnitudo A ad magnitudinem C. Deinde fiat EK æqualis EG. exponaturquè altera magnitudo L ipsi A æqualis. Quoniam igitur minorem habet proportionem A ad C, quàm ED ad EF, & vt A ad C, ita ED ad EG; habebit ED ad EG minorem proportionem, quàm ad EF. ac propterea EF minor est, quàm EG. quoniam autem A ad C est, vt ED ad EG, commensurabiles magnitudines AC ex distantijs ED EG æqueponderabunt. Cum verò EK sit æqualis EG, magnitudines AL æquales ex distantis æqualibus EK EG similiter æqueponderabunt. At verò quoniam C in D æqueponderat ipsi A in G, similiter L in K eidem A in G æqueponderat; equalem habebit grauitatem C in D, vt L in K. Itaque quoniam distantia EG æqualis est distantiae Ek, longitudo EK maior erit longitudine EF. ergo magnitudines AL æquales ex inæqualibus distantijs EK EF non æqueponderabunt. sed magnitudo L deorsum verget. si igitur in F collocanda sit magnitudo, quæ æqueponderet ipsi L in K, proculdubio hæc magnitudine A maior existet. Inæqualia enim graua, nempe L, & magnitudo maior, quàm A, ex inæqualibus distantijs EK EF æqueponderant, dummodo maius, hoc est magnitudo maior, quàm A, sit in distantia minori EF. minus verò, hoc est magnitudo L, sit in minori EK. Quoniam itaque magnitudo C in D est æquegrauis, vt L in K, magnitudo, quæ in F ipsi L in K æqueponderat, eadem quoque in F ipsi C in D æqueponderabit maior verò magnitudo, quàm sit A, in F ipsi L in K æqueponderat, ergo maior magnitudo, quàm A in F, ipsi C in D æqueponderabit. quod demonstrare oportebat.

His cognitis possumus ad Archimedis demonstrationem accedere.

P R O P O S I T I O. VII.

Si autem magnitudines fuerint incommensurabiles, similiter æqueponderabunt ex distantijs permutatim eandem, atque magnitudines, proportionem habentibus.



Sint incommensurabiles magnitudines AB C. Distantia verò DE EF. Habeat autem AB ad C proportionem eandem, quam distantia ED ad ipsam EF. Dico, si ponatur AB ad F, C verò ad D, magnitudinis ex utrisque AB C compositæ centrum gravitatis esse punctum E. si enim non æqueponderabit (si fieri potest) AB posita ad F ipsi C posita ad D; vel maior est AB, quàm C, ita ut AB ad F æqueponderet ipsi C ad D; vel non. Sit maior; sitque excessus HL; ita ut KH ad F, & C ad D æqueponderent. auferaturquè ab ipsa AB magnitudo NL, quæ sit minor excessu HL, quo maior est tota AB, quàm C, ita ut æqueponderent; ut dictum est. & sit quidem residuum A, hoc est KN, commensurabile ipsi C. Et quoniam minor est kN quàm KM, minorem quoque

habebit

habebit proportionem kN ad C , quàm kM ad eandem C . tota verò KM ad C est, vt DE ad EF ; ergo kN ad C minorem habet proportionem; quàm DE ad EF . Quoniam igitur magnitudines AC , hoc est kN C , sunt commensurabiles, & minorem habet proportionem A , hoc est kN ad C , quàm DE ad EF ; non æqueponderabunt AC , hoc est kN C , ex distantijs DE EF , posito quidem A , hoc est kN ad F , C verò ad D . & vt æqueponderent, oportet, vt in F maior sit magnitudo, quàm kN ; ita vt ipsi C in D æqueponderare possit. Ac propterea cum sit kH adhuc minor, quàm kN , si igitur KH ponatur ad F , & C ad D , nullo modo æqueponderabunt. quod tamen fieri non potest. supponebatur enim eas æqueponderare. Non igitur magnitudo minor, quàm tota KM in F magnitudini C in D æqueponderat. Eadem autem ratione, neque si C maior fuerit, quàm vt æqueponderet ipsi AB , hoc est ipsi KM . etenim grauiore existēte C ad D , quàm KM ad F . primū auferatur ex C excessus, quo C grauior est, quàm KM , ita vt æqueponderet ipsi KM . Deinde rursus auferatur quædam magnitudo minor excessu, quo grauior est C , quàm kM , ita vt æqueponderent; residuum verò sit ipsi KM commensurabile, &c. similiter ostendetur nullā magnitudinem ipsa C minorem positam ad D vllō modo æqueponderare ipsi KM ad F positæ. Quare magnitudo C ad D , kM verò ad F æqueponderant. Vnde sequitur magnitudinis ex vtrisque magnitudinibus compositæ centrum grauitatis esse punctum E . ac propterea incommensurabiles magnitudines AB C ex distantijs ED EF , quæ permutatim eandem habent proportionem, vt magnitudines, æqueponderare. quod demonstrare oportebat.

ex præcedenti.
ex prima propositione.

S C H O L I V M.

In demonstratione occurrit obseruandum, quòd si excessus HL ita diuideret magnitudinem KM , vt residuum KH fuerit commensurabile ipsi C ; tunc absque alia constructione, magnitudines commensurabiles KH C ex distantijs DE EF æqueponderarent; quod fieri non potest. cum minorem

habeat

habeat proportionem KH ad C, quàm ED ad EF. siquidẽ supponitur KM ad C ita esse, vt ED ad EF. Archimedes vero, vt demonstratio absque distinctione sit vniuersalis, precipit (existente KH ipsi C commensurabili, siue incommensurabili) vt auferatur pars aliqua minor excessu HL, ut AL, ita tamen, vt reliqua KN sit commensurabilis ipsi C. quod quidem fieri posse ostensum est in proximo problemate. ex tota enim magnitudine KM partem abscindere possumus, vt KN minorem quidem tota KM, maiorem verò KH, quæ ipsi C commensurabilis existat.

Cognita Archimedis demonstratione de incommensurabilibus magnitudinibus, idem alio quoque modo ostendere possumus, applicando nempè diuisibilitatem, & commensurabilitatem non magnitudinibus, verùm distantijs. hac autem priùs demonstrata propositione.

PROPOSITIO.

Si commensurabiles distantie maiorem habuerint proportionem, quàm magnitudines permutatim habent; vt æqueponderent, maiori opus erit longitudine, quàm sit ea, ad quam altera longitudo maiorem habet proportionem.



Sint distantie DE EH commensurabiles, magnitudines verò sint A C. habeatquè ED ad EH maiorem proportionem, quàm A ad C. Dico vt AC æqueponderent, maiori opus

esse


esse longitudine, quàm sit EH. exponatur altera magnitudo G, quæ ad C eandem habeat proportionem, quàm habet DE ad EH. erunt vtique magnitudines GC inter se commensurabiles. Deinde fiat EK æqualis EH, exponaturque magnitudo L ipsi G æqualis. Quoniam igitur G ad C est, vt DE ad EH, ob commensurabilitatem æqueponderabunt G in H, & C in D. similiter æqueponderabunt magnitudines æquales GL ex æqualibus distantijs EK EH. Cum igitur C in D ipsi G in H æqueponderet; L verò in K ipsi quoque G in H æqueponderet; eandem habebit grauitatem C in D, ut L in K. Quoniam autem maiorem habet proportionem DE ad EH, quàm A ad C, & vt DE ad EH, ita est G ad C; maiorem habebit proportionem G ad C, quàm A ad C. ergo maior est G, quàm A. ac propterea magnitudo A minor est magnitudine L. posita igitur magnitudine L in K, & A in H, non æqueponderabunt; & vt æqueponderent, oportet, vt A in longiori sit distantia, quàm sit EH: Inæqualia enim graua LA ex inæqualibus distantijs æqueponderant, maius quidem L in minori distantia EK, minus verò graue A in maiori, quàm sit EK, hoc est in maiori, quàm sit EH. Itaque cum sit C in D æquegrauis, vt L in k; longitudo, quæ efficit, vt A æqueponderet ipsi L in K; eadem prorsus efficiet, vt A ipsi C in D æqueponderare possit. A verò in maiori distantia, quàm EH, ipsi L in K æqueponderat; ergo in maiori distantia, quàm EH, magnitudo A ipsi C in D æqueponderabit. quod demonstrare oportebat.

Hoc demonstrato Archimedis propositionem de incommensurabilibus magnitudinibus aliter ostendemus hoc pacto.

A L I T E R.

Incommensurabiles magnitudines ex distantijs permutatim eandem, atque magnitudines, proportionem habentibus; æqueponderant.

Sint incom-
mēsurabiles ma-
gnitudines AC,
distantiæ verò
DE EF. sitquè vt
A ad C, ita DE
ad EF. Dico A
in F, C verò in
D æqueponde-



problema
ante 7. bu-
ius 8. quinti

ex p̄xima
ppositione

rare. Si autem (si fieri potest) non æqueponderabunt; distā-
tiæ DE EF aliter sese habere debebunt, vt magnitudines AC
æqueponderent. Quocirca vel longior est EF, quàm opus
sit, vel longior est ED. sit EF longior. sitquè excessus GE, ita
vt posita magnitudine A in G ipsi C in D æqueponde-
ret. Fiat EH maior EG, minor verò EF. sit autem EH
ipsi ED commensurabilis. Quoniam igitur DE ad EH
maiores habet proportionem, quàm ad EF; & vt DE ad
EF, ita est A ad C; maiorem habebit proportionem DE
ad EH, quàm A ad C. suntquè longitudines ED EH in-
ter se commensurabiles; ergo magnitudo A in H ipsi C in
D non æqueponderabit, sed vt æqueponderet, maiori opus
est longitudine, quàm sit EH; ita vt A ipsi C in D æque-
ponderare possit. atque adeò cum adhuc minor sit EG, quàm
EH; magnitudo A in G magnitudini C in D nullo modo
æqueponderabit. quod fieri non potest. supponebatur enim
A in G, & C in D æqueponderare. eademquè prorsus ra-
tione, si ED longior fuerit, quàm opus sit, ita vt magni-
tudines æqueponderent, ostendetur magnitudinē C nullo pa-
cto æqueponderare posse ipsi A in F in minori distantia,
quàm DE. Quare magnitudines incommensurabiles AC ex
distantijs ED EF, quæ eandem permutatim habent propor-
tionem, vt magnitudines, æqueponderant. quod demonstra-
re oportebat.



In prioribus sermonibus ante quintam propositionem ha-
bitis, diximus propositionum præcedentium demonstratio-
nes planiores euadere, si intelligamus magnitudines eiusdem
esse speciei, & homogeneas. Quòd quidem si Archimedes

his, vel de rectilineis tantum demonstrationes attulisse (ut nōnulli fortasse falsò existimarunt) intelligeremus; ita ut ex Archimedis demonstrationibus non sit adhuc vniuersaliter demonstratum hoc præcipuum fundamentum; nempe magnitudines ex distantijs permutatim proportionē habentibus, ut ipsarum grauitates, æqueponderare; in hoc certè rationes ab Archimede allatas, ipsarumquè demonstrationum vim minimè percipiemus. Quapropter ea, quæ demonstrauit, omnibus magnitudinibus vniuersaliter competere ipsum voluisse nullatenus est dubitandum. Neque enim, ut perfectè, & vniuersaliter sciamus, magnitudines æqueponderare ex distantijs permutatim proportionem habentibus, ut ipsarum grauitates, alijs, quàm præcedentibus propositionibus indigemus. In hoc enim fundamento demonstrando minimè diminutus extitit Archimedes. Nam si ad propositiones ab ipso allatas, præcipuèquè ad vim demonstrationum respiciamus, siue magnitudines intelligantur eiusdem speciei, siue diuersæ, siue homogeneæ, siue heterogeneæ, siue planæ, siue solidæ, & hæc quidem, siue rectilineæ, siue quomodocunque mixtæ; nihilominus demonstrationes idem prorsus concludent. ita ut Archimedes non de aliquibus magnitudinibus tantum demonstrationes attulerit; sed de omnibus prorsus demonstra-uerit. In his enim Archimedes non ad magnitudines tantum, verum ad magnitudinum grauitates potissimum respexit. quandoquidem loco grauium magnitudines nominat; ut post quartam huius propositionem adnotauimus. quod quidem facillè ex verbis ipsius rectè intellectis apparere potest. Nā in quarta propositione cum inquit, *si duæ fuerint magnitudines æquales*, ut antea diximus, intelligendum est eas æquales esse grauitate. quod non solum ex eius demonstratione liquet, verum etiam ex modo loquendi, quo usus est Archimedes in alijs propositionibus. In quinta enim propositione, quæ eiusdem est cum quarta ordinis, & nature, inquit; *Si trium magnitudinum centra grauitatis in recta linea fuerint posita, & magnitudines æqualem habuerint grauitatem*. similiter post quintam demonstrationem bis quoquè eodem vtitur loquendi modo, nempe cum adhuc proponit

plures magnitudines, inquit, & *magnitudines æqualem habuerint grauitatem.* ex quibus constat Archimedes ad magnitudinum grauitates omnino respexisse. ita vt quando Archimedes inquit, & *magnitudines æquales*, idem est, ac si dixisset, & *magnitudines æqualem habuerint grauitatem.* Præterea in sexta propositione inquit magnitudines æqueponderare ex distantijs permutatim proportionem habentibus, vt grauitates. ita ut causa huius æqueponderationis sit (vt reuera est) magnitudinum grauitas. & quâquam in hac septima propositione dicat, magnitudines æqueponderare ex distantijs permutatim proportionem habentibus, vt magnitudines, & non dixit, vt grauitates; intelligendum tamen est, ac si dixisset, eas æqueponderare, vt magnitudinum grauitates. hæc enim septima propositio est pars sextæ propositionis, vt iam præfati sumus; vnde si in sexta magnitudines æqueponderant ob earum grauitatem, ob eandem quoque causam & in hac septima æqueponderare debent. Præterea in sequenti etiam propositione dum proponit ostendere quam proportionem habere debent sectiones lineæ inter centra grauitatum diuise magnitudinis existētes, inquit, *quam habet grauitas magnitudinis ablata ad grauitatem residua* hoc autem deinceps exponens, nō inquit oportere sectiones lineæ eam habere proportionem, quàm grauitas ad grauitatem habet; sed horum loco inquit, quàm magnitudo ad magnitudinem. ex quibus omnibus clarè perspicitur, quòd quando Archimedes magnitudines nominat, omnino magnitudinum grauitates vult intelligere.

Ad eorum autem intelligentiā, quæ dicta sunt in sexta, septimaquè propositione, earūquè demonstrationibus, obseruandū est, quòd in sexta propositione pro magnitudinibus commensurabilibus intelligere oportet magnitudines grauitate commensurabiles; ita nempe, vt numeris exprimi possint; quamquam non sint mole, & magnitudine commensurabiles, vt in figura sextæ propositionis magnitudo A ponderet exempli gratia vt XVI. B verò vt VIII. intelligaturq; F magnitudinū.

AB cōmunis mensura in gravitate, ita vt sit æquegravis vni-
cuique parti OPQR, quæ quidem, & si non sint magnitu-
dine inter se æquales, sufficit, vt sint æquegraues: veluti magni



tudines quoque STVX inter se, ipsisq; OPQR tantum æque-
graues; ita ut vnaquæque ponderet, vt IIII. veluti etiam par-
tes ipsius B, & vnaquæque ZM. hisquæ ita positis demōstra-
tio rectè concludet.

In hac verò septima Archimedis propositione similiter in-
telligentur magnitudines kMC incommensurabiles graui-
tate, vt in eius figura grauitas ipsius C ponderet, vt XII. gra-
uitas verò ipsius KM maior sit, quàm XX. ita vt hæ graui-
tates sint incommensurabiles. auferaturquæ grauitas excessus
HL, quæ sit vt IIII. ita vt quæ relinquitur grauitas, ipsius nē-
pè KH, quæ quidem maior est, quàm XVI, in F posita, gra-
uitati ipsius C, quæ est XII, in D posita æqueponderet,
Auferatur deinde NL minor excessu HL; cuius quidem gra-
uitas sit maior, quàm II. ita vt grauitas residui KN, quæ
nimirum sit XVIII, sit commensurabilis grauitati
XII. ipsius C. & quæuis magnitudines KM C, & KN C sint,
vel nō sint inter se magnitudine cōmensurabiles, vel incom-

*respice fi-
gurā septi-
mæ proposi-
tionis Ar-
chimed. is.*

menturabiles; eadem prorsus demonstratio idem concludet. quæ quidem omnia in sequenti quoque propositione consideranda occurrunt. Vnde perspicuum est has Archimedis propositiones, ac demonstrationes vniuersalissimas esse, atque omnibus, & quibuscunque magnitudinibus conuenientes.

Iacto hoc præcipuo, ac præstantissimo mechanico fundamento; in sequenti propositione colligit ex hoc Archimedes, quomodo se habent centra grauitatis magnitudinis diuisæ.

P R O P O S I T I O. VIII.


Si ab aliqua magnitudine magnitudo auferatur; quæ non habeat idem centrum cum tota; reliquæ magnitudinis centrum grauitatis est in recta linea, quæ coniungit centra grauitatum totius magnitudinis, & ablatae, ad eam partem producta, vbi est centrum totius magnitudinis, ita vt assumpta aliqua ex producta, quæ coniungit centra prædicta eandem habeat proportionem ad eam, quæ est inter centra, quam habet grauitas magnitudinis ablatae ad grauitatem residuæ, centrum erit terminus assumptæ.

*Sit alicuius magnitudinis AB centrum grauitatis C. auferatur-
quæ ex AB magnitudo AD; cuius centrum grauitatis sit E. coniuncta
verò EC, & ex parte C producta, assumatur CF, quæ ad CE eã
dem habeat proportionem, quam habet magnitudo AD ad DG. osten-
dendum est, magnitudinis DG centrum grauitatis esse punctum F. Nō
sit autem; sed, si fieri potest, sit punctum H. Quoniam igitur magnitudi-
nis AD centrum grauitatis est punctum E; magnitudinis verò DG
est punctum H; magnitudinis ex utrisque magnitudinibus AD DG,
compositæ centrum grauitatis erit in linea EH, ita diuisa, ut partes ipsius
permutatim eandem habeant proportionem, vt magnitudines. Quare non*

*ex præce-
dentibus.*

erit

erit punctum *C* secundum diuisionem proportionem respondentem prædictæ. ut scilicet sit *HC* ad *CE*, ut *AD* ad *DG*. etenim ut *AD* ad *DG*; ita factum fuit *FC* ad *CE*. si igitur secetur linea *EH* secundum proportionem ipsius *AD* ad *DG*; non terminabit



diuisio ad punctum *C*. cum sit impossibile eandem habere proportionem *FC* ad *CE*, quam *HC* ad eandem *CE*. diuisio igitur ad aliud terminabitur punctum, ut *K*; ita ut *HK* ad *KE* sit, ut *AD* ad *DG*. unde sequitur punctum *K* centrum esse grauitatis magnitudinis ex *AD* *DG* compositæ.

Non est igitur punctum C centrum magnitudinis ex AD DG compositæ; hoc est ipsius AB. est autem; suppositum est enim ipsum esse. ergo neque punctum H centrum est grauitatis magnitudinis DG. est igitur punctum F; quod quidem est terminus productę lineę CF; quæ eandem habet proportionem ad lineam CE inter centra existentem; quam habet grauitas magnitudinis AD ad grauitatem ipsius DG. quod demonstrare oportebat.

ex præcedentibus.

SCHOLIUM.

In hac demonstratione intelligendum est etiam punctum *H* esse posse extra lineam *EF*, ita ut *EFH* non sit recta linea. quod si *H* non esset in linea *EF*, idem sequi absurdum adeo perspicuum est; ut nec demonstratione egeat. Quoniam si intelligatur *H* extra lineam *EF*; iuncta *EH*, & ita diuisa intelligatur, ut ipsius partes permutatim grauitatibus magnitudinum *AD* *DG* respondeant; esset utique hoc punctum inuentum, quod extra lineam *EF* reperiretur, centrum grauitatis to-

tius


ius AB quod fieri non potest. siquidem est punctum C, ut
suppositum fuit. Vnde neque illud punctum H ipsius DG cē-
trum grauitatis existeret.

Hic est terminus primæ partis principalis, in qua Archime-
des (vt initio dixim⁹) de magnitudinib⁹, & de grauib⁹ in
communi pertractauit; quandoquidem propositiones, ac de-
monstrationes tam planis, quàm solidis quibuscunque sunt
accomodatae; vt manifestum fecimus.

Nunc itaque se conuertit Archimedes ad inuestigandū cen-
tra grauitatis planorum. primū quē perquirat centrum gra-
uitatis parallelogrammorum; ostendet quē centrum grauitatis
cuiuslibet parallelogrammi esse in recta linea, quæ coniungit
opposita latera bifariam diuisa. ob cuius intelligentiam hæc
prius lemmata in vnum collecta nouisse erit valdè vtile.

L E M M A.

Sit parallelogrammum ABCD, cuius opposita latera AB
CD sint bifariam diuisa in EF. connectaturquē EF, quæ ni-
mirum æquidistans erit ipsis AC BD. Deinde diuidatur v-



naquæque AE EB in partes numero pares, & inuicem equa-
les; vt in AG GE; & EH HB. ducaturquē GK HL ipsi
EF æquidistantes. sit verò centrum grauitatis ipsius AK pun-
ctum M. ipsius verò GF punctum N, & ipsius EL pun-
ctum O; deniquè ipsius HD punctum P. Dico primū pū-
cta MNOP esse in linea recta. deinde lineas MN NO OP
inter centra existentes inter se æquales esse. Deniquè centrum
grauitatis parallelogrammi AD esse in linea NO, quæ con-
iungit centra grauitatis spatiorum mediorum; parallelogram-
morum scilicet GF EL.

Ducantur à punctis MN ipsi AGE æquidistantes QMR SNT. erunt vtique AQRG, & GSTE parallelogramma.

Quoniam igitur parallelogramma AK GF in æqualibus sunt basibus AG GE, & in iisdem parallelis; erunt AK GF inter se equalia. & quoniam AC GK EF sunt æquidistantes; erit angulus CAG ipsi KGE equalis, & KGA ipsi FEG æqualis; & horum oppositi inter se sunt æquales; ergo parallelogrammum GF ipsi AK æquale, & simile existit. Itaque si GF collocetur super AK, rectè congruet: erunt què parallelogramma inuicem coaptata. lineæ què GE AG, GK AC, & reliquæ coaptatæ erunt. quare eorum centra grauitatis inuicem coaptata erunt. hoc est N erit in puncto M. Quoniam autem à punctis MN (quod nunc intelligitur vnum tantum esse punctum) ductæ fuerunt ST QR ipsi AGE æquidistantes, linea ST coaptabitur cum QR, quippe cum ambæ hæ lineæ ab vno puncto prodeunt ipsi AG æquidistantes esse debeant. punctum igitur S in Q, & T in R coaptabitur. erit què QM ipsi SN equalis, & MR ipsi NT. ac propterea linea GS parallelogrammi GT erit coaptata in AQ; & ET coaptata erit in GR parallelogrammi AR. Vnde erit AQ equalis GS, cum sint coaptatæ; & GR ipsi ET equalis; cum sint quoque coaptatæ. Quocirca quoniam parallelogramma AR GT sunt inuicem coaptata, parallelogrammorum què opposita latera sunt inter se equalia, erunt AQ GS GR ET inter se equalia. Nunc autem intelligatur parallelogramma AK GF non amplius coaptata. & quoniā lineæ QMR, & SNT sunt ipsi AGE parallele; & AQ GR, GS ET, inter se sunt æquales, & æquidistantes; puncta RS in vnum coincident punctum. erit què QST linea recta. ex quibus patet, rectam lineā, quæ coniungit centra grauitatis MN ipsi AGE æquidistantem existere. eodem què modo ostendetur rectas lineas, quæ coniungunt grauitatis centra NO, centra què OP, ipsi AB æquidistantes esse. Vnde sequitur lineam MNOP rectam esse. Quare primū constat grauitatis cētra in recta linea existere.

Quoniam autem ostensum est QM æqualem esse ipsi SN, & MR ipsi NT, eodem quoque modo ostendetur OT æqua-

lem

36. primi.

29. primi.

34. primi.

5. post huius.

34. primi.

lem esse ipsi SN. Quoniam igitur OT NS sunt æquales, itidemquè TN SM æquales, erit ON ipsi NM æqualis. eademquè ratione ostendetur OP æqualem esse ipsi ON. unde colligitur lineas MN NO OP inter centra existentes inter se æquales esse.

2. cor. quin
ta huius.


Postremò quoniam parallelogramma AK GF EL HD sunt inuicem æqualia, & numero paria, centraquè grauitatis sunt in recta linea posita. lineæquè MN NO OP inter centra sunt æquales, magnitudinis ex omnibus AK GF EL HD magnitudinibus compositæ centrum grauitatis est in linea MP bifariam diuisa. Et quoniam MN est æqualis ipsi OP, punctum, quod bifariam diuidit MP cadet in linea NO. centrum ergo grauitatis omnium magnitudinum AK GF EL HD, hoc est parallelogrammi AD est in linea NO, quæ coniungit centra ipsorum mediorum GF EL. quæ quidè omnia ostendere oportebat.

Quoniam autem centrum grauitatis parallelogrammi AD est in linea NO, & in linea MP bifariam diuisa; non repugnare videtur, quin inferri possit, hoc centrum esse in puncto T, in linea EF existente. Quòd tamen falsum est. nam posset quidem concludi centrū esse in medio lineæ NO (siquidè est in medio lineæ MP, vt dictū est) sed nō in pūcto T, ex demonstratione enim ostenditur NS æqualem esse ipsi TO. at verò NT æqualem esse ipsi TO, nullo modo demonstrari potest; nisi supponeremus centra grauitatis MNOP in parallelogrammis ita se habere, vt MQ MR, & MR RN, & RN NT & NT TO, &c. inter se æquales essent. quod nullo modo supponi potest. nam hoc modo centra grauitatis parallelogrammorum AK GF &c. essent in lineis, quæ bifariam secant opposita latera, essent quippè in lineis à punctis MN OP ductis ipsis AC GK EF &c. æquidistantibus, quæ opposita latera AG CK, GE KF, EH FL, &c. bifariam secarent. quod est id, quod Archimedes demonstrare in sequenti nititur. quod quidem in causa est, vt demonstratione ad impossibile id deducat. supposuimus autem (vt par est) parallelogramma cen-

tra grauitatis habere; ac centra grauitatis MNOP intra parallelogramma existere, quoniam parallelogramma sunt figurae ad eandem partes concauae. quod quidem eodem modo ab Archimede in sequenti supponitur.

PROPOSITIO. IX.

Omnis parallelogrammi centrum grauitatis est in recta linea, quae opposita latera parallelogrammi bifariam diuisa coniungit.



Sit parallelogrammum $ABCD$, linea verò EF bifariam diuidat latera AB CD . Dico parallelogrammi $ABCD$ centrum grauitatis esse in linea EF . Non sit quidem, sed, si fieri potest sit H . & ab ipso H ad lineam EF ducatur HI æquidistans ipsi AB . Diuisa verò EB semper bifariam in G . rursumquè EG bifariam in K ; idequè semper fiat, tandem quædam relinquetur linea, putà EK , minor ipsa HI . Diuidaturquè utraque AE EB in partes AN NM ML LE GO OB ipsi EK æquales quod quidem fieri potest, quia diuisa est EB in partes semper æquales. & ex his diuisionum punctis ducantur NP MQ LR KS GT OV ipsi EF æquidistantes. diuisum enim erit totum parallelogrammum in parallelogramma æqualia & similia ipsi KF . cum enim sint parallelogrammorum bases EL LM MN NA KG GO OB ipsi KE æquales, parallelogrammaquè in iisdem sint parallelis AB CD constituta; erunt parallelogramma æqualia. similia verò, quoniam sunt equiangulara. Parallelogrammis igitur æqualibus, atque

ex prima
precedenti

36. primi.

L

similibus

*
lemma.

similibus ipsi KF inuicem coaptatis, & centra grauitatis inter se conuenient. quia verò in EB facta est diuifio semper in duas partes æquales erunt parallelogramma in ED numero paria. ac per consequens & quæ sunt in EC numero paria. vnde & quæ sunt in toto AD numero paria erunt. Itaque quedam erunt magnitudines æquidistantium laterum æquales ipsi KF numero pares, hoc est omnes, quæ sunt in AD, centraquæ grauitatis ipsarum in recta linea sunt constituta, & linea inter centra sunt æquales, magnitudinis ex ipsis omnibus composita centrum grauitatis erit in recta linea, quæ coniungit centra grauitatis mediorum spatiorum, parallelogrammorum scilicet LF KF. Non est autem punctum enim H, quod supponitur esse centrum grauitatis omnium magnitudinum, hoc est parallelogrammi AD, extra media parallelogramma LF KF existit. etenim cum sit EK minor HI, linea KS ipsi EF æquidistantis lineam HI ipsi EK æquidistantem secabit, quippe quæ relinquet punctum H extra figuram KF, ac per consequens extra media parallelogramma LF KF. quare punctum H non est centrum grauitatis parallelogrammi AD, vt supponebatur. ergo constat, centrum grauitatis parallelogrammi ABCD esse in recta linea EF. quod demonstrare oportebat.

SCHOLIUM.


* Græcus codex post verba, *centraquæ grauitatis ipsarum in recta linea sunt constituta*, habet, καὶ τὰ μέγα ἴσα, καὶ πάντα τὰ ἐφ' ἑκάτερα τῶν μέσων αὐτὰ τε ἴσα ἐντί, quæ quidem omnino superflua nobis uita sunt, & tanquā ab aliquo addita. Nam si Archimedes dixit omnia parallelogramma esse inter se, & equalia, & similia; non opus est addere, media LF ES esse inter se equalia, & quæ ab his sunt ad vtramque partem, vt MR KT, NQ GV, AP OD, esse inter se æqualia; cum omnia (vt dictum est) sint equalia. quare verba hæc (meo quidem iudicio) delenda sunt. demonstrationes enim mathematicæ nullum admittunt superfluum. & Archimedes non tantum superfluus, quin potius ob eius breuitatem diminutus ferè videatur.

Ex hac nona propositione duo corolloria elicere possum⁹; quæ quidem tanquam valde nota fortasse videretur omisisse Archimedes. quamuis primū in sequenti demōstratione inferuit.

COROLLARIUM. I.

Ex hoc perspicuum est cuiuslibet parallelogrammi cētrum grauitatis esse punctum, in quo coincidunt rectæ lineæ, quæ opposita latera bifariam secant.

Nam (vt Archimedes etiam sequenti demōstratione inquit) si parallelogrammi ABCD lineæ EF GH bifariam diuident latera opposita AB DC, & AD BC. patet in EF centrum esse grauitatis parallelogrammi AC. similiter constat idem centrum esse in linea GH, quæ opposita latera AD BC bifariam secat. erigitur in K, vbi EF GH se inuicem secant.



COROLLARIUM. II.

Ex hoc patet etiam, cuiuslibet parallelogrammi centrū grauitatis esse in medio rectæ lineæ, quæ bifariam opposita latera dissecit.


Cū enim ostensum sit centrum grauitatis parallelogrammi AC esse punctum K. & ob parallelogrammum EH est EK æqualis BH. propter parallelogrammum verò KC linea KF est æqualis HC. Iuntquē BH HC æquales. erit EK ipsi KF æqualis. punctum ergo K est in medio rectæ lineæ EF, quæ opposita latera AB DC bifariam diuidit. Eodēq; prorsus modo ostēdetur, K mediū esse rectæ lineæ GH, quæ bifariam secat opposita latera AD BC.

In sequenti Archimedes adhuc persistit in inuentione centri grauitatis parallelogrammorum, alia tamen methodo. nam hoc per ipsorum parallelogrammorum diametros duobus modis assequitur.

PROPOSITIO. X.

Omnis parallelogrammi centrum grauitatis est punctum, in quo diametri coincidunt.

Sit parallelogrammum $ABCD$. & in ipso sit linea EF bifariam secans latera AB CD . itidemquè sit KL secans AC BD bifariam. conueniantquè EF KL in H . est utique parallelogrammi $ABCD$ centrum grauitatis in linea EF . hoc enim



9 huius.

29. primi.
4. primi.

ostensum est. eadem verò de causa centrum grauitatis ipsius AD est etiam in linea KL . quare punctum H parallelogrammi AD centrum grauitatis existit. Verùm in puncto H diametri parallelogrammi concurrunt. ductis enim lineis AH HB CH HD ; quoniam lineæ AE EB EF FD inter se æquales. similiter quoque AK KC BL LD inter se æquales; erit EH ipsi HF equalis, cum sint ipsis BL LD æquales. duæ igitur AE EH duabus DF FH sunt æquales, & angulus AEH angulo DFH equalis; erit triangulum AEH triangulo DFH æquale. ac propterea angulus EHA angulo FHD æqualis. cum igitur sit EHF recta linea, erunt anguli EHA FHD ad verticem, & ob id AHD recta existit linea. ac per consequens diameter parallelogrammi AD . pariquè ratione ostenderetur BHC rectam esse lineam. ex quibus patet in puncto H utrâque diametrum conuenire. centrum igitur grauitatis parallelogrammi AD est punctum, in quo diametri concurrunt. Quare demonstratum est, quod propositum fuit.

ALITER

A L I T E R.

Hoc autem aliter quo-
que ostendetur. sit paralle-
logrammum $ABCD$.

ipsius verò diameter sit

BD . triacula vtique
 ABD BDC erunt in-
ter se equalia, & similia.

quare triangulis inuicem
coaptatis; centra quoque

grauitatis ipsorum inuicem coaptabuntur. Sit autem trianguli ABD cen-
trum grauitatis punctum E ; lineaque BD bifariam secetur in H . con-

nectaturque EH , & producat. sumaturque FH equalis ipsi HE .

Itaque coaptato triangulo ABD cum triangulo BDC , positoque latere
 AB in DC , hoc est A in C , & B in D . AD autem posito in

BC ; A scilicet in C , & D in B . vnde & BD cum ipsamet
 DB coaptatur, B scilicet in D ; & D in B . quia verò pun-

ctum H sibi ipsi coaptatur, cum sit medium lineæ BD . & an-
guli EHD FHB ad verticem sunt æquales; lineaque EH est

ipsi HF equalis; congruet etiam recta HE cum recta FH , & pū-
ctum E cum F conueniet, sed quoniam punctum E centrum

est grauitatis trianguli ABD idem punctum E cum centro e-
tiam grauitatis trianguli BDC conueniet. ergo punctum F cē-

trum est grauitatis trianguli BDC . Nunc verò intelligantur
triangula non amplius coaptata. Quoniam igitur centrum graui-


tatis trianguli ABD est punctum E , ipsius verò BDC est punctum F ,
triangulaque ABD BDC sunt equalia, patet magnitudinis ex v-

trisque triangulis compositæ centrum grauitatis esse medium rectæ lineæ
 EF ; quod est punctum H vt factum fuit. Quoniam autem dia-

metri cuiuslibet parallelogrammi sese bifariam dispescunt, e-
rit punctum H , vbi diametri parallelogrammi $ABCD$ con-

currunt. ergo punctum H , in quo diametri coincidunt; ipsius
 $ABCD$ centrum grauitatis existit. quod demonstrare oport-

tebat.



ex 34. pri-
mi.

5. post bu-
ius.

4. huius.

S C H O L I V M . T I J A .

9. post huius.


Cognito centro grauitatis cuiuslibet parallelogrammi, vult Archimedes ostendere centrum grauitatis triangulorum. & quoniam in hac postrema demonstratione assumpsit centrum grauitatis trianguli ABD esse punctum E, videtur ordinem peruertisse, & per ignotiora doctrinam tradidisse; cum non sit adhuc ostensum, in quo situ dictum centrum in triangulis reperiatur. quod tamen si rectè perpendamus, non ita se habet. Nam vis demonstrationis est in hoc constituta, vt supponatur triangulum habere centrum grauitatis, id què tantum esse intra ipsum triangulum. quod quidem supponi potest, cum triangulum sit figura ad easdem partes concava. nequè enim refert, siuè centrum sit in E, siuè in alio situ, dummodo intra triangulum existat. demonstratio enim eodè modo semper concludet punctum H centrum esse grauitatis parallelogrammi AC. quod idem obseruandum est in nonnullis alijs demonstrationibus, vt in secunda demonstratione decimæ tertiæ, huius & in prima secundi libri. Antequam autè Archimedes centrum grauitatis triangulorum ostendat, nonnullas præmittit propositiones.

P R O P O S I T I O . XI:

Si duo triangula inter se similia fuerint, & in ipsis sint puncta ad triangula similiter posita. & alterum punctum trianguli, in quo est, centrum fuerit grauitatis, & alterum punctum trianguli, in quo est, centrum grauitatis existet.

Dicimus

Dicimus quidem puncta in similibus figuris esse similiter posita, è quibus ad æquales angulos ductæ rectæ lineæ, æquales efficiunt angulos ad homologa latera. Vt dictum fuit in septimo postulato.



Sint duo triangula ABC DEF similia. sitquæ AC ad DF , ut AB ad DE , & BC ad EF . & in præfatis triangulis ABC DEF sint puncta H N similiter posita. sitquæ punctum H centrum gravitatis trianguli ABC . Dico & punctum N centrum esse gravitatis trianguli DEF . non sit quidem, sed, si fieri potest, sit punctum G centrum gravitatis trianguli DEF . connectanturquæ HA HB HC , DN EN FN , DG EG FG . Quoniam igitur simile est triangulum ABC triangulo DEF , & ipsorum centra gravitatum sunt puncta H G . similitudinem autem figurarum centra gravitatum sunt similiter posita; ita ut ab ipsis ad æquales angulos ductæ rectæ lineæ æquales faciant angulos ad homologa latera, unumquemquæ unicuiquæ; erit angulus GDE ipsi HAB æqualis. at verò angulus HAB æqualis est angulo EDN , cum sint puncta H N similiter posita: angulus igitur EDG angulo EDN æqualis existit. maior minori. quod fieri non potest. Non igitur punctum G centrum est gravitatis trianguli DEF . Quare est punctum N . quod demonstrare oportebat.


S C H O L I V M.

In hac propositione supponit Archimedes dari posse puncta in triangulis similib⁹ similiter posita. qđ quidē fieri posse ostendimus in scholijs septimi postulati. Præterea idem videtur Archimedes in triangulis demonstrare, quod in sexto postulato vniuersaliter in figuris supposuit. Nam si centra grauitatis supponuntur in similibus figuris esse similiter posita; & in similibus triangulis quoque erunt similiter posita. Inter hæc tamen maxima est differentia, nam in postulato inquit, centra grauitatum in similibus figuris esse similiter posita; cuius quidem conuersum, nempe puncta in similibus figuris similiter posita esse ipsarum centra grauitatis, est falsum. quod est quidem manifestum absque alio exemplo. ac propterea Archimedes hoc in loco inquit, si duo erunt puncta in similibus triangulis similiter posita, & alterum ipsorum fuerit cētrum grauitatis. & alterum quoque cētrum grauitatis existeret. Vnde propositio hæc potius est conuersa postulati, quàm eadem.

Ob demonstrationem autem nouisse oportet, quod si punctum G fuerit in linea DN, tunc anguli EDG EDN essent inter se æquales, ac propterea demonstratio nihil absurdi concluderet. In hoc autem casu ostendendum esset, angulum EFG ipsi ENF æqualem esse, vel FEG ipsi FEN. quæ quidem eodem prorsus modo ostendentur. comparando nempe angulos EFG ENF angulo BCH; angulos verò FEG FEN ipsi CBH. Quod si G fuerit in alio situ, vt in triangulo EDN, tunc anguli FDG FDN ostendentur æquales. & ita in alijs casibus, vbicunque scilicet fuerit punctum G, semper aliquod inuenietur huiusmodi absurdum: quæ quidem omnino fieri non possunt.

PROPOSITIO. XII.

Si duo triangula similia fuerint, alterius verò trianguli centrum grauitatis in recta linea fuerit, quæ sit ab aliquo angulo ad dimidiam basim ducta; & alterius trianguli centrum grauitatis erit in linea similiter ducta.



Sint duo triangula ABC DEF similia sit quæ AC ad DF , vt AB ad DE , & BC ad FE . Diuisa quæ AC bifariam in G , iungatur BG . centrum verò grauitatis trianguli ABC sit punctum H in linea BG . Dico centrum grauitatis trianguli EDF esse in recta linea similiter ducta. secetur DF bifariam in puncto M . & iungatur EM . & vt BG ad BH , ita fiat ME ad EN . connectantur quæ AH HC , DN NF . Quoniam enim est BA ad ED , vt AC ad DF , & AG dimidia est ipsius AC ; ipsius verò DF dimidia est DM ; erit BA ad ED , vt AG ad DM . Quoniam autem ob triagulorum ABC DEF similitudinem angulus BAC angulo EDF est equalis. & vt AB ad DE , ita AG ad DM ; permutando quæ; AB ad AG , vt DE ad DM ; erit triangulū ABG triagulo DEM simile. similiū at triagulorū anguli sūt equales, et circa æquales angulos late

16. quinti.

6. sexti.

ra sūt proportionalia. erit
 igitur ang^l° AGB angulo
 DME aequalis, et ABG ip
 si DEM aequalis. quare
 vt AG ad DM , ita est BG
 ad EM , & vt AB ad DE ,
 ita BG ad EM ; & p^mu-
 tado AB ad BG , vt DE
 ad EM . est autem BG ad
 16. quinti. BH , vt ME ad EN , erit igitur ex aequali AB ad BH , vt DE ad EN .
 22. quinti. 16. quinti. rursumquē permutando AB ad DE , vt BH ad EN . quoniam
 6. sexti. autem anguli ABH DEN , quos ipsae lineae continent, sunt
 aequales, erit triangulum ABH triangulo DEN simile. qua
 re anguli sunt inter se aequales, & circa aequales angulos latera sunt
 proportionalia. si autem hoc, angulus BAH angulo EDN est aequalis.
 Unde & reliquus angulus HAC angulo NDF aequalis existit. liqui-
 dem totius BAC ipsi EDF est aequalis. Eademquē ratione an-
 7. post hu-
 ius. gulus BCH ipsi EFN est aequalis. & angulus HCG angulo NFM
 aequalis. ostensum est autem angulum ABH ipsi DEM aequalem esse,
 ob similitudinem autem triangulorum ABC DEF totus an-
 11. huius. gulus ABC est ipsi DEF aequalis: ergo & reliquus angulus HBC
 ipsi NEM aequalis existit. Porro ex his omnibus patet puncta HN ad
 homologa latera esse similiter posita, & cum ipsis angulos aequales effi-
 cere. Cum igitur puncta HN sint similiter posita; & punctum H cen-
 trum est grauitatis trianguli ABC . & punctum N trianguli DEF cē-
 trum grauitatis existet. existente igitur centro grauitatis H in li-
 nea BG ab angulo ad dimidiam basim ducta. & alterum gra-
 uitatis centrum N in linea EM similiter ducta reperitur.
 quod demonstrare oportebat.


S C H O L I V M.

In sequenti Archimedes ostender, in qua linea reperitur cē-
 trum grauitatis cuiuslibet trianguli. quod quidem duobus al-
 lequitur medijs. Diligenter autem omnia sunt consideranda;
 quoniam in hoc consistit tota perscrutatio centri grauitatis
 triangulorum. Quapropter vt prior demonstratio appareat
 perspicua, hęc antea demonstrabimus.


LEMMA. I.

Æquidistantes lineæ lineas in eadem proportionē dis-
scunt.


Sint lineæ $ABCD$, quas secent æqui-
distantes lineæ AC EF BD . Dico ita es-
se BE ad EA , vt DF ad FC . primū
quidem $ABCD$ vel sunt æquidistantes,
vel minùs. si sunt æquidistantes, iam habe-
tur intentum. Nam BE erit æqualis DF ,
& EA ipsi FC . vnde sequitur ita esse BE
ad EA , vt DF ad FC .



34. primi.



Si verò $ABCD$ non fuerint æquidi-
stantes; concurrant in G , vt in secunda fi-
gura, & quoniam BD EF sunt æquidi-
stantes, erit GB ad BE , vt GD ad DF .
& cōponendo GE ad EB , vt GF ad FD .
conuertendoquē BE ad EG , vt DF ad
 FG . rursus quoniam EF AC sunt æquidi-
stantes; erit GE ad EA , vt GF ad FC . e-
rit igitur ex æquali BE ad EA , vt DF ad FC .



2. sexti.

18. quinti.

cor. 4. quinti

Secent verò se lineæ $ABCD$, vt in tertia figura. ob simi-
litudinem triangulorum BGD EGF , ita erit BG ad GE , vt
 DG ad GF . & componendo BE ad EG , vt DF ad FG . est
verò GE ad EA , vt GF ad FC . ergo ex æquali BE ad EA
erit, vt DF ad FC . quod demonstrare oportebat.


ex 4. sexti.

18. quinti.

2. sexti.


L E M M A. II.

Sit A ad B, vt C ad D; rursus A ad E sit, vt C ad F.
Dico primùm A ad BE simul ita esse, vt C ad DF.



cor. 4. quinti Quoniam enim A est ad B, vt C ad D, erit conuertendo
22. quinti. B ad A, vt D ad C. est autem A ad E, vt C ad F; ergo ex æ-
18. quinti. quali B erit ad E, vt D ad F. quare componendo BE ad
cor. 4. quinti E, vt DF ad F. quoniam autem A est ad E, vt C ad F; e-
22. quinti. rit conuertendo E ad A, vt F ad C. rursus igitur ex æquali
 erit BE ad A, vt DF ad C. ac denique conuertendo A e-
 rit ad BE, vt C ad DF.

Si verò fuerint quattuor magnitudines; vt adhuc A (in ea-
 dem figura) ad G sit, vt C ad H. simili-
 ter ostenderetur A ad omnes BEG simul
 sumptas ita esse, vt C ad omnes simul
 DFH. sumendo vt in secunda figura BE
 pro vna tantum magnitudine, & DF pro
 alia; eruntque ex vtraque parte tres tantum
 magnitudines; eritque A ad BE simul,
 vt C ad DF simul, vt ostensum est. dein
 de A ad G est, vt C ad H, erit igitur
 A ad BEG simul, vt C ad DFH.



Pariquè ratione si quinque fuerint magnitudines, eodem modo tres mediæ iungatur simul, ita vt tres sint dūtaxat magnitudines. & sic in infinitum. quod demonstrare oportebat.

COROLLARIUM.

Ex hoc elici potest. quòd si fuerint quotcunque magnitudines proportionales; & alię ipsis numero æquales, & in eadem proportionem, vt scilicet sit (vt in prima figura) A ad B, vt C ad D, B verò ad E, vt D ad F. deinde vt E ad G, sic F ad H, & ita deinceps, si plures fuerint magnitudines, similiter erit A ad omnes BEG simul sumptas, vt C ad omnes simul DFH.

Primùm quidem A est ad B, vt C ad D. & quoniam magnitudines sunt proportionales, ex equali erit A ad E, vt C ad F. similiter A ad G, vt C ad H. Ex quibus sequitur A ad BE simul ita esse, vt C ad DF. A verò ad omnes BEG simul, vt C ad omnes simul DFH. & ita si plures fuerint magnitudines.

22. quinti.

LEMMA. III.


Sit triangulum ABC, cuius latus BC in quotcunque diuidatur partes æquales BE ED DF FC. & à punctis EDF ipsi AB equidistantes ducantur EG DH FK. rursus à punctis GHK ipsi BC equidistantes ducantur GL HM KN. Dico triangulum ABC ad omnia triangula ALG GMH HNK KFC simul sumpta eandem habere proportionem, quam habet CA ad AG.

Quo-

2. sexti.

1. lemma.

Quonia enim FK æquidistans est ipsi DH; erit CF ad FD, vt CK ad KH. suntq; CF FD æquales; ergo & CK KH inter se sunt æquales. similiter propter lineas æquidistantes FK DH EG, ita est KH ad HG, vt FD ad DE; est autem FD æqualis DE; erit igitur KH ipsi HG æqualis. Pariquè ra-



29. primi.

76. primi.

ex 17. quii.

tione ostendetur ob æquidistantes lineas DH FG BA, lineā HG ipsi GA æqualem esse. Ex quibus patet CK KH HG GA inter se æquales esse. Quoniam autem triangulorū ABC kFC angulus ad C est vtrique communis; & ABC ipsi kFC, & BAC ipsi FKC æqualis, cum sit Fk ipsi AB æquidistans; erit triangulum ABC ipsi KFC simile. & quoniam NK FC, & HN KF sunt æquidistantes, erunt anguli KCFC kF angulis HkN KHN æquales; ac propterea reliquus CLK reliquo KNH æqualis: latus verò CK lateri KH est æquale; erit igitur triangulum KFC triangulo HNK simile, & æquale. similiterquè ostēdetur omnia triangula ALG GMH HNK KFC inter se similia, & æqualia esse. & ob id ipsi ABC similia esse. Fiat igit vt AC ad AG, ita AG ad aliā O. similiter vt AC ad GH, ita GH ad P. rursus vt AC ad Hk, ita HK ad Q. deniquè vt AC ad Ck, ita CK ad R. & quoniam AG GH HK KC sunt æquales, eadem AC ad vnāquamque ipsarum eandem habebit proportionem, ergo eandem quoque habebit propositionem AG ad O, vt GH ad P, & HK ad Q, &

KC

KC ad R. ac propterea lineæ OPQR inter se sunt æquales. Atverò quoniam ita est AC ad AG, vt AG ad O, & vt AC ad GH, ita GH, hoc est AG ipsi æqualis, ad P. rursus vt AC ad HK, ita HK, hoc est AG ad Q. ac tandem vt AC ad KC, ita KC, hoc est AG ipsi æqualis, ad R. erit AC ad omnes consequentes simul sumptas AG GH HK KC, hoc est erit AC ad eandem AC, vt AG ad omnes simul OPQR. vnde sequitur omnes simul OPQR ipsi AG æquales esse. Itaque quoniam similia triangula in dupla sunt proportionem laterum homologorum, erit triangulum ABC ad ALG, vt AC ad O. eodemquæ modo erit triangulum ABC ad GMH, vt AC ad P. rursus ABC ad HNK, vt AC ad Q, & vt idem ABC ad KFC, ita AC ad R. triangulum igitur ABC ad omnes consequentes, videlicet ad omnia triagula simul sumpta ALG GMH HNK KFC, erit vt AC ad omnes simul OPQR. hoc est ad AG. ostensum est igitur, quod propositum fuit.

ex præcedē
ti lemmate

19. sexti.

ex præcedē
ti lemmate

PROPOSITIO. XIII.

Omnis trianguli centrum grauitatis est in recta linea ab angulo ad dimidiam basim ducta.

Sit triangulum ABC. & in ipso sit AD ab angulo A ad dimidiam basim BC ducta. ostendendum est, centrum grauitatis trianguli ABC esse in linea AD. Non sit quidem, sed si fieri potest sit punctum H. & ab ipso ducatur HI æquidistans ipsi BC, quæ ipsam AD secet in I. Deinde diuisa DC bifariam, idquæ semper fiat, donec relinquatur linea Dω minor ipsa HI. Diuidaturquæ ipsarum utraque BD DC in partes æquales Dω; partesquæ in DC existentes sint Dωωβ βZ ZC; quibus respondeant æquales partes Dωωγ γO. OB. & a sectionum punctis ducantur OE γG αL ωM βK ZF æquidistantes ipsi AD. & connectantur EF Gk LM. quæ nimirum ipsi BC æquidistantes erunt. cum enim sint BD DC inter se æquales, itidem OB ZC æquales, erit DO ipsi DZ equalis. quare DO ad OB est, vt DZ ad ZC. Quoniam autem EO FZ sunt

ex 1. deci-
mi.

ipsi

lelogrammi FO bifariam quoque diuidere. Itaque parallelogrammi MN centrum gravitatis est in linea TS. parallelogrammi vero KX gravitatis centrum est in linea TY. parallelogrammi autem FO in linea TD; magnitudinis igitur ex his omnibus parallelogrammi MN KX FO compositæ centrum gravitatis est in recta linea SD. si itaque punctum R. quod quidem erit centrum gravitatis figura LNGXEOZ¹ K² AM. iungaturq; RH, & producat, quæ ipsa AM secet in P. ipsiq; AD à puncto C æquidistans ducatur CV, quæ ipsi RH occurrat in V. triangulū itaque ADC ad omnia triangula ex AM MK KF FC descripta similia ipsi ADC, hoc est ad triangu-
 gula ASM MK KF FZC simul sumpta eandem habet propor-
 tionem, quam habet CA ad AM. siquidem sunt AM MK KF FC
 æquales. quia verò, & triangulum ADB ad omnia ex AL LG GE
 EB descripta triangula similia ALS LGN GEX EEO eandem ha-
 bet proportionem, quam BA ad AL: & antecedentes simul ad
 omnes consequentes, hoc est totum triangulum ABC ad om-
 nia triangula simul sumpta, quæ sunt in AB, & in AC consti-
 tuta, eandem habebit proportionem, quam habet AC AB si-
 mul ad AM AL simul, quia verò ob similitudinē triangulorū
 ABC ALM CA ad AM est, vt BA ad AL; erit CA ad AM, vt
 CA BA simul ad AM AL simul. triangulum igitur ABC ad omnia
 predicta triangula eandem habet proportionem, quam habet CA ad AM.
 Atque CA ad AM maiorem habet proportionem, quàm VR ad RH; e-
 tenim proportio ipsius CA ad AM est eadem, quæ est totius VR ad ipsā
 RP. quādoquidē triangula ACD MC³ sunt similia. sintq; AD &
 M⁴ æquidistantes, sitq; propterea CA ad AM, vt CD ad
 D⁵. & quoniam VR DC à lineis DR⁶ P CV æquidistantib;
 diuiduntur; erit C⁷ ad D⁸, vt VP ad PR. & cōponendo CD
 ad D⁹, vt VR ad RP. quare vt CA ad AM, ita VR ad RP.
 quia verò VR ad RP maiorem habet proportionem, quàm
 ad RH. maiorem quoque habebit proportionem CA ad
 AM, quàm VR ad RH. est autem CA ad AM, vt triangulū
 ABC ad omnia triangula in lineis AC AB. (vt dictum est)
 constituta; ergo & triangulum ABC ad predicta triangula maio-
 rem habet proportionem, quàm VR ad RH. Quare & diuidendo pa-
 rallelogrāma MNkX FO (hoc est figura LNGXEOZ¹ K² AM) ad
 circumrelicta triangula in lineis AC AB constituta maiorem ha-

3. lemma.

ex 12. quiti

ex 12. quiti

ex 4. sexti

1. lemma.

8. quiti.

11. quiti.

8. quiti.

29. quiti

ad.

centra verò grauitatis magnitudinis ex GEX K^eF compo-
site, ac magnitudinis ex EBO EZC composita, essent in par-
te Q^x, ita vt punctum Q magnitudinis ex omnibus trian-
gulis composita centrum esset grauitatis. quæ quidē sunt om-
nino absurda. Quòd si ducta linea per Q, non fuerit etiam
ipsi AD æquidistans, eadem sequentur inconuenientia. *Ma-
nifestum est igitur, quod propositum fuerat.*

SCHOLIVM.


Id ipsum vult adhuc Archimedes aliter ostendere. ob sequē-
tem verò demonstrationem hoc prius cognoscere oportet.

LEMMA.

Si intra triangulum vni lateri æquidistans ducatur, ab op-
posito autem angulo intra triangulum quoquē recta ducatur
linea, æquidistantes lineas in eadem proportionē discescet.

Hoc in secundo nostrorum planispheriorum libro in ea
parte ostendimus, vbi quomodo conficienda sit ellipsis, instru-
mento à nobis inuento demonstrauius. hoc nempè modo,

Sit triangulum ABC, ipsiquē BC in-
tra triangulum ducatur vtcumquē æ-
quidistans DE. à punctoquē A intra
triangulum similiter quocumque du-
catur AF; quæ lineam BC secet in F;
lineam verò DE in G. Dico ita esse
CF ad FB, vt EG ad GD. Quoniā
enim GE FC sunt æquidistantes, erit



triangulum AFC triangulo AGE æquiangulum, vt igitur
AF ad AG, ita CF ad EG. ob eandemquē causam ita est FA
ad AG, vt FB ad GD. quare vt CF ad EG, ita est FB ad GD.
ac permutando, vt CF ad FB, ita EG ad GD. quod demon-
strare oportebat.


ex 4. sexti

17. quinti.

16. quinti.

I D E M A L I T E R.

Sit triangulum ABC , ducaturquè AD ab angulo A ad dimidiâ
basim BC . Dico in linea AD centrum esse gravitatis trianguli ABC .
Non sit autem, sed si fieri potest, sit H . iunganturquè AH HB HC , &
 ED DF FE ad dimidias BA BC AC ducantur, secetquè EF ip-
sam AD in M . & ipsi AH æquidistantes ducantur EK FL . &



iungantur KL LD DK DH ; secetquè DH ipsam KL in N .
iungaturquè MN . Quoniam igitur triangulum ABC simile est tri-
gulo DFC , cum sit BA ipsi FD æquidistant; siquidem sunt late-
ra CA CB bifariam diuisa, ideoquè sit CF ad FA , vt CD
ad DB , trianguliquè ABC centrum gravitatis est punctum H ; &
trianguli DFC centrum gravitatis erit punctum L . puncta enim HL
intra utrumquè triangulum sunt similiter posita. etenim ad homologa
latera angulos efficiunt æquales. hoc enim perspicuum. Est cum enim
sint triangulorum ABC DFC homologa latera AC FC ,
 AB FD , BC DC , sintquè AH FL æquidistantes; erit an-
gulus LFC angulo HAC equalis. sed angulus CFD est ipsi

CAB æqualis; reliquus igitur angulus LFD reliquo HAB.
 æqualis existit. & quoniam ita est CF ad FA, vt CL ad LH, 2. sexti.
 cùm sint FL AH æquidistantes. CF verò dimidia est ipsius
 CA, erit & CL ipsius quoque CH dimidia. at CD ipsius
 CB dimidia existit; erit igitur DL ipsi BH æquidistans. ac 2. sexti.
 propterea angulus LDC est ipsi HBC æqualis, & LDF ipsi 29. primi.
 HBA æqualis. cùm sit totus CDF toti CBA æqualis; anguli
 verò ACH & HCB tam sunt trianguli ABC, quàm FDC.
 Obeandem autem rationem trianguli EBD centrum gravitatis est pū- 11. huius.
 ctum K. similiter enim ostendetur punctum K in triangu-
 lo EBD esse similiter positum, vt H in triangulo ABC.
 Quare magnitudinis ex utrisquẽ triangulis EBD FDC compositæ
 centrum gravitatis est in medietate lineæ KL. cum triangula EBD 4. huius.
 FDC sint æqualia. sunt enim in æqualibus basibus BD DC, 38. primi.
 & in iisdem parallelis EF BC, siquidem est AE ad EB, vt 2. sexti.
 AF ad FC. quippè cùm latera AB AC sint bifariam diui-
 sa. medium verò ipsius KL est punctum N; cùm sit KE ipsi AH
 æquidistans, & ob id sit BE ad EA, vt BK ad KH. & vt BE 2. sexti.
 ad EA, ita CF ad FA; vt autem CF ad FA, sic CL ad LH.
 quare vt BK ad KH, ita CL ad LH. Si autem hoc. æquidi- 11. quinti.
 stans est BC ipsi KL, & iuncta est DH, erit igitur BD ad DC, vt 2. sexti.
 KN ad NL. D verò medium est ipsius BC. ergo & N me- lemma.
 dium est ipsius KL. Quare magnitudinis ex utrisquẽ dictorũ trian-
 gulorum EBD & FDC compositæ centrum gravitatis est punctum
 N. parallelogrammi verò AEDF centrum gravitatis est punctum M, 11. huius.
 vbi similiter diametri concurrunt, ac propterea magnitudinis ex
 omnibus triangulis EBD FDC vnacũ parallelogrammo AEDF
 compositæ centrum gravitatis est in linea MN. Verũ triangulorũ
 EBD FDC, simulquẽ parallelogrammi AEDF, hoc est totius
 trianguli ABC gravitatis centrum est punctum H; lineæ igitur MN pro- A
 ducta transibit per punctum H. quod esse non potest. etenim cùm sit
 KN ipsi BD æquidistans; erit BK ad KH, vt DN ad
 NH: vt autem BK ad KH, ita est BE ad EA, & vt BE ad
 EA, ita est DM ad MA, cùm sit EM ipsi BD æquidistans.
 erit igitur DM ad MA, vt DN ad NH. quare MN ipsi AH
 est æquidistans; ideoquẽ MN numquam cùm AH conueni-
 re potest. Non est igitur punctum H centrum gravitatis trianguli

ABC. quare non est extra lineam AD. in ipsi igitur existit. Quod demonstrare oportebat.


S C H O L I V M.

A Inquit Archimedes *linea igitur MN producta transibit per punctum H. quod esse non potest, nempe, ut non ipsamet linea MN, sed eius pars, siue ad M, siue ad N producta cum H conuenire oporteat. cum tamen ipsamet linea MN per punctum H transire debeat. ita ut punctum H sit inter puncta MN; hoc est in linea MN, & non in eius parte producta. Nam si punctum H centrum est grauitatis totius trianguli ABC. punctum verò N centrum grauitatis magnitudinis ex triangularis EBD FDC compositæ; atque punctum M centrum grauitatis parallelogrammi AEDF; oportet ut punctum H ita lineam diuidat MN; ut eius partes magnitudinibus permutatim respondeant. ut nimirum pars ad M ad partem ad N sit, ut magnitudo ex triangularis EBD FDC constans ad parallelogrammum AEDF. ut ex sexta, & octaua huius propositione perspicuum est. Quare punctum H in linea MN esse deberet; ut ipsemet Archimedes paulò superius affirmauit, cum inquit. *ac propterea magnitudinis ex omnibus compositæ centrum grauitatis est in linea MN. & non dixit in eius parte producta. Quocirca vel delendum est verbum illud producta, tanquam ab aliquo additum. vel ideo tamen hoc dixisse voluit Archimedes, ut ostenderet lineam MN nullo modo (etiam si produceretur) cum H conuenire posse.**

P R O P O S I T I O. XIII.

A Omnis trianguli centrum grauitatis est punctum in quo rectæ lineæ ab angulis trianguli ad dimidia latera ductæ concurrunt.

Sit triangulum ABC , & ab angulo A ducatur AD ad dimidiam BC . BE verò ab angulo B ad dimidiam AC . quę quidem lineę AD BE seinuicem secant in pũcto H . Quoniam igitur centrum grauitatis trianguli ABC est in vtraque linea AD BE ; hoc enim demonstratum est in precedenti. erit vtique centrum grauitatis, vbilineę AD BE se inuicē secāt. secant verò sese in H . ergo punctum H centrum est grauitatis trianguli ABC . quod demonstrare oportebat.



S C H O L I V M.

Similiter si ducta fuerit CH , & producta, bifariam secaret AB . In hac enim linea esset centrum grauitatis trianguli, cẽtrum verò est in linea ab angulo ad dimidiam basim ducta: ergo hæc linea ab angulo C ad dimidiam AB ducta esset. Præterea si linea à puncto C ad dimidiam AB ducta nō tranfired per H ; esset vtique in hac linea centrum grauitatis; sed cẽtrum quoque grauitatis est in linea AD , & in linea BE , ut in H ; vnus igitur figurę plura darentur centra grauitatis. quod fieri non potest. quod quidem, cū sit inconueniens, nos in nostro Mechanicorum libro dari non posse supposuimus. Quare linea CH in directum ducta, bifariam secaret AB . quod quidem paulò infra aliter quoque ostendemus, nōnnullis prius demonstratis; quę Archimedes ob sequentem demonstrationem, tanquam demonstrata supponit. Vult enim Archimedes, postquam inuenit centrum grauitatis cuiuslibet trianguli, centrum quoque grauitatis quærere traperij duo latera equidistantia habentis. quod est quidem pars trianguli, & tanquam frustum à triangulo abscissum. supponitque centrum grauitatis cuiuslibet trianguli esse in recta linea basi ducta equidistante, quę latera ita diuidat, vt partes ad uerticem sint reliquarum partium duplę. quod quidem ortum ducit ex cognitione alterius theorematis ostendentis centrum gra-

13. huius.


uitatis

uitatis cuiuslibet trianguli esse in recta linea ab angulo ad dimidiam basim ducta (vt Archimedes demonstrauit) & insuper in eo puncto, quod dictam lineam diuidat ita, vt pars ad angulum reliquæ ad basim sit dupla. Quare hoc prius ita ostēdemus.

P R O P O S I T I O.

Omnis trianguli centrum grauitatis est punctum in recta linea ab angulo ad dimidiam basim ducta existens, quod lineam diuidat, ita vt portio ad angulum reliquæ ad basim, sit dupla.

Sit triangulum ABC, in quo ab angulo A ad dimidiam basim BC recta ducatur linea AD. Ducaturque ab angulo B ad dimidiam basim AC linea BE, quæ fecerit AD in F. Et quoniam centrum grauitatis triaguli ABC est punctum F; ostendendū est lineam FA ipsius FD duplam esse. iungatur FC. quoniam enim AE est equalis ipsi EC, erit triangulum



14. huius.

1. sexti.

ABE triangulo EBC æquale, cum sint sub eadem altitudine. Ob eandemquæ causam triangulū AFE triangulo EFC existit æquale. si igitur à triangulo ABE auferatur triangulum AFE, & à triangulo EBC triangulum auferatur EFC; relinquetur triangulum ABF triangulo BFC æquale. Rursus quoniam BD est æqualis ipsi DC; erit triangulum BFD triangulo DFC æquale, siquidem eandem habent altitudinem. duplum igitur est triangulum BFC triaguli BFD. Quare & triangulum ABF trianguli BFD duplum existit. quia verò triagula ABF BFD in eadem sunt altitudine, idcirco sese habebunt, vt bases AF FD. atque triangulum ABF duplum est ipsius BFD; ergo portio AF ipsius FD dupla existit. quod demonstrare oportebat.


1. sexti.

1. sexti.

ALITER

A L I T E R.

Sit rursus triangulum ABC , & AD BE ab angulis ad di-
 midias bases ductæ sint erit vtique punctum F (vbi se inui-
 cen secant) centrum gravitatis trianguli ABC . Dico AF i-
 ipsius FD duplam esse. Iungatur DE . Quoniam enim BC
 AC in punctis D E bifariam secantur; erit
 CD ad DB , vt CE ad EA . linea igitur
 DE ipsi AB est æquidistans. quare trian-
 gulum ABC simile est triangulo EDC .
 ac propterea ita est BC ad CD , vt AB
 ad DE . est autem BC dupla ipsius CD
 (siquidem punctum D bifariam diuidit
 BC) erit igitur AB dupla ipsius DE . At
 verò quoniam AB DE sunt parallelæ, erit triangulum AFB
 triangulo EFD simile. & vt AB ad ED , ita AF ad FD . est
 autem AB ipsius ED dupla. ergo AF ipsius FD dupla
 existit. quod demonstrare oportebat.



14. huius.


2. sexti.

4. sexti.

4. sexti.

Ex ijs, quæ demonstrata sunt, ostendemus, quod paulò an-
 te proposuimus, nempe cùm lineæ AD BE bifariam secant
 BC CA . Dico lineam CF productam bifariam quoque se-
 care ipsam AB .

Producatur enim (ijsdem positis) $CFGH$; quæ lineam
 AB secet in G . & à puncto B
 ipsi AD æquidistans ducatur
 BH . quæ ipsi CG occurrat in
 H . Quoniam igitur FD est i-
 ipsi BH æquidistans, erit CD
 ad DB , vt CF ad FH . CD ve-
 rò est æqualis BD ; ergo CF ipsi
 FH æqualis existit. ac propterea
 CH dupla est ipsius CF . At ve-
 rò quoniam ob similitudinem
 triangulorū CBH CDF , ita est
 HC ad CF , vt BH ad DF ; erit & BH ipsius FD duplex.



2. sexti.


verum & AF (ex proximè demonstratis) ipsius FD duplex existit. erunt igitur BH FA inter se æquales. Quoniam autem BH est æquidistans ipsi AF, æquiangula erunt triângula GBH GAF. quare vt BH ad AF, ita BG ad GA, quia verò BH est ipsi AF æqualis; erit & BG ipsi GA æqualis. ergo recta linea EFG bifariam diuidit AB. quod demonstrare oportebat.

Reliquum est, vt ob sequentem demonstrationem alteram propositionem ostendamus.

PROPOSITIO.

Centrum grauitatis cuiuslibet triânguli est in recta linea basi ducta æquidistante, quæ latus ita diuidat, vt pars ad angulum reliquæ ad basim sit dupla.

In trianagulo enim ABC ducta sit DE basi BC æquidistans, quæ latus AB diuidat in D, ita vt DA ipsius DB sit duplex. Dico in linea DE centrum esse grauitatis triânguli ABC. Ducatur ab angulo A ad dimidiam BC linea AF, quæ diuidat DE in G. erit AD ad DB, vt AG ad GF, ac propterea erit AG ipsius GF dupla. punctum ergo G centrum est grauitatis triânguli ABC. Quare constat centrū esse in linea DE. quod demonstrare oportebat



COROLLARIUM.

Ex hoc elici potest centrum grauitatis cuiuslibet trianguli esse in medio ductæ lineæ basi æquidistantis, quæ latus diuidat ita, vt portio ad verticem sit reliquæ ad basim dupla.

Est enim DG ad GE, vt BF ad FC. sunt verò BF FC æquales; ergo & DG GE inter se sunt æquales. quare grauitatis centrum G est medium lineæ DE.

lemma æte
2. demon-
strationem
13. huius.

PROPOSITIO. XV.

Omnis trapezij duo latera inuicem habentis æquidistantia centrum grauitatis est in recta linea, quæ latera æquidistantia bifariam secta cōiungit; ita diuisa, vt ipsius portio terminum habens minorem parallelam bifariam diuisam ad reliquā portionem eandem habeat proportionem, quam habet vtraque simul, quæ sit æqualis duplæ maioris parallelarum cum minore ad duplā minoris cum maiore.


Sit trapezium ABCD habens latera AD BC parallela. linea verò EF bifariam diuidat AD BC. Quod igitur in linea EF sit centrum grauitatis trapezii, perspicuum est. productis enim CDG EEG BAG, liquet in idem punctum, putà G concurrere. propterea quod cum sit AD æquidistans ipsi BC, necesse est proportionem ipsius BA ad AG, ipsiusque FE ad EG, & CD ad DG, quæ nimirum in omnibus eadē est, in vnū & idē pūctū terminare. erit igitur trianguli GBC centrum grauitatis in linea GF. similiterque trianguli

ex 2. sexti

13. huius.

8. huius.

AGD centrum gravitatis in linea *EG*. ergo reliqui trapezii *ABCD* centrum gravitatis erit in linea *EF*. iungatur itaque *BD*, quæ in tria æquæ in punctis *KH* diuidatur. ac per ea ducatur *LHM* & *KT* ipsi *BC* æquidistantes; quæ lineam *EF* in punctis *RS* dispelcant. Iunganturquæ *DF* *BE*, secetquæ *DF* lineam *LM* in *X*. ipsa verò *EB* secet *NT* in *O*. Iungaturquæ *OX*, quæ lineam *EF* in



ex proxime demon-
stratus.

*
13. huius.

P secet. erit itaque trianguli *DBC* centrum gravitatis in linea *HM*. cum sit *HB* tertia pars ipsius *BD*; sitquæ propterea *DH* ipsius *HB* dupla. & per punctum *H* ducta sit basi *BC* æquidistans *MH*. est autem centrum quoque gravitatis trianguli *DBC* in linea *DF*; quæ est ab angulo *D* ad dimidiam *BC* ducta. Quare dicti trianguli centrum gravitatis est punctum *X*. Eademquæ ratione cum sit *DK* tertia pars ipsius *DB*, ac propterea sit *BK* ipsius *KD* dupla; sitquæ *KN* æquidistans ipsi *AD*; erit centrum gravitatis trianguli *ABD* in linea *KN*; idem verò centrum reperitur quoq; in linea *BE*, cum sit ab angulo *B* ad dimidiam *AD* ducta; ergo punctum *O*, ubi se inuicem secant, centrum est gravitatis trianguli *ABD*. magnitudinis igitur ex utrisque triangulis *ABD* *BDC* compositæ, quæ est trapezium *ABCD*, centrum gravitatis est in recta l.

nea OX . dicti autem trapezii centrum gravitatis est etiam in linea EF , quare trapezii $ABCD$ centrum gravitatis est punctum P . At verò triangulum BCD ad ABD proportionem habet eam, quam OP ad PX . cum sint puncta OX triangulorum centra gravitatis, ac punctum P utrorumque commune centrum. Sed ut triangulum BCD ad triangulum ABD , ita est quoque basis BC ad basim AD . cum triangula eandem habeant altitudinem, siquidem sunt in iisdem parallelis AD BC . quare ut BC ad AD , ita OP ad PX . Sed quoniam anguli RPO SPX ad verticem sunt equales, & angulus PRO ipsi PSX , veluti angulus ROP angulo PXS est equalis, erit triangulum OPR triangulo XPS simile; quare ut OP ad PX , sic PR ad PS . est autem BC ad AD , ut OP ad PX ; ut igitur BC ad AD , ita RP ad PS . & antecedentium dupla, duæ scilicet BC ad AD , ut duæ PR ad PS . & componendo duæ BC cum AD ad AD ; ut duæ PR cum PS ad PS . & ad consequentium dupla, ut scilicet duæ BC cum AD ad duas AD , ita duæ PR cum PS ad duas PS . dictum est autem BC ad AD ita esse, ut PR ad PS . quare conuertendo AD ad BC erit, ut PS ad PR . & antecedentium dupla. hoc est duæ AD ad BC , ut duæ PS ad PR . Itaque in eadem sunt proportione duæ BC cum AD ad duas AD , ut duæ PR cum PS ad duas PS . sicut verò duæ AD ad BC , ita duæ PS ad PR . antecedentes igitur ad suas simul consequentes in eadem erunt proportione. Quare sicut duæ BC cum AD ad duas AD cum BC , ita duæ RP cum PS ad duas PS cum PR , verum duæ quidem RP cum PS est utraque simul SR RP . bis enim assumitur PR , semel verò PS . Cum autem lineæ DH ES à lineis diuidantur equidistantibus ED OT HM , erit DK ad KH , ut ER ad CS ; kD verò est æqualis KH , erit ER ipsi RS equalis. erit igitur ER cum RP , hoc est PE ipsis SR RP equalis. duæ verò PS cum PR est utraque TS SR . bis enim assumitur PS , semelquæ PR . & quoniam FS est equalis ipsi SR . quod quidem eodem modo ostendetur, cum sit FS ad SR , ut BH ad Hk . erit FS cum SP , hoc est PF ipsis PS SR æqualis. Quare ita se habet PE ad PF , ut duæ BC cum AD ad duas AD cum BC . Centrum igitur gravitatis P trapezii $ABCD$ in linea est EF , quæ cōiungit parallelas AD BC bisarium di-

6. huius.

1. sexti.

15. primi.

29. primi.

ex 4 sexti.

11. quinti.

18. quinti

corol. 4.
quinti.cor. 2. lemma
ma ante 13
huius.1. lemma
in 13. huius

uilas; ita ut pars PE, quæ est ad minorem parallelam AD ad reliquam partem PF eam habet proportionem, quam dupla ipsius BC, quæ est maior æquidistantium, una cum minore AD, ad duplam minoris AD cum maiore BC. *ergo demonstrata sunt, quæ proposita fuerant.*

S C H O L I V M.

* Græcus codex post ea verba, *cum sit HB tertia pars ipsius BD*, habet *καὶ διὰ τοῦ θ σκεῖν παράλληλος τὰ βάσει οὐχ τὰς α' μθ*, quorū quidem verba illa *οὐχ τὰς* perperam leguntur; quorum loco ponerem *α' ομὲν ἐστὶ*, ita ut sint hoc modo restituenda, *καὶ διὰ τοῦ θ σκεῖν παράλληλος τὰ βάσει ἀγομὲν ἐστὶ α' μθ*.

Hæc sunt, quæ de centro grauitatis figurarum rectilinearū Archimedes scripta reliquit. Ex quibus maxima certè utilitas habetur; neque ampliùs de rectilineis figuris Archimedes pertractare voluit. ex dictis enim alia omnia dependent. Nam cetera grauitatis rectilinearum figurarum, quæ æquales angulos, lateraque æqualia habent, ex his inuenire poterimus. quæ quidem figuræ in circulo inscribi possunt. Quod sanè Federicus Cōmandinus in eius libro de centro grauitatis solidorū in prioribus propositionibus præstitit. aliaquæ nonnulla, ut centra grauitatis rectilinearum figurarum in ellipsi, deinde ipsius circuli, & ellipsis centra grauitatis inuenit. omnesquæ demonstrationes in ijs, quæ in hoc libro iam demonstrata sunt, fundauit. præterea ex his etiam idem Cōmandinus in commentarijs libri Archimedis de quadratura parabolæ, (quod ad praxim) grauitatis centrum cuiuslibet figuræ rectilinearæ adinuenit. Quod quidem nobis quoque, ut in initio polliciti fuimus, nonnullis mutatis idem ostendemus: hoc prius supposito.

Triangula in eadem basi constituta eam inter se proportionem habent, quam eorum altitudines.


Hoc autem demonstratum est ab excellentissimis viris, verisque Euclidis interpretibus, Federico Cōmandino, & Christophoro Clauio; qui hanc propositionem post primam sexti libri Euclidis demonstrarunt.

P R O B L E M A.


Cuiuslibet rectilineę figurę centrum grauitatis inuenire.

Triangulorum centrum grauitatis iam ab Archimede demonstratum est.

Sit itaque primùm quadri-
laterum ABCD, cuius oporteat centrum grauitatis inuenire. Ducatur AC, quę quadrilaterum in duo triangu-
la ABC ACD diuidet. à pūctis-
quę BD ad AC perpendicu-
lares ducantur BE DF. In-
ueniantur deinde ex dictis cē-
tra grauitatis triangulorum
ABC ACD. sintque puncta
GH iungaturque GH, quę diuidatur in K, ita vt GK
ad KH sit, vt DF ad BE. Dico punctum K centrum
esse grauitatis quadrilateri ABCD. Quoniam enim triangu-
la ABC ACD in eadem sunt basi AC, erunt inter se, vt al-
titudines. quare triangulum ACD ita se habet ad triangulū
ABC, vt DF ad BE. hoc est GK ad KH, punctū ergo K cē-
trum est grauitatis magnitudinis ex vtriusque triangulis ABC
ACD compositę; hoc est quadrilateri ABCD. ex 6. hui.




Sit autem pentagonum
ABCDE. iungaturque AC
AD. inueniaturque triangu-
li ABC centrum grauitatis
H. quadrilateri verò ACDE
ex proximè demonstratis cē-
trum grauitatis inueniatur
K. Iam vtrique constar (du-
cta HK) centrum grauita-
tis totius ABCDE in linea




HK

HK existeret. Rursus trianguli ADE centrum inueniatur F. quadrilateri verò ADCB punctum G. iungaturquè GF. erit eodem modo centrum grauitatis totius ABCDE in linea FG. sed est quoque in linea HK, ergo vbi se inuicem secant, vt in L, centrum erit grauitatis pentagoni ABCDE.

In hexagonis similiter. vt ABCDEF iungantur AC AE, deinceps inueniatur trianguli ABC cētrum grauitatis G, pentagoni verò ACDEF ex dictis centrum sit H. ductaque GH centrum grauitatis totius ABCDEF erit in linea GH similiter centrum grauitatis trianguli AFE sit K, pentagoni verò AEDCB sit L, iunctaque KL, erit centrum grauitatis totius hexagoni in linea KL. verum est etiam in linea GH. ergo erit in M. in quo GH KL se inuicem secant.



Nequē aliter in heptagono ABCDEFG, in quo ductantur BG CE. trianguli verò ABG centrum grauitatis sit H. hexagoni autē GBCDEF, sit K. deinde trianguli CDE centrū grauitatis sit L, hexagoni verò CEFGAB sit M. iunctisque HK ML, eadem ratione centrum grauitatis totius heptagoni erit in vtraquē linea Hk LM. ergo erit in N.



Eodemquē prorsus modo in octagono, & in alijs deinceps figuris centrum grauitatis inuenietur, quæ quidem facere oportebat.

Cur autem hoc modo centra grauitatum in præfatis figuris positione tantum, & non determinatè ea in determinata linea, & in tali situ existere inuenerimus, vt in parallelogrammis & in triangulis factum fuit ab Archimede; explicabitur in secundolibro post tertiam proportionem; vbi ostendemus, in quibus figuris determinatè inueniri potest centrum grauitatis.

Antequàm autem finem primolibro imponamus, reliquum est; vtea quæ in præfatione suppositimus, ostendamus. Primumquè quando secundùm rectam lineam aliquam diuiditur figura per centrum grauitatis, aliquando diuidi in partes semper æquales, & aliquando in partes inæquales.

PROPOSITIO

Figura dari potest, quæ per centrum grauitatis recta linea diuisa, semper in partes diuidatur æquales.

Sit parallelogrammum ABCD, cuius centrum grauitatis E. Ducaturquæ per E vtrunq; linea GEF, quæ vel diameter est, vel minor. Si est diameter, iam constat parallelogrammum in duo æquia esse diuisum. Si vero non est diameter, ducatur diameter AC BD, quæ per E transibunt. Quoniam igitur AF est æqualis distans ipsi CG. erit angulus EAF ipsi ECG, & EPA ipsi EGC æqualis; est autem AEF ipsi GEC ad verticem æqualis; hæcquæ AE ipsi EC æquale; erit triangulum AEF triangulo ECG æquale; eodemquæ modo ostendetur triangulum FEB triangulo EGD. & triangulum AED ipsi BEC æquale. Ex quibus patet figuram ex tribus triangulis compositam, hoc est figuram FGDA ipsi EGCB æqualem esse. diuiditur ergo parallelogrammum à linea per centrum grauitatis ducta in partes semper æquales. quod demonstrare oportebat.

Hoc idem multis alijs figuris accidet, vt pentagonis, hexagonis æquiangulis, & æquilateris, & alijs.


PROPOSITIO.

Figura dari potest, quæ per centrum grauitatis recta linea diuisa, non semper in partes diuidatur æquales.

Habeat triangulum ABC quod latera AB & AC æqualia. trianguli verò centrum grauitatis sit D . à quo ipsi BC æquidistans ducatur FDG . Dico partem AFG minorem esse parte $BFGC$.

ducatur ADE , quæ bifariam BC diuidet. & à puncto G ipsi AE æquidistans ducatur HGK . compleanturque figure EH & KF . Quoniam enim FG æquidistans est ipsi BC , erit FD ad DG , vt BE ad EC . & est BE ipsi EC æqualis. erit igitur FD ipsi DG æqualis. vt etiam paulò ante 15. huius ostendimus. quare FG ipsius DG dupla. est. ac propterea parallelogrammum FK duplum est parallelogrammi DK . quia verò AD ipsius DE dupla existit, erit quoque parallelogrammum DH ipsius DK duplum. Quare DH ipsi FK est æquale. At verò quoniam EG dupla est ipsius DG , erit triangulum AFG parallelogrammo DH æquale. triangulum igitur AFG parallelogrammo FK est æquale. Quare pars AFG parte $BFGC$ minor existit, quod demonstrare oportebat.

Hinc perspicuum est, eandem figuram per centrum grauitatis diuisam, aliquando in partes inæquales, aliquando in partes æquales diuidi posse. in partes inæquales iam ostensum est hoc accidere per lineam FG . in partes verò æquales pater per lineam ADE , quæ triangulum ABC in duo æqua diuidit. triangulum enim ABE triangulo AEC est æquale, cum sint sub eadem altitudine, basesque BE & EC inter se sint æquales.



ex 13. huius


lemma ante secundam demonstrationem 13. huius.

ex 41. primi.

6. sexti.

Adhuc

• *Small*



Primum quidem ex ijs, quæ demonstrata sunt, rectilineæ figuræ AC centrum grauitatis inueniatur E. eodemquæ modo figuræ BD centrum grauitatis sit F. Iungaturquæ EF, quæ bifariam diuidatur in G. Iam patet punctum G centrum esse grauitatis prismatis AB, ex octaua propositione Federici Cōmandini de centro grauitatis solidorum, & ex corollario quintæ propositionis eiusdem libri lineam EF lateribus AD CB æquidistantem esse. quoniam autē plana CH CK ad rectos sunt angulos plano AC, erit CB eorum communis sectio eidem plano AC perpendicularis. ac propterea EF ipsi CB æquidistans plano AC perpendicularis existit.

19. vndec
mi.

8. ūddcimi

14. vndeci
mi.

Itaque intelligatur solidum AB ex E suspensum; tunc ex prima propositione de libra nostrorum mechanicorum pondus AB ex E suspensum numquā manebit, nili recta EG fuerit horizonti perpendicularis. Quando autem EF erit horizonti perpendicularis, erit planum AC horizonti æquidistans. tunc. n. EF tum horizonti, tum plano AC perpendicularis existet. Inuento igitur centro grauitatis E ipsius basis AC; si AB suspendatur ex E, linea EGF in centrum mundi tendet; planumquē AC horizonti erit æquidistans. quod demonstrare oportebat.

PRIMI LIBRI FINIS.


G V I D I V B A L D I E M A R C H I O N I B V S M O N T I S.

In Secundum Archimedis æqueponderan-
tium Librum.

P R Æ F A T I O.



Secundus Archimedis liber, ut initio primi libri præfati sumus, subtilissima theoremata speculatur. Vult enim Archimedes inuestigare centrum grauitatis plani conicæ sectionis, quæ parabole passim vocatur. quamuis Archimedes alio nomine, ac potius descriptione quadam sectionē hāc nūcuparit: veluti portio recta linea rectāguliq; coni sectione cōtēta. Refert enim Eutocius Ascalonita in principio sui commentarij in libros conicorum Apollonij Pergei, ex sententia Gemini (cui Pappus etiam ex Aristei sententia assentire videtur) quòd qui ante Apollonium fuerunt, perfectam, & absolutam conorum cognitionē non habuerunt; inter quos responsit Archimede. Nā inquit conū definiētes, ipsum per rectāguli triāguli circumuolutionem manente vno eorum, quæ circa rectū angulū sunt, latere cōsiderarunt. ut habetur in definitionibus Euclidis vndecimi libri elementorū. ut Conus ABC fit ex circūuoluto triangulo rectangulo ADC, conus verò EBC ex triangulo EDC, & conus FBC ex rectangulo triangulo





FDC.


3. primi co
nicorum A
pol.

21. primi.


FDC. & si AD fuerit i-
psi DC æqualis, conus
ABC vocabitur rectan-
gulus. nam utcumque
ducto plano per axem,
quod triangulum faciat
ABC; erit angulus BAC
ad coni verticem rectus:
siquidem DAC recti di-
midius existit, veluti B
DAB, parí ratione si ED
fuerit ipsa DC minor;
erit conus EBC obtusi
angulus: nam ducto per axem plano, habebit triangulum
EBC angulum ad verticem coni BEC obtusum; cum sit
BEC maior BAC. existente autem FD ipsa DC maiori, co-
nus FBC acutiangulus nuncupabitur; quoniam triangulū
per axem FBC angulum ad verticem coni F acutum posside-
bit; siquidem minor est BFC, quam BAC. Refert deinde,
quod vnumquemque
horum conorum eo-
dē modo pisci secue-
runt; ut sit rectangu-
lus conus ABC; trian-
gulum verò per axem
sit ABC. in latere au-
tem AC quoduis su-
matur punctum D;
ducaturque DE ad
AC perpendicularis;
& per DE ducatur pla-
num plano ABC ere-
ctum, quod quidem conum secet, sectio autem sit FDG. quæ
sanè est sectio, quæ ab ipsis vocatur rectanguli coni sectio,
quippe quæ si intelligatur terminata recta linea FG, nuncupa-
tur portio recta linea, rectanguli quæ coni sectione contenta.



Si verò conus ABC fuerit obtusiangulus, sitquè triangulum per axem ABC, eodè modo à quo-uis puncto D, ducta DE ad rectos angulos ipsi AC, ac per DE ducto plano ad planum ABC erecto, quod conum secet, vt FDG, erit FDG obtusianguli coni sectio, quæ vnà cum recta FG vocatur portio recta linea, obtusianguli què coni sectione contenta.



Similiter existete cono acutiangulo ABC, cuius triangulum per axem sit ABC. & à puncto D ducta sit DE perpendicularis ipsi AC, ductoque plano per DE ad planum ABC erecto, erit DFEG acutianguli coni sectio.



Apollonius autem Pergeus, qui absolutissima commentaria de conicis scripsit, huiusmodi conos omnes vocauit rectos; ad differentiam coni scaleni, coni enim recti axes habent basi bus erectos, scaleni verò nequaquam. & in scalenis latera triangulorum per axem non sunt semper æqualia, quod semper conis rectis contingit.

Præterea sectionem rectanguli coni parabolē nominauit; obtusianguli verò coni sectionem hyperbolē; sectionem autem acutianguli coni ellipsim nuncupauit. & in vnoquoque cono tam recto, quàm scaleno has tres inesse sectiones demō-

strauit. Ex quibus colligit Geminus (quem Eutocius, alijque complures secuti sunt) eos, qui ante Apollonium extitere, constantum rectos cognouisse. & in vnoquoquecono vnā tantum sectionem animaduertisse. quod quidem si de ijs, qui ante Archimede[m] fuere intelligatur, adnitri fortasse poteris, ac praesertim de Euclide. vt patet ex definitione coni ab eo tradita. At verò de Archimede, qui post Euclidem, ante verò Apollonium fuit, non ita facile concedendum videtur. Nā ex ijs, quæ scripta reliquit. eum non solum nouitiam habuisse de conis rectis; verum etiā de scalenis facile ex ipsius scriptis conijci potest. In primo enim libro de sphaera, & cylindro multis in locis, vt in septima, octaua, nona, decimaquarta, decimaquinta propositione; alijsque in locis conos nominat æquicrures, quod quidem secundum ipsum sunt, qui in eius superficie æquales habent rectas lineas à vertice coni ad basim ductas. item in epistola quoque libri de conoidibus & spheroidibus, quam Archimedes Desitheo scribit. cū de obtusiangulo conoide verba facit, conum vocat æquicrurum. Quod si Archimedes hos conos vocauit æquicrures, cui dubium, ipsum eos ad differentiam eorum, qui non sunt æquicrures ita nuncupasse? qui verò non sunt æquicrures ex ipso met Apollonio sunt scaleni; nam æquicrures hoc modo coni axes habent basibus erectos, qui igitur non erunt æquicrures, eorum axes suis basibus nunquam erunt erecti. Præterea idem quoque confirmari potest ex demonstratione vigesimaquintæ propositionis eiusdem libri, in qua cū nominet Archimedes conum rectum proculdubio ad differentiam eorum, qui non sunt recti ita eum nuncupauit. nam si Archimedes (ex illorum sententia) conos tantum rectos cognouisset; quorum his in locis conum rectum, vel æquicrurum nominasset? sat sibi fuisset conum tantum dixisset. Neque verò dicendum est Archimede[m] per cono recto intellexisse conum rectangulum eo modo, quem supra exposuimus. nam in ea propositione, dum constituit hunc conum, non confluit conus rectangulus, sed obtusiangulus, quapropter conum rectum nominat ad differentiam coni scaleni. Ceterum ut manifeste ostendamus Archimede[m] conos cognouisse

uisse scalenos, considerata est octaua propositio libri de conoidibus, & sphæroidibus, in qua proponit Archimedes conum constituere, & inuenire, in quo sit sectio ellipsis data, vertex autem coni in linea existat à centro ellipsis ad rectos angulos ellipsis plano erecta. Ex qua constructione planè apparet, Archimedem (vt ex eius demonstratione constat) hoc in loco querere, & inuenire conum proculdubio scalenum. vt etià ex nona eiusdem libri propositione perspicuum esse potest; in qua vt plurimum conus inuenitur scalenus. Ex quibus manifestissimè patet Archimedem non solum de conis rectis, verum etiam de conis scalenis notitiam habuisse. Porro ea verba, quæ refert Eutocius ex sententia Heraclij, qui Archimedis vitam literis mandauit; id ipsum satis manifestant. Heraclius enim inquit Archimedem quidem primùm conica theoremata fuisse aggressum; Apollonium verò, cùm ea inuenisset ab Archimede nondum edita; tanquam eius propria edidisse. quod quidem etiam ex ipsiusmet Archimedis scriptis cõfirmari potest. in libro namque de conoidibus, & sphæroidibus ante quartam propositionem vbi Archimedes theoremata proponit alibi demonstratum, inquit, *Hoc autem ostensum est in conicis elementis.* in principio etià libri de quadratura parabolæ, cùm nonnulla proposuisset; post tertiam propositionem scilicet, inquit *Demonstrata autem sunt hæc in elementis conicis.* nonne igitur constat Archimedem elemēta conica scripsisse? Obijciat verò aliquis, non propterea constare, hæc elementa conica, quorum meminit Archimedes, ipsiusmet esse Archimedis; cùm non affirmet, hæc fuisse ab ipso demonstrata. verum illud in primis manifestum est, tempore Archimedis conica elementa extitisse. vt nonnulli Euclidem quatuor conicorum libros edidisse affirmant; sicut Pappus in septimo Mathematicarum collectionum libro asserit. Sed ex modo loquendi Archimedis planè constat hæc fuisse ab ipso conscripta. Nam quando Archimedes aliqua supponit ab alijs demonstrata, tunc addere consuevit, illa ab alijs demonstrata esse, vt in vndecima propositione de conoidibus, & sphæroidibus; cùm inquit. *omnis coni ad conum proportionem compositam esse ex proportionem basium, & proportionem altitudinum;* quod quidem, quia ab alijs demonstratum fuerat, sta-

tim inquit, *demonstratum est ab iis, qui ante nos fuerunt*. similiter in libro de sphaera, & cylindro ante propositionem decimam septimam, cum nonnulla supposuerit ab alijs demonstrata inquit. *Hæc autem omnia à superioribus sunt demonstrata*. In secunda verò parte quæ proposicionis huius secundi libri cum inquit, *Demonstratum est enim alijs in locis portiones sesquitercias esse triangulorum*. quod quia ipsemet assecutus est in libro de quadratura parabolæ, idcirco non addit ab ipso hoc ostensum fuisse. Aliaque huiusmodi loca breuitatis studio omitto ostendentia ea, quæ Archimedes supponit tanquam demonstrata, quando non addit ab alijs ostensa esse, à se ipso demonstrata fuisse, ut in demonstratione decimæ quartæ proposicionis primi libri, nec non ex octaua huius secundi libri demonstratione; alijs quæ locis perspicuum esse potest. Quare tum ex præfatis Archimedis locis, tum Heraclij testimonio manifestè elici potest, Archimedes elementa conica scripsisse. Neque verò quicquid nos turbare debet, quod Apollonius coni sectionibus nomina imposuerit; si tamen ipse primus fuit; cum eas proprijs nominibus, ut potè parabolæ, hyperbolæ, & ellipsim nuncupet; & in quolibet cono omnes agnouerit sectiones. Nam quamuis vsque ad Archimedis tempus hi termini nondum extiterint; & in singulis conis prisca illi vnicam tantum cognouerint sectionem; Archimedes tamen ulterius progressus est; etenim hæc quoque sectionum nomina ipsi fortasse minùs ignota fuerunt: quandoquidem in demonstratione nonæ proposicionis de conoidibus, & sphaeroidibus ellipsim nominat. Præterea non solum cognouit Archimedes conos secari posse planis lateribus coni erectis, verum etiam alijs modis: quod quidem exemplo ellipsis manifestari optimè potest. Nam in octaua proposicione eiusdem libri ellipses lateribus coni ad angulos rectos minimè secant. veluti quoque in nona proposicione idè sæpè cõtingit. At verò in eodè adhuc libro ante primam proposicionem inquit Archimedes. *Si conus plano secetur cum omnibus eius lateribus coeunti, sectio vel erit circulus, vel acutianguli coni sectio*. Vnde perspicuum est non in vno duntaxat cono acutiangulo, verum in omnibus conis sectionem ellipsis cognouisse. Præterea ex hoc loquendi modo liquet ipsum sectionem quo

que nouisse subcontrariam; quæ cum sit basi subcontrariè posita, oïa latera coni secat; & tñ nō est ellipsis, sed circulus. quæ propter si in omnibus conis ellipsis nouit sectionem; cur in ipsis, & parabolas, & hyperbolas minùs animaduertit? cum sit manifestum ex dictis in cono obtusiangulo & hyperbolè & ellipsim; in rectangulo autem parabolè, ellipsimquè cognouisse? hōc certè non est asserendum. Ex hoc enim perspicuum est Archimèdem cognouisse conos secari posse planis, quæ non sint semper ad coni latus erecta. dormitassequè Eutocium Geminum, & alios secus hac in parte de Archimede sentientes. Ampliùs nō ne cognouit etiam Archimedes secari posse rectangulos conoides, itidemquè & obtusiangulos planis, quæ neque sint per axem ducta, neque axi æquidistantia; neque super axem erecta. vt in duodecima, decimatertia, & decima quarta propositione eiusdem libri patet. quomodo itaque his quoque modis quemlibet conum secari posse ignorauit? Non est igitur ambigendum Archimèdem cognouisse conos secari posse planis ad latus coni differentem inclinationem habentibus. Ex quibus perspicuum est, ipsum in omnibus conis omnes inesse sectiones omnino animaduertisse. At si concedamus etiam sua tempestate nondum sectionibus ipsis propria fuisse imposita nomina; tam eam parabolè, quæ erat rectanguli coni sectio; quàm quæ erat sectio alterius coni, cum sit eadem sectio, eodem nomine nuncupabat; nempe rectanguli coni sectionem. Et hoc, quia priùs hæc sectio cognita fuit in cono rectangulo (vnde sibi nomen vindicauit) quàm in alio. quod idem dicendum est de alijs sectionibus. Vt manifestum esse potest exemplo sectionis acutianguli coni. Archimedes enim eodem loco, ante primam scilicet propositionem de conoidibus, & spheroidibus inquit, *Si cylindrus duobus planis æquidistantibus secetur; quæ cum omnibus ipsius lateribus coeant, sectiones, uel erunt circuli; uel conorum acutiangulorum sectiones.* vocat igitur Archimedes acutianguli coni sectionem, tam coni sectionè, quàm sectionè cylindri. veluti etià in decimatertia, & decima quarta propositione eiusdè libri acutianguli coni sectio ab ipso ea nuncupatur sectio, quæ oïa latera tam conoidis

5. primi conicorū Apoll.

rectanguli, quàm obtusianguli abscindit. dummodo non sit ad axem erecta. nullaquè alia de causâ hæ sectiones omnes idem acutianguli coni sectionis nomen obtinuerunt; nisi quia priùs hæ sectio à cono acutiangulo nomen accepit, quandoquidem in ipso fortasse primùm cognita fuit, quàm in alijs. Ex dictis itaque manifestum est, sententiam Heraclij veram esse posse, & rationi valdè consentaneam; Archimedem scilicet elementa conica scripsisse; Apolloniumquè, cum ea ab Archimede nondum edita inuenisset, sicut propria sua edidisse. Omitto interim multa ab Archimede in eius libris supponi, quæ non nisi in conicis esse debebant, quæ quidem habentur solum in conicis Apolloni. Negandum tamen non est, ut Eutocius quoque affirmat, ipsum Apollonium multa auxisse, multaquè ad conica spectantia adinuenisse. ut ipsemet Apollonius in epistola ad Eudemum fatetur. cum tamen non sit semper facile inuentis addere. Sed de his hæcenus. sat sit autem nouisse, Archimedem, quâdo in hoc libro nominat portionem rectæ lineæ, rectanguliquè coni sectione contentam, eam significare sectionem, quæ parabole nuncupatur.

G V I D I V B A L D I

E M A R C H I O N I B V S

M O N T I S.


I N S E C V N D V M A R C H I M E D I S

A Q V E P O N D E R A N T I V M

L I B R V M.

P A R A P H R A S I S

S C H O L I I S I L L V S T R A T A.




P R O P O S I T I O. I.



I duo spacia recta linea, & re-
ctanguli coni sectione conten-
ta, quæ ad datam rectam lineã
applicare possumus, non ha-
beant idem grauitatis centrũ;
magnitudinis ex vtrisque i-
psorum compositæ centrum
grauitatis erit in recta linea, quæ ipsorum centra
grauitatis coniungit; ita diuidens dictam rectam li-
neam, vt ipsius portiones permutatim eandem ad
inuicem proportionem habeant, vt spacia.

Sint



Sint duo spacia AB CD, qualia dicta sunt. ipsorum autem centra gravitatis sint puncta EF. iungaturquè EF, quæ diuidatur in H; & quam proportionem habet AB ad CD, eadem habeat FH ad HE. ostendendum est magnitudinis ex utrisquè AB CD spaciis compositæ centrum gravitatis esse punctum H. sit quidem ipsi EH utraque ipsarum FG FK equalis; ipsi autem FH, hoc est GE (sunt enim EH GF æquales, à quibus dempta communi GH remanent EG HF æquales) sit æqualis EL. & quoniā FH est æqualis LE, & FK ipsi EH, erit & LH ipsi KH æqualis. Cum autem sit FH ad HE, ut AB ad CD; ipsi verò FH vtrique sit æqualis LE EG. ipsi autem HE vtrique æqualis GF FK. erit etiā ut LG ad GK, ita AB ad CD. cum sit LG ad GK, ut FH ad HE; dupla enim est utraque LG GK utriusque FH HE. At uerò circa punctum E ipsius AB, quod est eius centrum gravitatis, ex utraque parte lineæ LG ipsi LG æquidistantes ducantur MO QN, quæ æqualiter ab LG distent, ductis scilicet MQ ON æquidistantibus, sint LM LQ GO GN inter se æquales; ita ut spaciū MN sit spacio AB æquale: quod quidem applicatum est ad lineā LG. erit utique ipsius MN centrum gravitatis punctum E. cum sit punctum E in medio lineæ LG, quæ bifariam diuidit latera opposita MQ ON parallelogrammi MN. compleatur itaque spaciū NX. habebit quidem MN ad NX proportionem,

2. cor. 9.
primi huius.

quam

quam habet QN ad NP, hoc est LG ad GK. habet autem & AB ad CD proportionem ipsius LG ad GK. ut igitur AB ad CD, sic est MN ad NX. & permutando ut AB ad MN, ita CD ad NX. æquale autem est AB ipsi MN, erit igitur & CD ipsi NX æquale. Centrum autem gravitatis ipsius NX est punctum F. propterea quod est in medio lineæ GK, quæ parallelogrammi NX opposita latera ON XP bifariam secat. & quoniam æqualis est LH ipsi HK, totaque LK opposita latera MQ XP bifariam diuidit, totius PM centrū gravitatis erit punctum H. Verū ipsum MP æquale est utrisque MN NX; quorum, cum sint centra gravitatis EF, æqueponderabunt spacia MN NX ex distantijs FH HE. si igitur loco parallelogrammorum MN NX ponatur AB in E, & CD in F, cum sit AB ipsi MN, & CD ipsi NX æquales; spacia AB CD ex distantijs FH HE æqueponderabunt. ac propterea magnitudinis ex utrisque AB CD compositæ centrum gravitatis est punctum H. quod quidem propositum fuit.

16. quinti.

2. cor. 9.
primi huius.

8. post huius.

S C H O L I V M.

Cū sit intentio Archimedis nonnulla pertractare ad parabolas spectantia; primū iacit fundamentum, parabolas nempe ita se habere, ut permutatim distantia, ex quibus sunt collocata, se habent. & quāuis vniuersim, atque in omnibus mutuam hanc conuenientiam ex dictis ex primo libro depræhendere liceat, hoc tamen loco peculiariter voluit ad huiusmodi doctrinam id ipsum in parabolis demonstrare. & quamuis in primo libro dixerit Archimedes magnitudines æqueponderare, quando ita se habent inter se, ut distantia permutatim se habent; hoc autem loco quærit centrū gravitatis magnitudinis ex parabolis compositæ; non sunt tamē propositiones diuersæ. nam & in primo libro dum in demonstratione quærit proportionem distantiarum, ostendit, ubi nam sit centrum gravitatis magnitudinum. quare quāais propositiones videantur diuersæ, non sunt tamen diuersæ, etenim ut post tertiam primi libri propositionem adnotauiamus,

6. 7. primi
huius.

hæc

hæc planè se conlèquuntur, vt exempli gratia in figura punctum H centrum est grauitatis magnitudinis ex vtrisque AB CD compositæ. ergo AB , & CD ex distantijs $HEHF$ æqueponderant, & è contra. hoc est AB CD æqueponderant ex distantijs EH HF . ergo punctum H centrum est grauitatis magnitudinis ex vtrisque AB CD compositæ; cū sit EHF recta linea. Solent autem mathematici aliquando eandem propositionem pluribus medijs demonstrare; idcirco considerandum est, Archimedes in hac propositione alio vti medio ad ostendendum punctum H centrum esse grauitatis, quo usus est in sexta propositione primi libri. cū in primo libro per diuisionem magnitudinum, diuisionem què distantiarum vniuersaliter demonstret centrum grauitatis magnitudinum. hoc autem loco per parallelogramma MN NX parabolis æqualia, & circa centra grauitatis EF constituta, inuenit centrum grauitatis magnitudinis ex vtrisque parallelogrammis MN NX compositæ. quod est quidè punctum H . medium nempe totius parallelogrammi MP . quod idem punctum H centrum est grauitatis vtriusque paraboles AB CD in EF collocatæ.

ex 9. & 10
primi hui.


Ex his obseruandum occurrit, hanc esse peculiarem metho- dum, qua possumus quorumlibet planorum æqueponderationem ostendere; hoc est plana ex distantijs eandem permutatim proportionem habentibus, vt eadem met plana, æqueponderare; dummodo ipsis æqualia parallelogramma constituere possimus. ac propterea supponit Archimedes, nos posse applicare ad rectam lineam spacium æquale spacio recta linea, rectanguliquè coni sectione contento. quod quidè spacium supponit parallelogrammum existere, cū punctum E centrum sit grauitatis spacij MN , & est F spacij NX . punctum verò H totius PM . quod si MN NX & MP non essent parallelogramma, neque puncta EFH eorum centra grauitatis existerent. vt ex demonstratione patet, supposuit tamen Archimedes nos posse applicare ad rectam lineam parallelogrammum æquale spacio recta linea, rectanguliquè coni sectione contento; quia duplici medio in

libro de quadratura parabolæ, propositione scilicet decimale prima, & vigesima quarta, docuit quamlibet portionem rectæ lineæ, rectanguliquè conicæ sectione contentam sesquiterciam esse trianguli eandem ipsi basim habentis, & altitudinē equalem. Ex qua propositione facillè constat nos parabolæ spaciū ad rectam lineam applicare posse, vt propositum fuit hoc modo.

P R O B L E M A.

Ad datam rectam lineam datæ parabolæ equale parallelogrammum applicare, ita vt data linea opposita parallelogrammi latera bisariam diuidat.

Data sit parabolæ ABC, sitquè data recta linea GK. oportet ad GK parallelogrammum applicare æquale portioni ABC, ita vt GK bisariam diuidat opposita parallelogrammi latera. Constituatur super AC triagulum ABC, qd basim habeat AC, eandemque portionis altitudinē; quod quidē




fiet, inuēta diametro DB, quæ parabolam in B secet, iunctisq; AB BC. erit vtique parabolæ ABC triaguli ABC sesquitercia. Itaque diuidatur AC in tria equalia, quarum vna pars sit CH. producaturquè AC. fiatquè CL ipsi CH equalis. erit sanè AL ipsius AC sesquitercia. Et ob id (iuncta BL) erit triagulum ABL triaguli ABC sesquitercium. sunt quippè triagula ABL ABC inter se, vt bases AL AC. ac per consequens triagulum ABL parabolæ ABC existit equale. Applicetur itaque ad lineam GK parallelogrammū GS equale triagulo ABL. erit GS parabola-

44. secundæ conicorum Apoll.

17 24. Arch. de quad. parabol.

1. sexti.

ex 44. primi.



lae ABC æquale. deinceps ducatur NP ipsi GK æquidistans, quæ bifariam diuidat opposita latera GR KS . producanturquæ RG SK . fiantquæ GO KX æquales ipsis GN KP . iungaturquæ OX ; erit nimirum parallelogrammum OP ipsi GS æquale. quare parallelogrammum OP parabolæ ABC existit æquale. Applicatum est igitur ad GK parallelogrammum expositæ parabolæ æquale. lineaquæ GK parallelogrammi OP bifariam diuidit opposita latera ON XP . quod fieri oportebat.

Si in portione recta linea rectanguliquæ confectione contenta triangulum inscribatur, eandem basim cum portione habens, & altitudinem æqualem: & rursus in reliquis portionibus triangula inscribantur, quæ easdem bases cum portionibus habeant, & altitudinem æqualem; semperquæ in residuis portionibus triangula eodem modo inscribantur: figura, quæ in portione oritur, planè inscribi dicatur. Patet quidem lineas

huius,

huius figuræ inscriptæ angulos, qui sunt vertici
portionis proximi, eosque deinceps coniungen-
tes, basi portionis æquidistantes esse; bisariamque
à diametro portionis diuidi; diametrum verò in
proportione diuidere numeris deinceps impari-
bus. vno denominato ad verticem portionis. Hoc
autem ordinatè ostensum est.

S C H O L I V M.

Scopus Archimedis in hoc secundo libro, vt initio primi
diximus, est inuenire centrum grauitatis paraboles. & vt de-
ducat nos in hanc cognitionem, quadam vtitur figura rectili-
nea in parabole inscripta, quæ plurimùm conducit, & est tã
quam medium ad inueniendum hoc grauitatis centrum. his
igitur verbis docet, quomodo in parabole inscribenda sit hæc
figura; in quibus multa quoque proponit tanquam sit pro-
positio quædam; in qua multa sint ostendenda. quorum ta-
men demonstrationem omisit, ac tanquam ab eo alibi de-
monstratam. Horum autem ex Apollonij Pergei conicis
demonstrationem elicere quidem potuissimus. at quoniam
Archimedes ipse nonnulla ad hæc spectantia alijs in locis de-
monstrauit; ideo Archimedes per Archimedes declarare o-
portunum magis nobis visum est.

Sit portio contenta recta linea, rectanguliquè coni sectio-
ne ABC, cuius diameter BD. Iunganturquè AB BC, diuida-
tur deinde AB bisariam in E, à quo ipsi BD æquidistant

tur KN FL IM, quæ diametrum BD secant in punctis STV. ostendendum est, lineas KN FL IM basi AC æquidistantes esse. deinde diametrum BD lineas KN FL IM bifariam in punctis STV diuidere postremo lineas KN FL IM ita diametrum BD dissecere, vt posito vno BS, linea ST sit tria; TV quinque; & VD septem. Producantur FE KH ad RX. quoniam enim FR est æquidistans BD, erit AE ad EB, vt AR ad RD; estquæ AE ipsi EB æqualis. ergo AR ipsi RD æqualis existit. eodemquæ modo ostendetur FX æqualem esse XT. quandoquidem est FX ad XT, vt FH ad HB. similiterquæ ad alteram partem, existentibus LO NP ipsi BD æquidistantibus, erit DO ipsi OC æqualis, & TP ipsi PL. quod quidem eodem prorsus modo demonstrabitur. Quoniam autem AC bifariam à diametro diuiditur in puncto D, erit DR ipsi DO æqualis, cum vnaquæque sit dimidia ipsarum AD DC æqualium. est igitur RD dimidia ipsius AD, quæ dimidia est basis AC. quod idem euenit ipsi DO. quare BD sesquitertia est ipsius FR, & ipsius LO, ex decimanona Archimedis de quadratura parabolæ. ac propterea eandem habet proportionem BD ad FR, quam ad LO. vnde sequitur FR æqualem esse ipsi LO. & ob id FL ipsi AC æquidistantem esse. & FT ipsi RD, & TL ipsi DO æqualem. vnde FT ipsi TL æqualis existit. eademquæ ratione prorsus in portione FBL ostendetur KN ipsi FL, ac per consequens ipsi AC æquidistantem esse. & KS ipsi SN æqualem existere. Producatu IG ad Z, quæ ipsam AB secet in 9. linea verò LO secet BC in Q; ductaquæ MY ipsi BD æquidistans ipsam secet BC in α. & quoniam IZ est æquidistans FR, erit AG ad GF, ut A9 ad 9E, & AZ ad ZR. & est AG ipsi GF æqualis, erit igitur A9 ipsi 9E, & AZ ipsi ZR æqualis. Eodemquæ modo ostendetur Cα ipsi αQ, & CY ipsi YO æqualem esse. quoniam autem in portione AFB à dimidia basi ducta est EF, à puncto autem 9, hoc est à dimidia dimidiæ basis AB (est enim E9 dimidia ipsius AE, quæ dimidia est basis AB) ducta est 9I diametro æquidistans, erit EF sesquitertia ipsius I9. pariquæ ratione ostendetur QL sesquitertiam esse ipsius Mα. quare vt FE ad I9, ita LQ ad Mα. ob similitudinem

autem

Anip. 31

Anip. 32


2. lemma.

Anip. 31

9. quinti.
ex 33. 34.
primi.

2. sexti.

ex 4. sexti. autem triangulorum ABD AER ita est BD ad ER, vt DA
ad AR. eademquæ ratione ita se habet BD ad QO, vt DC
ad CO. Sed vt DA ad AR, ita est DC ad CO, est quip
pe DA ipsius AR dupla, veluti DC ipsius CO. quare
11. quinti. ita erit BD ad ER, vt BD ad QO. ac propterea ER ipsi
9. quinti. QO equalis existit. ostensa verò en RF equalis OL, reli
qua igitur EF reliquæ QL est æqualis. quia verò ita est FE
16. quinti. ad I9, vt QL ad M α , erit permutando FE ad QL, vt I9



ad M α . suntquæ FE QL æquales, ergo I9 ipsi M α æqua
lis existit. quoniam autem ob triangulorum similitudinem
AER A9Z, ita est AR ad AZ, vt ER ad 9Z. ob simili
tudinem verò triangulorum QOC α YC ita est CO ad CY,
vt QO ad α Y: & est RA ad AZ, vt OC ad CY, cum
utæque in dupla existant proportionem; erit ER ad 9Z, vt
QO ad α Y. & permutando ER ad QO vt 9Z ad α Y. est
verò ER ipsi QO, æqualis, ergo 9Z ipsi α Y equalis existit. at
verò ostensa est I9 æqualis M α ; tota igitur IZ ipsi MY est æ-

qualis,

æqualis, quæ cum sit ipsi BD æquidistantes, erunt & inter se parallelæ. quare IM ipsi AC est æquidistans. Quoniam itaque que AR est æqualis CO, & horum dimidia, hoc est RZ, ipsi OY æqualis erit. atqui DB est ipsi DO æqualis, et igitur DZ ipsi DY existit æqualis. ipsi verò DZ est æqualis IV, & ipsi DY æqualis VM, erunt igitur IV VM inter se æquales. iam itaque ostensum est, lineas KN FL IM, que coniungunt angulos figuræ in parabole planè inscriptæ, ipsi AC æquidistantes esse. Diametrum què BD ipsas in punctis STV bifariam dispescere.

33. primi.

34. primi.

Quoniam itaque in portione FBL à dimidia basi ducta est TB, à dimidia verò dimidiæ basis ducta est XK, erit BT sesquitertia ipsius KX, hoc est ipsius ST. est enim KT parallelogrammum, & ST ipsi KX æqualis. Si igitur ponatur BT quattuor, erit ST tria, & BS vnum. similiter quoniam BD sesquitertia est ipsius FR, hoc est ipsius TD, cum sit TD ipsi FR æqualis. si itaque ponatur BD sexdecim, erit vnaquæque FR TD duodecim. & TB quattuor, ut positum fuit. Quoniam autem (ut diximus) est BD ad ER, ut DA ad AR, erit BD dupla ipsius RE. quare si BD est sexdecim, erit RE octo. & quoniam est FR duodecim, erit EF quatuor. est autem FE ipsius I9 sesquitertia, erit igitur I9 tria. & quoniam est ER ad 9Z, ut RA ad AZ, erit ER dupla ipsius 9Z. ac propterea erit 9Z quattuor, cum sit ER octo, & est 9I tria, tota ergo IZ, hoc est DV, septem exister. sed quoniam est DT duodecim, cuius pars DV est septem, erit reliqua VT quinque. Posito igitur BS vno, erit ST tria, TV quinque, & VD septem. quod erat quoque demonstrandum. Et hæc sunt quæ ab Archimede proposita fuerant.

19. Archimedis de quad. parab.

34. primi.


Ex his tamen nonnulla quoque colligemus ad ea, quæ sequuntur necessaria. ac primum quidem constat BD quadruplam esse ipsius BT, & ipsius FE.

H

O. primi.

Ostensum est enim BD sexdecim esse, & BT quatuor, & FE itidem quatuor existere. Ex demonstratione autem Archimedis decimæ nonæ propositionis de quadratura parabolæ clare elicitur BD quadruplam esse ipsius BT.

Ex quibus etiam sequitur FE QL inter se æquales esse. ambo enim sunt, ut quatuor.



Præterea ostendendum est triangulum AFB triangulo BLC æquale esse, portionemquæ parabolæ AFB portioni BLC æqualem. Amplius triangulum AIF triangulo CML, & portionem AIF portioni CML æqualem esse, & reliqua triangula reliquis triangulis, ac portiones portionibus æquales esse.

Ex vigesima prima propositione Archimedis de quadratura parabolæ triangulum ABC vniuscuiusque trianguli AFB BLC est octuplū. ergo ad ambo eandē hēt proportionē. quare triangula AFB BLC inter se sunt æqualia. At vero quoniā

9. quinti.

portio

portio AFB trianguli AFB est sesquitertia, quemadmodum portio BLC trianguli BLC, erit portio AFB ad triangulum AFB, vt portio CLB ad triangulum CLB. & permutando portio AFB ad portionem CLB, vt triangulum AFB ad ipsum CLB. triagula verò sunt æqualia; ergo portiones AFB CLB inter se sunt æquales. Eademquè ratione triangulū AFB octuplum est trianguli AIF, & triangulum CLB octuplum ipsius CML. vnde triagula AIF CML sunt æqualia. et earum quoque portiones AIF CML sunt æquales, siquidem sunt triangulorum sesquitertiæ. Et hoc modo reliqua triagula FKB LNB, & portiones FKB LNB ostendētur æquales. cū sit triangulum FBL dictorum triangulorum octuplum. quod oportebat quoque demonstrare.

17.24. Archimedes de qu. id. par. ab.
16. quinti
21. Archimedes de quad. par. ab.


His demonstratis sequitur Archimedes quasi connectens sequentem propositionem cum ijs, quæ supposita sunt, inquit, *si autem & in portione &c.*

PROPOSITIO. II.

Si autem & in portione recta linea, rectanguliquè conisectione contenta, figura rectilinea planè inscribatur, inscriptæ figuræ centrum grauitatis erit in diametro portionis.

ex demō
stratis.

Sit portio ABC , qualis dicta est, & in ipsa planè inscribatur rectilinea figura $AEFGBHIKC$. portionis verò diameter sit BD . ostēdendum est, rectilineæ figuræ centrum gravitatis esse in linea BD . iūgantur GH FI EK . quæ ipsi AC , & inter se æquidistantes erunt. hæc verò lineæ diametrum BD secant in punctis NML




15. primi
huius.

13. primi
huius.

Quoniam enim lineæ GH FI EK bifariam sunt à diametro BD diuisæ in punctis NML , trapezium $AEKC$ duas habebit lineas æquidistantes AC EK , quas bifariam diuidit DL , quare trapezii $AEKC$ centrum gravitatis est in LD . at ob eandem causam trapezii $EFIK$ centrum est in ML ; trapezii verò $FGHL$ centrum est in MN . lineæ enim LM MN bifariam diuidunt parallela latera EK FI GH , sed & trianguli etiam GBH centrum gravitatis est in BN . quippè cum BN ipsam GH bifariam diuidat. perspicuum est totius rectilineæ figuræ $AEFGBHIKC$ centrum gravitatis esse in linea BD . quod demonstrare oportebat.

S C H O L I V M.


Ecce quō Archimedes incipit inuestigare centrum grauitatis paraboles. nam ex hoc, quod ostendit centrum grauitatis figuræ in portione planè inscriptæ esse in diametro portionis, statim colliget in quarta propositione centrum grauitatis paraboles in diametro quoque ipsius portionis existere. interponit autem Archimedes sequentem propositionem. nā antequam inueniat centrum grauitatis paraboles, opus habet prius ostendere centra grauitatis duarum, & vt ita dicam omnium parabolarum diametros in eadem proportionē secare. ad quod demonstrandum, hanc passionē figuris planè inscriptis prius accidere ostēdit. potuisset quē Archimedes prius quartam propositionem ostendere, quam tertiam; sequentem verò propositionem immediatē posuit post secundam, ordo enim sic postulat. etenim ambæ de ijs pertractant, quæ rectilineis figuris planè inscriptis accidunt. Præterea earum demonstrationes ferè circa eadem versantur, cū iisdem rectis lineis in portionibus eodem modo ductis vtantur; ob sequentis verò propositionis intelligentiam hæc prius ostendemus.



L E M M A I.

Eandem habeat proportionem AB ad CD, quam habet GH ad KL. CD verò ad EF eā, quā habet KL ad MN. sint quē

AB CD EF inter se æquidistantes. similiter GH KL MN æquidistantes, sint autem ductæ BDF HLN rectæ lineæ; sitquæ BD ad DF, vt HL ad LN. sitquæ maior AB quàm CD, & CD, quàm EF. vnde erit quoquæ GH maior KL, & KL, quàm MN. iunctisquæ AC CE, & GK KM. Dico spaciū ACDB ad spaciū CEFD eandem habere proportionem, quam spaciū GKLH ad spaciū KMNL.



11. sexti.

9. sexti.

22. quinti.

Producantur AC CE, quæ cum BF conueniant in OP. productæquæ GK KM cum HN conueniant in QR. concurrent enim, quoniam CD KL sunt minores ipsis AB GH, & EF MN minores ipsis CD KL. Fiatquæ vt AB ad CD, ita CD ad V. & vt GH ad KL, ita KL ad X. deinceps CD ad EF, ita EF ad Y. & vt KL ad MN, ita MN ad Z. Quoniam igitur triangulum ABO simile est triangulo CDO, cum sit CD æquidistans ipsi AB. habebit triangulum ABO ad CDO, proportionem, quam habet AB ad CD duplicatam. hoc est quam habet AB ad V. Eodemquæ modo ostendetur triangulū GHQ ad KLQ ita esse, vt GH ad X. quia verò AB CD V ita se habet, vt GH KL X, erit ex æquali AB ad V, & GH ad X. triangulum igitur ABO eandem habet proportionem ad

CDO,

CDO, quam triangulum GHQ ad KLQ. quare diuidendo spacium ACDB ad triangulum CDO est, vt spacium GKLH ad triangulum KLQ. Rursus quoniam ob triangulorum similitudinem ABO CDO, ita est AB ad CD, vt BO ad OD. similiter ob similitudinem triangulorū GHQ KLQ ita est GH ad KL, vt HQ ad QL. & est AB ad CD, vt GH ad KL, erit BO ad OD, vt HQ ad QL. & diuidendo BD ad DO, vt HL ad LQ. deinde conuertēdo DO ad DB, vt LQ ad LH. & est BD ad DF, vt HL ad LN, erit ex equali DO ad DF, vt LQ ad LN. Quoniam autem similia triangulorum CDP EFP latus CD ad latus EF ita se habet, vt DP ad PF. similiter existentibus similibus triangulis KLR MNR ita est KL ad MN, vt LR ad RN, & vt CD ad EF, ita est KL ad MN, erit DP ad PF, vt LR ad RN. & per conuersionem rationis PD ad DF, vt RL ad LN. & conuertendo DF ad DP, vt LN ad LR. diximus autē OD ad DF ita esse, vt QL ad LN, & est DF ad DP, vt LN ad LR. ergo ex equali erit OD ad DP, vt QL ad LR. At verò quoniam ita est OD ad DP, vt triangulum OCD ad PCD, & vt QL ad LR, ita est triangulum QKL ad triangulū RKL, erit OCD ad PCD, vt QKL ad RKL. Quoniam autē triāgula CDP EFP sunt similia, triangulum CDP ad triangulum EFP proportionem habebit, quam CD ad EF duplicatam, hoc est quam habet CD ad Y. cū sint CD EF Y proportionales. similiter ob triangulorum KLR MNR similitudinem triangulum KLR ad MNR, ita erit vt KL ad Z, est autem CD ad Y, vt KL ad Z, erit igitur triāgulum CDP ad EFP, vt KLR ad MNR, & diuidendo spacium CEFD ad triangulum EFP, vt spacium KMNL ad triangulum MNR. & conuertendo triangulum EFP ad spacium CEFD, vt triangulū MNR ad spacium KMNL. Itaque quoniam ostensum est ita esse spacium ACDB ad triangulum CDO, vt spacium GKLH ad triangulum KLQ. & vt triangulū CDO ad triangulum CDP, ita triangulum KLQ ad triangulū KLR, deinde, vt triangulum CDP ad triangulum EFP, ita triāgulum KLR ad triangulum MNR, deniquē vt triangulum EFP ad spacium CEFD, ita triangulum MNR ad spacium KMNL,

erit

17. quinti.

est 4. sexti

17. quinti.

cor. 4. quī

ti.

22. quinti

ex 11. quī

ti.

cor. 19.

quinti.

22. quinti

ex 1. sexti.

19. sexti.

ex quinti.

cor. 4. quī


ti.

22. quinti

erit ex æquali à primo ad vltimum ſpaciũ ACDB ad ſpaciũ CEFD, vt ſpaciũ GK LH ad ſpaciũ KMNL. quod demõſtrare oportebat.

L E M M A II.

Æquidiſtãtes verò lineę AB CD ita ſe habeant, vt æquidiſtantes EF GH, ſitquẽ maior AB, quàm CD, & EF, quam GH. & ſuper CD GH ſint trianguła CDP GHR, ſintq; BDP FHR rectę lineę, & vt BD ad DP, ita ſit FH ad HR. iunctiſq; AC EG. Dico ſpaciũ ACDB ad triangułũ CDP ita eſſe, vt ſpaciũ EG HF ad triangułũ GHR.

22. quinti.
1. ſexti.


22. quinti.

Eadem enim prorsus ratione productis AC EG, quę cum BP FR conueniant in OQ, oftenderur ſpaciũ AD ad triangułũ CDO ita eſſe, vt ſpaciũ EH ad triangułũ GHQ. & eſſe OD ad DB, ut QH ad HF. & quoniam eſt BD ad DP, vt FH ad HR, erit ex æquali OD ad DP, vt QH ad HR. & vt OD ad DP, ita eſt triangułũ CDO ad triangułũ CDP, & vt QH ad HR, ita triangułũ GHQ ad GHR. cũ itaque ſit AD ad CDO, vt EH ad GHQ, & vt CDO ad CDP, ita GHQ ad GHR. ex æquali erit ſpaciũ AD ad triangułũ CDP, vt ſpaciũ EH ad triangułũ GHR. quod demonſtrare oportebat.

LEM

L E M M A. III.

Sit A ad CD, vt E ad FG, diuidanturq; CDFG in eadē proportionē in HK, ita vt sit CH ad HD, vt FK ad KG. Dico A ad DH ita esse, vt E ad KG. A verò ad CH, vt E ad Fk.



Quoniam enim ita est CH ad HD, vt FK ad kG; erit componendo CD ad DH, vt FG ad GK. est autem A ad CD, vt E ad FG; CD verò est ad DH, vt FG ad GK; ergo ex æquali A erit ad DH, vt E ad GK. Deinde quoniam est GH ad HD, vt FK ad kG; erit conuertendo DH ad HC, vt GK ad KF. rursus igitur ex æquali A erit ad CH, vt E ad FK. quod ostendere oportebat.



18. quinti.

22 quinti.

cor. 4. quinti.

P R O P O S I T I O. III.

Si in vtraq; duarū similiū portionū recta linea re-
ctanguliquē coni sectione contentarum rectili-
neæ figuræ planè inscribantur; figuræ verò inscri-
ptæ latera inter se multitudine æqualia habeant;
rectilinearum centra grauitatum portionum dia-
metros similiter secabunt.



Sint duæ portiones ABC XOP , in ipsisque planè inscribantur rectilineæ figuræ $AEFGBHIKC$ $XS YQOZVTP$; quæ omnia latera inter se numero æqualia habeant. Diametri verò portionum sint BD

OR.

OR. iungaturq; Ek FI GH. quæ interse, & ipsi AC æquidistantes erunt; bifariamque à diametro BD in punctis LMN diuisæ erunt. Iungantur similiter & ST YV QZ, quas bifariam diameter OR in punctis $\alpha\beta$ diuidet. eruntque ductæ lineæ ipsi XP, & interse æquidistantes. Quoniam igitur BD diuiditur à lineis æquidistantibus GH FI EK in proportionibus numeris deinceps imparibus; posito enim vno BN, est quidem NM tria, ML quinque, & LD septem. sed & RO similiter à lineis QZ YV ST in proportionibus diuiditur numeris deinceps imparibus, eadē. n. ratione si ponatur O β vnum, erit $\beta\alpha$ tria, $\alpha 9$ quinque, & 9R septem. & portiones ipsorum diametrorum BD OR sunt numero æquales. quot. n. sunt BN NM ML LD, tot sunt O β $\beta\alpha$ $\alpha 9$ 9R. patet diametrorum portiones in eadem esse proportionem, vt quemadmodū est BN ad NM, & NM ad ML, & ML ad LD, ita esse O β ad $\beta\alpha$, & $\beta\alpha$ ad $\alpha 9$, & $\alpha 9$ ad 9R. At verò quoniam ita est DB ad BL, vt RO ad O β ; (sunt. n. ut sexdecim ad nouem) & ut DB ad BL, ita est quadratum ex AD ad quadratū ex EL; & vt RO ad O β , ita est quadratū ex XR ad quadratum ex S β ; erit quadratū ex AD ad quadratū ex EL, vt quadratū ex XR ad ex S β quadratū. ergo ut AD ad EL, ita XR ad S β . & horum dupla nēpè AC ad EK, vt XP ad ST: eademq; prorsus rōne, quoniam ita est LB ad BM, vt 9O ad O α (sunt. n. ut nouem ad quatuor) ostendetur EL ad FM ita esse ut S β ad Y α , & horum dupla, scilicet EK ad FI ita esse, ut ST ad YV. Cūmq; sit MB ad BN, vt α O ad O β , ut scilicet quatuor ad vnum; similiter ostendetur FM ad GN ita esse vt Y α ad C β ; FI uerò ad GH, vt YV ad QZ. vnde colligitur nō solum portiones diametrorum (ut diximus) in eadem esse proportionem, sed & parallelas ACEK FIGH, & XPST YV QZ in eadē esse proportionem. & Trapeziorum ipsius quidem AEkC, & ipsius XSTP centra grauitatum esse in lineis LD 9R similiter posita, cūm eandem habeant proportionem AC EK, quam XP ST: lineæque LD 9R bifariam diuidant suas æquidistantes AC EK. & XP ST. etenim si ponatur trapezij AK centrum grauitatis γ , ipsius verò XT centrum grauitatis δ , erit L γ ad γ D, vt dupla ipsius AC cum EK ad duplam ipsius EK cum AC. & 9 δ ad δ R erit, vt dupla ipsius XP cum ST ad duplam ST cum XP. quoniam autem ita est AC ad EK,

ex iis quæ
post 1. pri-
mi huius
demonstra-
ta sunt.

3. Archi.
de quad.
parab. &
20. primi
conicorum
Apoll.
22. sexti.

15. primi
huius.

15. primi
huius.

T

vt

vt XP ad ST, & antecedentium dupla, hoc est dupla ipsius AC ad EK erit, vt dupla ipsius XP ad ST. & componendo dupla ipsius AC cum EK, vt dupla ipsius XP cum ST ad ST. At verò EK ad duplam ipsius EK, ita est, vt ST ad duplam ipsius ST, sed EK ad AC est, vt ST ad XP, erit EK ad vtriusque consequentes simul sumptas, hoc est ad duplam ipsius EK cum AC, vt ST ad suas consequentes, nempe ad duplam ipsius ST cum XP. Itaque quoniam ita est dupla ipsius AC cū EK ad EK, vt dupla ipsius XP cum ST ad ST, & est EK ad duplam ipsius EK cum AC, vt ST ad duplam ipsius ST cum XP. erit ex equali dupla ipsius AC cum EK ad duplam ipsius EK cum AC, vt dupla ipsius XP cum ST ad duplam ipsius ST cum XP. ac propterea ita est L^r ad RD, vt 9^a ad AR, & ob id centra R^a erunt in lineis LD 9R similiter posita. Rursum eodem modo (ne eadem sæpius repetantur) Trapeziorum EFlk STVT centragrauitatum, quæ sint ε^r, similiter hoc est in eadem proportionem diuident lineas LM 9^a, ita vt sit L^e ad ε^m, vt 9^r ad ζ^a. & in trapeziis FH YZ centragrauitatum κκ similiter diuident MN αβ, ita ut M^κ ad N^κ sit, vt κκ ad αβ sed & triangulorum GBH QOZ centragrauitatum λλ in lineis BN OB erunt similiter posita, siquidem Bλ ad AN est, vt Oκ ad μβ; quippè cū in dupla sint proportionem. eandem autem habent proportionem Trapezia, & triangula: Nam cū sit AD ad EL, vt XR ad S9, & ut EL ad FM, ita S9 ad Y; est què DL ad LM, ut R9 ad 9^a, cū sint, vt septem ad quinque; erit spaciū AL ad spaciū EM, vt spaciū X9 ad spaciū S. similiter què ostendetur DK ad LI ita esse, vt RT ad 9V. quare totum trapezium AK ad EI est, vt XT ad SV. pariquè ratione ostendetur ita esse trapezium EI ad FH, vt SV ad YZ. quia verò ita est FM ad GN, vt Yα ad Qβ, est autem MN ad NB, vt αβ ad βO, sunt quippè ut tria ad vnum, erit spaciū FN ad triangulum GBN, vt spaciū Yβ ad triangulum QβO. eodemquè modo ostendetur ita esse spaciū IN ad triangulum BNH, vt spaciū Vβ ad triangulum CβZ. Ex quibus sequitur ita esse trapeziū FH ad triangulum BGH, vt trapezium YZ ad triangulū OQZ.

18. quinti.

2. lemma ante 13 primi huius.

22. quinti.

ante 13. huius.

1. lemma.

2. lemma.

fi itaque diuidatur $\gamma\epsilon$ in ν , ita ut sit $\epsilon\nu$ ad $\nu\gamma$, vt trapeziū AK ad EI. erit punctum ν centrum grauitatis figurę AEFIKC. similique modo diuidatur $\mathcal{A}\mathcal{L}$ in \mathcal{E} , ita vt sit $\mathcal{L}\mathcal{E}$ ad $\mathcal{E}\mathcal{A}$, vt trapezium XT ad SV; erit punctum \mathcal{E} grauitatis centrum figurę XSYVTP. quia verò ita est AK ad EI, vt XT ad SV, erit $\epsilon\nu$ ad $\nu\gamma$, vt $\mathcal{L}\mathcal{E}$ ad $\mathcal{E}\mathcal{A}$. Diuidatur aut deinceps $\lambda\mathcal{H}$ in σ , sitq; $\lambda\sigma$ ad $\sigma\mathcal{H}$, vt FH ad triangulum BGH, erit punctum σ centrum grauitatis figurę FGBHI. eademque ratione diuidatur $\mu\kappa$ in τ , sitque $\mu\tau$ ad $\tau\kappa$, vt YZ ad triangulum OQZ; erit punctum τ centrum grauitatis figurę YQOZV. sed est FH ad BGD, vt YZ ad OQZ, erit igitur $\lambda\sigma$ ad $\sigma\mathcal{H}$, vt $\mu\tau$ ad $\tau\kappa$. Quoniam autem ita est Ak ad EI, vt XT ad SV, erit componendo AEFIKC ad EI, vt figura XSYVTP ad SV; & est EI ad FH, vt SV ad YZ. ergo ex æquali figura AEFIKC erit ad FH, vt figura XSYVTP ad YZ. est autem FH ad BGH, vt YZ ad OQZ. erit igitur figura AEFIKC ad suas consequentes, ad figuram scilicet FGBHI, vt figura XSYVTP ad suas consequentes, hoc est ad figuram YQOZV. Diuidatur itaque $\sigma\nu$ in χ , ita ut $\sigma\chi$ ad χ sit, vt figura AEFIKC ad figuram FGBHI, erit punctum χ centrū grauitatis totius figurę AEFGBHIKC. similiter diuidatur $\tau\mathcal{E}$ in ξ , sitque $\tau\xi$ ad $\xi\mathcal{E}$, ut figura XSYVTP ad figuram YQOZV, erit punctum ξ centrum grauitatis totius figurę XSYQOZVTP. quia verò ita est figura AEFIKC ad figuram FGBHI, vt figura XSYVTP ad figuram YQOZV. erit $\sigma\chi$ ad χ , vt $\tau\xi$ ad $\xi\mathcal{E}$. Itaque quoniam BD ad DL est, vt $\sigma\nu$ ad R ρ , cū sint ut sexdecim ad septem. & est L γ ad γ D, vt $\rho\mathcal{A}$ ad \mathcal{A} R, erit BD ad L γ , vt $\sigma\nu$ ad $\rho\mathcal{A}$. & vt BD ad γ D, ita OR ad \mathcal{A} R. rursus quoniam BD ad LM est, vt OR ad $\rho\alpha$, nempe vt sexdecim ad quinque; & est L ϵ ad ϵ M, ut $\rho\mathcal{Z}$ ad $\mathcal{Z}\alpha$, erit BD ad ϵ L, vt OR ad $\rho\mathcal{Z}$. est verò BD ad L γ , vt OR ad $\rho\mathcal{A}$; erit igitur BD ad vtramque simul ϵ L L γ , hoc est ad $\epsilon\gamma$, vt OR ad $\mathcal{Z}\mathcal{A}$. sed quoniā est $\gamma\nu$ ad $\nu\epsilon$, vt $\mathcal{A}\mathcal{E}$ ad $\mathcal{E}\mathcal{Z}$, erit BD ad $\gamma\nu$ vt OR ad $\mathcal{A}\mathcal{E}$. est autē BD ad D γ , vt OR ad R \mathcal{A} , vt dictum est, ergo BD ad D ν est, vt OR ad R \mathcal{E} . similiterque ostēdetur BD ad BA ita esse, vt OR ad O τ . Cū itaque sit BD ad DR, & ad B σ , ut OR ad R \mathcal{E} , & ad O τ ; erit BD ad DR B σ simul, vt OR ad R \mathcal{E} O τ simul, & permutando tota BD ad totam OR, vt ablata D ν E σ ad ablatam R \mathcal{E} O τ .

ex 6. primi huius.

18. quinti.

22. quinti.

cor. 2. lemma in 13. primi huius.

ex 6. primi huius.

3. lemma.

2. lemma ante 13. primi huius.

3. lemma.

2. lemma ante 13. primi huius.

16. quinti.

ergo

19. quinti.
co. 4. quinti.
3. lemma.

2. lemma
ante 13.
primi huius
18. quinti.

ergo & reliqua $\sigma\nu$ ad reliquam $\tau\epsilon$ est, ut tota BD ad tota OR. rursusquè permutando $\sigma\nu$ ad BD ut $\tau\epsilon$ ad OR, conuertendoq; BD ad $\sigma\nu$ est, ut OR ad $\tau\epsilon$. Quia verò ita est $\sigma\chi$ ad $\chi\nu$, ut $\tau\epsilon$ ad $\xi\epsilon$; erit BD ad $\sigma\chi$, ut OR ad $\tau\epsilon$. at verò BD ad B^σ est, ut OR ad O^τ . erit igitur BD ad $B\chi$, ut $O\gamma$ ad $O\xi$. ac propterea diuidendo $D\chi$ ita se habet ad χB , ut $R\xi$ ad $\xi\zeta$. Quare manifestum est totius rectilineæ figuræ in portione ABC inscriptæ centrum gravitatis χ in eadem proportionè diuidere BD, veluti centrum gravitatis ξ figuræ rectilineæ in portione XOP inscriptæ ipsam OR diametrum. quod demonstrare oportebat.

S C H O L I V M.

Hinc colligere licet parabolas omnes inter se similes esse. Refert enim Eutocius hoc in loco, Apollonium pergeum in sexto Conicorum libro. (qui nondum in lucem prodijt) similes conicsectiones dixisse eas esse, quando in vnaquaque sectione lineæ ducuntur basi æquidistantes numero pares; hoc est tot in vna, quot in alia; ut in superioribus figuris ductæ fuerunt, in vna quidem EK FI GH ipsi AC æquidistantes; & in altera ST YV QZ ipsi PX æquidistantes; quæ quidem efficiant, ut diametri in eadem proportionè diuisæ proueniant; ut sunt BN NM ML LD; & O β $\beta\alpha$ $\alpha\gamma$ γR . Deinde æquidistantes AC EK FI GH in eadem sint proportionè ipsarum XP ST YV QZ. & quoniam hæ conditiones in omnibus possunt accidere parabolis; ut ex ijs, quæ demonstrata sunt, manifestum est; idcirco parabolæ omnes sunt similes. Neque verò existimandū est, quoniam parabolæ sunt similes, figuræ quoque planè inscriptas, ut AEFG BHIKC & XSYQOZVTP similes esse inter se, ea præsertim similitudine, qua sunt figuræ rectilineæ; ut scilicet anguli sint æquales, & circum æquales angulos latera proportionalia. in parabolis nō attenditur hæc similitudo. fatenim est, ut præfatæ adsint conditiones; ex quibus sequitur (ut ostendimus) trapezia AK EI FH, triangulumquè BGH in eadem esse proportionè trapeziorum XT SV YZ, ac



trianguli OQZ. ac propterea quando Archimedes in propositione inquit *si in vtraque similium portionum recta linea, rectanguliquè conì sectione contentarum*, non propterea existimandum est reperiri posse aliquas parabolas recta linea terminatas \neq esse similes inter se; ea nimirum iam explicata similitudine. sunt enim Archimedis verba hoc modo intelligenda, nempe, si in vtraque portionum recta linea rectanguliquè conì sectione contentarum, quæ omnes sunt similes, & c. veluti si dicemus. In similibus semicirculis anguli omnes sunt recti. non est intelligendum nonnullos semicirculos inter se dissimiles existere posse. sed hoc modo; in semicirculis, qui omnes sunt similes, anguli sunt recti. Et hoc modo semper intelligere oportet, quando in sequentibus Archimedes parabolas similes nominat. Nam & Archimedes cognouit omnes parabolas inter se similes esse; vt ipse in demonstratione octauæ propositionis huius supponere videtur. Oportebat enim aliquam in parabolis demonstrare similitudinem, vt demonstrari posset centrum grauitatis in omnibus parabolis esse in certo, ac determinato situ ipsius figuræ. in figuris enim, quæ aliquam inter se non habent similitudinem, in ipsis centrum grauitatis determinari minimè posse videtur. Diceret autem fortasse aliquis, determinatur tamen centrum grauitatis in omnibus triangulis, quæ quidem inter se non sunt similia. Cui respondendum; triangula omnia inter se similia non esse similitudine rectilinearum figurarum, nempe vt anguli sint æquales, & circum æquales angulos latera proportionalia. quòd tamen nullam inter se habeant conuenientiam, omnino negatur. nã triangula omnia simul quòdammodo illam habent conuenientiam, & similitudinem; quæ parabolis accidit.

In triangulis enim ABCDEF ductæ sint AG DH ab angulis ad dimidias bases. sintquè diuisa triangulorum latera in eadem proportionem, in punctis KL, OP. & vt AK KL LB, ita sit AM MN NC, & DQ QR RF. ductisque KM LN OQ PR, quæ lineas AG DH secent in punctis ST VX; primum quid erunt KM LN OQ PR basibus BC EF æquidistantes; quas lineæ AG DH in punctis ST VX bifariam diident, cum sit

BG ad

ex 2. sexti
ex lemace
i secundâ d
mōstratio-
ne 13. pri-
mi huius.

BG ad GC, vt LT ad TN, & KS ad SM. & ut EH ad HF ita PX ad XR, & OV ad VQ. Deinde erunt AG DH à lineis KM LN OQ PR in eadem proportionē diuisæ; siquidem ita est AS ST TG, ut DV VX XH. cū sint, ut expositæ proportionēs AK KL LB, & DO OP PE. Præterea erit spaciū BN ad LM, vt ER ad PQ, & LM ad triangulū AKM,



vt PQ ad triangulū DOQ. Nam quoniam triangulū ABC simile est triangulo ALN, ob latus LN ipsi BC æquidistans; erit ABC ad ALN, ut AB ad AL duplicata. eodemquē modo, erit DEF ad DPR, vt DE ad DP duplicata; eandem autem, habet proportionem AB ad AL, quam DE ad DP: quādoquidem latera AB DE in eadem sunt proportionē diuisa; erit igitur triangulū ABC ad ALN, vt triangulū DEF ad DPR. similiterquē ostendetur ALN ad AKM ita esse, ut DPR ad DOQ. Quoniam autem ABC est ad ALN, ut DEF ad DPR, diuidendo erit BN ad ALN, ut ER ad DPR. Atverò quoniā ALN ad AKM est, vt DPR ad DOQ; erit per conuersionem rationis ALN ad LM, vt DPR ad PQ. quare ex æquali BN est ad LM, ut ER ad PQ. Cū autem sit ALN ad AKM, ut DPR ad DOQ; erit diuidendo LM ad AKM, vt PQ ad DOQ. Quocirca erit spaciū BN ad LM, vt ER ad PQ, & LM ad triangulū AKM, vt PQ ad triangulū DOQ. Ex quibus perspicuum est omnia triangula aliquam inter se habere similitudinem, ex qua possibile fuit determinare in omnibus situm, vbi repe-

ritur

17. quinti.
coro 19.
quinti.

22. quinti.

ritur centrum grauitatis. Quòd si figurę nullam conuenientiam, nullamquē similitudinem inter se habuerint; ut in quadrilateris, pentagonis, & reliquis figuris, quę inter se neque latera neque angulos equales habeant; & propterea nullam inter se conuenientiam, & similitudinem habere possunt; impossibile quidem esset in ipsis determinare situm cętri grauitatis; ita ut omnibus quadrilateris, ac omnibus pentagonis quomodocunque factis, & ita cęteris figuris deseruire possit. Cum exempli gratia in pentagonis modò in vno, modò in alio situ centrum reperiatur; prout sunt diuersę figurę. Possumus quidem in vnaquaque figura reperire punctum positione, quod sit quidem centrum grauitatis illius determinatę figurę. ut in fine primilibri ostendimus. esset tamen impossibile in omnibus proprium certum, ac determinatum situm reperire; ut scilicet sit in tali linea, taliquē modo diuisa, ut omnib⁹ pentagonis, & hexagonis, cęterisque huiusmodi deseruire possit. ut determinatur in triangulis, & ut determinari potest in quadrilateris; quę vel sint parallelogramma, vel duo saltem latera sint æquidistantia. cum in his conuenientia, quàm triangulis accidere ostendimus, reperiatur; quandoquidem sunt triangulorum portiones. similiter in parallelogrammis facile erit ostendere aliquam inter se similitudinem existere. pentagona verò hexagona, & cęterę figurę, quę angulos æquales, & æqualia latera habent; iam constat similia esse inter se. præterea circuli omnes sunt similes. Ellipses quoque inter se aliquam habent similitudinem, in quibus describitur figura planè inscripta. ut perspicuum est in libro Federici Commandini de centro grauitatis solidorum. ac propterea in his, & in alijs, quibus inter se aliqua similitudo reperiri potest, centrum quoque grauitatis determinari poterit.

L E M M A.

Sint quatuor magnitudines ABCD. sitquē A maior B; & C maior D. Dico A ad D maiorem habere proportionem, quàm habet B ad C.

*k. in portione autem planè inscribatur figura rectilinea AGBNC, ita ut relictæ portiones AOG GPB BQN NRC simul sint minores ipso K. inscriptæ quidem rectilineæ figuræ centrum gravitatis est in linea BD. sit punctum H. connectaturquè HE, & producat; & à puncto C ipsi BD ducatur æquidistans CL. Quoniam autem portiones AOG GPB BQN NRC simul sunt ipso K minores; maiorem habebit proportionem triangulum ABC ad di-
 ctas portiones, quàm ad K; inscripta verò figura AGBNC maior est triangulo ABC, K verò maius est reliquis portionibus. Manifestum est igitur figuram rectilineam AGBNC in portione in-
 scriptam maiorem habere proportionem ad reliquas portiones AOG GPB BQN NRC, quàm triangulum ABC ad K. sed ut triangulum ABC ad K, ita est CF ad FD; figura igitur inscripta ad reliquas portiones maiorem habebit proportionem, quàm CF ad FD; hoc est LE ad EH. Cum sint LH CD à lineis æquidistantibus LC EF HD diuisæ. quare cum figura inscripta ad reliquas portiones maiorem habeat proportionem, quàm LE ad EH; linea, quæ ad EH eandem habeat proportionem, quàm figura inscripta ad reliquas portiones, maior erit, quàm LE. Habeat igitur ME ad EH proportionem eam, quàm figura inscripta ad portiones. Quoniam igitur punctum E centrum est gravitatis totius portionis, figuræ autem in ipsa inscriptæ centrum gravitatis est punctum H: constat reliquæ magnitudinis ex circumrelictis portionibus compositæ centrum gravitatis esse in linea HE producta; ita ut assumpta aliqua recta linea ME eam proportionem habeat ad EH, quàm figura inscripta ad circumrelictas portiones. Quare magnitudinis ex circumrelictis portionibus compositæ centrum gravitatis est punctum M. quod est absurdum. Ducta enim linea ST per punctum M ipsi BD æquidistante, in ea omnes circumrelictæ portiones centra gravitatis habebunt. hoc est magnitudinis ex portionibus BPG BQN compositæ centrum gravitatis esset in parte MS. centrum verò gravitatis portionum AOG CRN esset in parte MX; ita ut M omnium dictarum portionum esset gravitatis centrum. quæ sunt quidem inconuenientia. quippe quæ etiam eodem modo sequentur, si ST ipsi BD æquidistans non esset. Patet igitur centrum gravitatis portionis ABC esse in linea BD. quod demonstrare oportebat.*

2. huius.

8. quinti.

lemma.

1. lem. 7. 13. primi huius.

8. primi huius.

S C H O L I V M.

17. Archi.
de quad.
parab.

In hac demonstratione obseruandum est; quòd quãdo Archimedes inquit, *in portione autem planè inscribatur figura* &c. intelligendum est, inscribatur primò pentagonum AGBNC in portione planè inscriptum; quod quidem relinquet portiones AOG GPB BQNNRC, quæ simul uel erunt minores spacio K, vel minùs. si non, rursus planè adhuc inscribatur in portione ABC nonagonum; deinde alia figura; idquè semper fiat, donec circumrelictæ portiones simul sint spacio K minores. quod quidem fieri posse ex prima decimi Euclidis pater. Aufertur enim semper maius, quã dimidium. Cùm quælibet portio paraboles trianguli planè in ipsa inscripti sit scilicet tertia. Vnde triangulum ABC maius est, quàm dimidiũ portionis ABC. triangulumquè AGB maius, quàm dimidiũ portionis AGB. similiter triangulum BNC portionis BNC. & ita in alijs. Quæ quidem omnia sunt quoque manifesta ex vigesima propositione, eiusquè demonstratione de quadratura paraboles Archimedis.

Demonstrato centro grauitatis cuiuslibet paraboles in eius diametro existere; ostendet Archimedes, (vt diximus) in parabolis grauitatum centra in eadem proportionem diametros discescere. antequam autem hoc demonstret, duas præmittit sequentes propositiones ad demonstrationem necessarias.


P R O P O S I T I O. V.

Si in portione recta linea, rectanguliquè confectione contenta rectilinea figura planè inscribatur, totius portionis centrũ grauitatis propinquius est vertici portionis, quã centrũ figuræ inscriptæ.

Sit portio ABC , qualis dicta est, ipsius verò diameter sit BD . primùmquè in ipsa planè inscribatur triangulum ABC . & diuidatur BD in E , ita vt dupla sit BE ipsius ED . erit utique trianguli ABC centrum grauitatis punctum E . Diuidatur itaque bifariam utraque AB BC in punctis F G . & à punctis F G ipsi BD ducantur æquidistantes FK GL . erit sanè portionis AkB centrum grauitatis in linea Fk . portionis verò BLC centrum grauitatis erit in linea GL . sint itaque puncta HI . connectanturquè HI FG . quæ BD secant in QN .

ante pri-
mi huius.

4. huius.



erit utique punctum Q vertici B propinquius, quàm N . quia verò est BF ad FA , vt BG ad GC , erit FG æquidistans ipsi AC , eritquè FN ad NG , vt AD ad DC . est verò AD ipsi DC æqualis, ergo FN NG inter se sunt æquales. quoniam autem FN est ipsi AD æquidistans, erit AF ad FB , vt DN ad NB . est autem AF dimidia ipsius AB , cum sint AF FB æquales ergo & DN dimidia est ipsius DB . at verò quoniam DE tertia est pars ipsius DB , siquidem est BE ipsius ED dupla, erit punctum N propinquius vertici B portionis, quàm punctum E . Et quoniam parallelogrammum est $HFGI$. & æqualis est FN ipsi NG , erit QH ipsi QI æqualis. ac propterea magnitudinis ex utrisque AkB BLC portionibus compositæ centrum grauitatis est in medio lineæ HI , cum portiones AkB BLC sint æquales, erit scilicet punctum Q . Quoniam autem trianguli ABC centrum grauitatis est punctum E , magnitudinis verò ex utrisquè AkB BLC compositæ

2. sexti.
lemma in
aliter 13.
primi huius

2. sexti.

4. primi
huius.
ex iis quæ
ante 2. huius
demonstrata sunt.

est

sesquitertias esse triangulorum, erit igitur magnitudinis ex utrisque por-
tionibus AKB BLC compositæ centrum gravitatis punctum Q. magni-
tudinis verò ex utrisque triangulis AKB BLC compositæ punctum
T. Rursus itaque quoniam trianguli ABC centrum gravitatis est punctū
E, magnitudinis verò ex utrisque AKB BLC portionibus punctum
Q. manifestum est totius portionis ABC centrum gravitatis esse in linea
QE ita diuisa in O puncto, ut quam proportionem habet trian-
gulum ABC ad utrasque portiones AKB BLC, eandem habeat por-
tio ipsius terminum habens punctum Q, hoc est OQ ad portionem
minorem OE. pentagoni autem AKBLC, hoc est magnitudinis
ex triangulo ABC, triangulisquē AKB BLC compositæ
centrum gravitatis est in linea ET sic diuisa in S, ut quam habet
proportionem triangulum ABC ad triangula AKB BLC, eandē ha-
beat portio ipsius ad T terminata, hoc est ST ad reliquam SE.
Quoniam igitur maiorem habet proportionem triangulum ABC ad triā-
gula KAB LBC, quam ad portiones AKB BLC; minora enim
sunt triangula portionibus. habebit TS ad SE miore pro-
portionem, quam QO ad OE. ac propterea erit punctū S
propinquius ipsi E, quā O. Nam si punctum S primū
esset in eodem puncto O, tunc TO ad OE, non quidem
maiorem, sed minorem haberet proportionem, quā QO
ad OE, cū sit TO minor QO. similiter ob eadem cau-
sam si punctum S esset inter OT, minorem haberet pro-
portionem TS ad SE, quā QS ad SE, quare & adhuc
maiorem haberet proportionem QO ad OE, quā TS
ad SE. necesse est igitur punctum S esse inter puncta OE.
Itaque cū punctum O sit centrū gravitatis portionis ABC,
punctum verò S centrum sit gravitatis rectilineæ figuræ
AKBLC; constat portionis ABC centrum gravitatis propinquius
esse vertici B, quā centrum rectilineæ figuræ inscriptæ. Et in om-
nibus rectilineis figuris in portionibus planè inscriptis eadem est ratio.
quod demonstrare oportebat.

4. primi
huius.ex 8. pri-
mi huius.

8. quinti.


8. quinti.

8. quinti.

S C H O L I V M.

*

In fine primæ demonstrationis in vltima conclusione quãdo inquit Archimedes. *Quare totius portionis centrum propinquius est vertici portionis, quã trianguli planè in scripti* Græcus codex ita se habet. ὥς τ' ἐῖη καὶ ἐγγύτερον τῆς τοῦ τμήματος κορυφῆς τὸ κέντρον τοῦ ὅλου τμήματος, ἢ τοῦ ἐγγεγραμμένου τριγώνου γωνίμῳς. verbaquẽ ἐῖη καὶ malè interposita sunt, nullumquẽ cum alijs rectum sensum habent, quare horum loco ponerem. ἐς, vt sensus sit, ὥς τ' ἐγγύτερον ἐς τῆς τοῦ τμήματος, &c.




Observandum autem occurrit in demonstrationibus, ab Archimede allatis, quòd in prima demonstratione supponit Archimedes, HFGI esse parallelogrammum. quòd vt sit parallelogrammum, necesse est supponere centra grauitatis HI secare lineas KF LG in partes inuicem proportionales. quod tamen supponi posse minimè videtur. Et si quis ex quinto postulato obijceret, centra grauitatis in æqualibus, similibusquẽ figuris esse æqualiter posita; admitti quidem potest, quo-

niam

niam figuræ, ipsorumquæ centra inter se coaptari possunt. ut omnibus figuris rectilineis equalibus, & similibus accidere potest. Hoc tamē contingere posse in parabolis, ut AKB BLC , videtur incōueniēs. Nā quamuis AKB BLC sint æquales, & sint etiā similes; non sunt tamen similes ea si militudine, ut sunt rectilineæ figuræ; ut antea diximus. Quod etiam perspicuū fit ex hoc, quia non semper coaptari poterit portio AKB cū portione BLC . nō. n. semper recta linea BC erit æqualis ipsi BA ; neq; sectionis linea BLC sectionis lineæ BKA æqualis existet. Cū nō semper AC , & quæ sunt ipsi AC æquidistantes ad rectos sint angulos diametro BD . si. n. æquidistantes lineæ diametro fuerint perpendiculares, tunc AB BC inter se æquales essent; portioq; AKB cū portione BLC coaptari posset: secūs autem minimè. Quare centra grauitatis HI lineas $KFLG$ in eadem proportionē secare minimè supponi posse videtur; tūm ex ijs, quæ dicta sunt; tū quia hoc ostendet Archimedes in septima propositione. quod si adhuc non est demonstratū, nō potest quoq; supponi; præsertim cū sit demonstrabile. ac propterea demonstratio nullam videtur vim habere ad ostendendū, quod propositū fuit. Huic tamē occurri posse videtur cū Eutocio in explicatione huius loci dicendo, hoc supponere Archimedē, quia portiones AKB BLC sunt æquales, quarū diametri $KFLG$ sunt æquales, & æquidistantes, quæ similiter diuiduntur à punctis HI ; unde erit kG ad HF , ut LI ad IG . ex quibus colligit HF ipsi IG æqualē esse; ac propterea HG parallelogramū existere. Quæ tñ responsio nō est Eutocio digna. cū ex dictis nō sit omninō demonstratiua, ut res mathematicæ requirūt; quapropter omitenda est. hac. n. ratione supponitur centra HI lineas $KFLG$ in eadem proportionē secare. quod nullo modo supponi potest. Quare dici poterit, & fortasse rectius, quod vis demonstrationis videtur in hoc esse constituta, ut supponatur puncta HI vbicunq; esse posse in lineis $KFLG$; ita ut siue ducta HI fuerit, siue etiam non fuerit ipsi FG æquidistans, demonstratio tamē suam semper habebit vim, idēq; concludet. Nam ex præcedēti patet centra grauitatis portionum AKB BLC esse in lineis $KFLG$; hoc est inter puncta KF , & LG . supponatur itaq; centra grauitatis portionū AKB BLC esse puncta HI vbicunq; po-

sita, dūmodo sint in lineis KF LG, veluti Archimedes ipse in demonstratione supponit. Ducaturq; HI; quæ vel ipsi FG æquidistans erit, vel minùs: si est æquidistans, parallelogramū est HFGI, & vera est demonstratio Archimedis. si verò nō est æquidistās, nihilominus verissima est eadem demōstratio. Nā si HI ipsi FG nō est æquidistās, patet in primis pūctū Q propinquius esse vertici B portionis ABC, quā pūctū N, ac per consequens, quā pūctum E centrum grauitatis trianguli ABC. Et quoniam lineæ HI FG à lineis diuiduntur KF BN LG æ-



1. lēua ī is
primi hu-
ius.

quidistantibus, erit HQ ad QI, vt FN ad NG. est autem FN ipsi NG equalis, ergo HQ ipsi QI equalis quoque erit. itaque quoniam portiones AKB BLC sunt æquales, erit magnitudinis ex vtriusque AKB BLC portionibus compositę centrū grauitatis in mediolineę HI. ergo erit pūctum Q. quo cognito eadem demonstratio Archimedis ostendet centrum grauitatis portionis ABC esse inter pūcta EQ. Nam ex verbis ipsius, cū ait, *Quoniam autem trianguli ABC centrum grauitatis est pūctum E magnitudinis verò ex vtriusque AKB BLC compositæ est pūctum Q; constat totius portionis ABC centrum grauitatis esse in in linea QE: hoc est inter pūcta QE. Quare totius portionis centrum grauitatis propinquius est vertici portionis, quā trianguli planè inscripti.* manifestū est igitur centrum grauitatis portionis ABC, siue sit HI ipsi FG æquidistans, siue non æquidistans, propinquius esse vertici B portionis, quā cētrum

gra-

grauitatis trianguli ABC. Quare circa verba demonstrationis, cum inquit Archimedes, *& quoniam parallelogrammum est HFGJ, & æqualis est FN ipsi NG.* &c. immitando secundam Archimedis demonstrationem huius propositionis, vel delenda sunt verba, *parallelogrammum est HFGI,* & tamquam ab aliquo addita; ita vt verba sint hoc modo vniuersalia, *& quoniam æqualis est FN ipsi NG,* & quæ sequuntur, vel sat fortasse Archimedi visum est, se ostendisse hoc contingere existente HI ipsi FG æquidistante. quòd si etiam non fuerit HI æquidistans FG, idem sequi tanquam notum omisit. cum per facilis sit demonstratio, vt dictum est. Archimedesquè res valde notas sepè prætermittere solet.

Hoc idem etiam considerari potest in secunda demonstratione quamuis verba hanc difficultatem non habeant. nã eadem sequitur demonstratio, siuè sit HM lineæ IN æquidistans, vel non æquidistans, vt ex verbis Archimedis perspicuum est. etenim manifestum est centra grauitatis portionum AKB BLC esse in lineis KF LG. similiter centra grauitatis triangulorum AKB BLC in iisdem esse lineis KF LG. vt in punctis IN; quæ necessariò diuidunt KF LG in partes proportionales, vnde FI GN euadunt æquales. & quoniam portionum centra HM sunt propinquiora verticibus KL, quam triangulorum centra IN; ideo necesse est puncta HM in lineis KI LN existere. quare sint puncta HM vbicūque in lineis KI LN constituta; ductaq; HM, quæ siuè sit ipsi IN æquidistans, siuè non æquidistans, semper erit punctum Q propinquius vertici B, quam T. eodemquè modo erit punctum Q mediū lineæ HM centrū grauitatis magnitudinis ex portionib⁹ AKB BLC compositæ. liquidem portiones sunt æquales. quæ quidē omnia ex ipsamet demonstratione sunt manifesta. suntquè hæc eadē obseruāda in duabus sequētib⁹ demonstrationib⁹.

4. huius.

ante 15.
primi huius.

PROPOSITIO. VI.

Data portione rectilinea, rectanguliquè confectione cōtenta, in portione figura rectilinea planè inscribi potest; ita vt linea inter centrum graui-

æqualis, eandem habebit proportionem BH ad HE, quā
 ad F. quæ est proportio trianguli ABC ad K. unde figu-
 ra rectilinea AGBLC ad circumrelictas portiones maiorem
 habebit proportionem, quā BH ad HE. si verò ponatur
 HE maior, quā F, habebit BH ad F, hoc est triangulū
 ABC ad K maiorem proportionem, quā BH ad HE.
 multo igitur maiorem habet proportionem figura rectilinea AGBLC ad
 circumrelictas portiones, quā BH ad HE. Quare si fiat ut rectili-
 nea figura AGBLC ad circumrelictas portiones, sic alia quædam li-
 nea ad HE. erit maior, quā BH. sitquē HM. Cum enim portio-
 nis ABC centrum gravitatis sit H. figuræ verò rectilineæ AGBLC
 punctum E. producta EH, assumptaquē aliqua recta linea proportionē
 habente ad EH, quā rectilineum AGBLC ad circumrelictas por-
 tiones; maior erit quā HB. habeat igitur (vt dictum est) MH ad
 HE proportionem eam, quam habet figura AGBLC ad reli-
 quas portiones, ergo punctum M centrum est gravitatis magnitudi-
 nis ex circumrelictis portionibus compositæ. quod esse non potest. Ducta
 enim recta linea RS per M ipsi AC æquidistante, in ipsa sunt centra
 gravitatis unicuiquē portioni respondentia; ita scilicet vt centrum
 magnitudinis ex portionibus ANG GOB compositæ sit in
 linea RS. sed in parte MR. in parte verò MS sit gravitatis
 centrum magnitudinis ex reliquis portionibus BPL LQC
 compositæ; ita vt punctum M magnitudinis ex omnibus
 portionibus compositæ centrum gravitatis existat. quæ tamē
 esse non possunt. quod idem accideret, si etiam RS ipsi AC
 æquidistans non esset. Patet igitur HE minorem esse, quā F.
 cū neque maior, neque æqualis esse possit. quod quidem de-
 monstrare oportebat.

7. quinti.

8. quinti.

8. primi
libri.

S C H O L I V M.

In hac quoque demonstratione observandum est, quod
 post quartam huius adnotauimus; nimirum si pentagonum
 AGBLC in portione planè inscriptum relinqueret portiones
 ANG GOB BPL LQC, quæ simul maiores, vel etiam æ-


A

quales

quales essent spacio K. Rursus planè adhuc inscribatur in portione ABC nonagonum, deinde altera figura, idquè semper fiat, donec circumrelicte portiones simul sint spacio K minores. quod quidem fieri posse ibidem ostendimus.

PROPOSITIO. VII.

Duabus portionibus similibus recta linea, re-
ctanguliquè coni sectione contentis, centra gra-
uitatum diametros in eadem proportione dispe-
scunt.



*Sint duæ portiones, quales dictæ sunt ABC EFG. quarum diame-
tri BD FH. sitquè portioneis ABC centrum gravitatis punctum K.
ipsius verò EFG punctum L. Demonstrandum est, puncta KL in
eadem proportione diametros diuidere, ita vt BK ad KD sit, vt FL*

ad

ad LH. *si autem non.* si fieri potest, sit BK ad KD, ut FM ad MH. & in portione EFG rectilineum planè inscribatur, ita ut linea inter centrum grauitatis portionis, & centrum grauitatis figuræ inscriptæ minor sit, quàm LM. sit què figuræ inscriptæ centrum grauitatis punctum X. erit utique punctum L propinquius vertici F, quàm punctum X. & quoniam LX minor est, quàm LM, erit quoque punctum X vertici F propinquius, quàm M. *In portione autem ABC inscribatur figura rectilinea similis figuræ in portione EFG inscriptæ. hoc est similiter planè,* (ita nempe ut figuræ latera multitudine equalia habeant) cuius centrum grauitatis sit punctum N. & quoniam figuræ in portionibus planè inscriptæ habent latera multitudine equalia, ipsarum centra grauitatis diametros BD FH in eadem proportionem disparent. quare erit BN ad ND, ut FX ad XH. positum autè fuit ita esse FM ad MH, ut BK ad KD. si itaque punctum X propinquius est ipsi F, quàm M; erit & punctum N ipsi B propinquius, quàm K. est verò punctum K centrū grauitatis portionis ABC, punctum verò N centrum figuræ inscriptæ; ergo centrum grauitatis figuræ inscriptæ propinquius erit vertici portionis, quam centrum ipsius portionis. quod fieri nō potest. Manifestum est igitur eandem habere proportionem BK ad KD, quam FL ad LH. quod demonstrare oportebat.

6. huius.

5. huius.

3. huius.

S C H O L I V M.

Præsens demonstratio ea tantum ratione efficax esse videtur, quatenus supponitur punctum L vertici F propinquius esse, quàm M. ex hoc enim sequitur punctum X esse ipsi F propinquius, quàm M. unde euenit absurdum, nempe, punctum N esse vertici B propinquius, quàm K. Quod si suppositum fuerit BK ad KD ita esse, ut FP ad PH; fuerit autem P inter LF; tunc centrum grauitatis figuræ in EFG

planè

Lemma in 4.
buius.

28. quinti.
addi.

10. quinti.


planè inscriptæ esset inter puncta PH; unde centrum etiam figuræ in ABC similiter planè inscriptæ inter KD eueniret; essetquè centrum grauitatis portionis ABC vertici B propinquius, quàm centrum figuræ planè inscriptæ. ideoquè nullū accideret absurdum. Quare si suppositum fuerit FP ad PH esse, vt BK ad KD, tunc (vt eadem demonstratio rei propositæ inferuire posset) diuidenda esset diameter BD in Q; ita vt BQ ad QD sit, vt FL ad LH. & quoniam maiorem habet proportionem FL ad LH, quàm FP ad PH; siquidem maior est FL, quàm FP, & PH maior, quàm LH. Vt verò FL ad LH, ita est BQ ad QD; & vt FP ad PH. ita BK ad KD; maiorem quoque habebit proportionem BQ ad QD, quàm BK ad KD. & componendo BD ad DQ maiorem, quàm eadem BD ad DK. Quare maior est DK, quàm DQ. & ob id punctum K propinquius erit vertici B, quàm Q. Deinde planè inscribenda esset figura in portione ABC, ita vt linea inter centrum figuræ inscriptæ, & centrum portionis minor esset, quàm KQ; & reliqua quæ sequuntur, ita tamen, vt quæ facta sunt in EFG, fiant in ABC; & quæ in ABC, fiât in EFG. ostendereturquè centrum figuræ inscriptæ in portione EFG propinquius esse vertici F, quàm centrum grauitatis ipsius portionis EFG. quod quidem fieri non potest. Ex quibus perspicuum fit demonstrationem esse vniuersalem. & hanc demonstrationis partem Archimedes omisisse, vt notam. Et vt antea admonuimus, quòd centra grauitatis diametros in eadem proportionem diuidunt, omnibus parabolis competere intelligendum est. siquidem omnes sunt similes. quo demonstrato, in sequenti, quo in loco, & in qua diametri parte reperitur centrum grauitatis paraboles demonstrat, quòd vt res perspicua reddatur; hæc priùs demonstrabimus.

LEMMA. I.

Si magnitudo magnitudinis fuerit quadrupla, minor verò magnitudo alterius magnitudinis sit tripla, maior magnitudo vtrarumquè simul magnitudinum tripla erit.

Qua-

Quadrupla sit magnitudo A magnitudinis BC. sit verò BC alterius magnitudinis CD tripla. Dico magnitudinem A vtrarumquè simul BC CD, hoc est BD triplam esse. Quoniam enim BC tripla est ipsius CD, erit componendo BC cum CD, hoc est BD ipsius CD quadrupla. sed magnitudo quoque A quadrupla est ipsius BC, eandem igitur habet proportionem A ad BC, vt BD ad CD. & permutando A ad BD, vt BC ad CD. & est quidem BC tripla ipsius CD, ergo A ipsius BD tripla existit. quod demonstrare oportebat.




16. quinti.

L E M M A. II.

Si magnitudo magnitudinis fuerit sesquitertia, erit magnitudo minor ipsius excessus tripla.

Sit magnitudo AB magnitudinis C sesquitercia; excessus verò, quo AB superat C, sit BD. Dico magnitudinē C ipsius BD triplam esse. quod quidem ex se patet. Nam quoniam BD est excessus, quo AB superat C. magnitudo autem AB ipsam C superat tertia ipsius C parte, cum sit AB ipsius C sesquitertia. erit igitur BD tertia pars ipsius C. quare magnitudo C ipsius BD tripla existit. quod ostendere oportebat.



L E M M A. III.

Sit magnitudo AB ipsius BC sextupla. sit verò AD tripla ipsius AC. Dico BD ipsius BA sesquialteram esse.

Y

Quo-

16, quinti.

Quoniā .n. AD multiplex est ipsius AG, erit AC pars ipsi⁹ AD. ac propterea ipsam AD metietur. rursus quoniam AB, hoc est AC vnā cum CB sextupla est ipsius BC, erit diuidēdo AC ipsius CB quintupla. vndē CB ipsam AC, ac propterea etiā ipsam AB metietur. Vt autem AC ad AD, ita fiat CB ad aliam magnitudinē G; erit vtiq; CB ipsius G pars tertia, cū sit AC ipsius AD pars quoque tertia. Itaque quoniam CB ad G est, vt AC ad AD, erit permutando CB ad CA, vt G ad AD. BC verò ipsam CA metitur, eiusquē est pars quinta; ergo G ipsam quoque AD metietur, eritquē ipsius pars quinta. Quoniam autem BC ipsam BA metitur, eademquē BC ipsam quoque G metitur, erit BC ipsarum AB G communis mensura. quia verò AB sextupla est ipsius CB, G verò est eiusdem CB tripla, erit AB ad G, ut sextupla ad triplam. hoc est se habebunt in dupla proportionē. quapropter AB dupla est ipsius G; ac per consequens G ipsam AB metitur. Quoniam igitur G totam AD metitur, & ablatam AB quoque metitur; metietur G reliquam BD. G igitur ipsarum AB BD communis existit mensura. & quoniā AB dupla est ipsius G, tota verò AD eiusdem G quintupla existit, erit reliqua BD tripla ipsius G. Ex quibus sequitur DB ad BA ita se habere, vt tripla ad duplam. Quare DB ipsius BA sesquialtera existit. quod ostendere oportebat.




PROPOSITIO. VIII.

Omnis portiois recta linea, rectanguliquē coni sectione contentæ centrum grauitatis diametrum portiois ita diuidit, vt pars ipsius ad verticem portiois reliquæ ad basim sit sesquialtera.

Sit

Sit portio ABC , qualis dicta est. ipsius verò diameter sit BD . centrum autem gravitatis sit punctum H . ostendendum est BH ipsius HD sesquialteram esse. Planè inscribatur in portione ABC triangulum ABC . cuius centrum gravitatis sit punctum E . bisariamquè diuidatur utraqùè AB BC in punctis FG . & ipsi BD æquidistantes ducantur FK GL . erunt utique FK GL diametri portionum AkB BLC . sit itaque portionis AkB centrum gravitatis M ; portionis verò BLC punctum N . connectanturque FG MN KL , quæ diametrum BD se-



cent in punctis OQS . Quoniam igitur puncta MN in eadè proportionè diuidunt KF LG , erit KM ad MF , vt LN ad NG . & componendo KF ad FM , vt LG ad GN . & permutando KF ad LG , vt FM ad GN . suntquè KF LG æquales; erit FM ipsi GN equalis; & reliqua Mk reliquæ LN æqualis. & quoniam FM GN , & Mk NL sunt æquidistantes, erunt FG MN KL inter se æquales, & æquidistantes. & est BD æquidistans KF , erit igitur SQ ipsi KM æqualis. quia verò KF BD LG sunt æquidistantes, erit MQ ad QN , vt FO ad OG . Cùm autem sit BF ad FA , vt BG ad GC ,
7. huius.
18. 16. quiti
post primā
huius.
32. primi
34. primi
1 lem na
in 13. pri
mi huius


lēma in ali
ter 13 pri
mi huius

post primā
huius.

4. primib
ius.

7. huius.

erit FG ipsi AC æquidistans. & vt AD ad DC, ita FO ad OG. sunt autem AD DC æquales, ergo FO OG, ac per consequens MQ QN interse sunt æquales. itaque quoniam portiones AKB BLC sunt æquales, magnitudinis ex utrisque portionibus AKB BLC compositæ centrum grauitatis erit in medio lineæ MN; hoc est erit punctum Q. & quoniam BH ad HD est, vt KM ad MF (centra enim grauitatum portionum in ea-



dem proportionem diametros secare necesse est) & componendo
18. quinti. BD ad DH, vt KF ad FM. permutandoquæ vt BD ad KF,
16. quinti. ita HD ad MF. at verò BD quadrupla est ipsius KF. Hoc enim
A in fine demonstratum est, ubi est signum hoc, H. quadrupla igitur est
19. quinti. & DH ipsius MF. Quare & reliqua BH reliquæ KM, hoc est i-
psius SQ, quadrupla existit. existente autem tota BH, quæ cō-
posita est ex BS QH, & SQ, quadrupla ipsius SQ; dempta
SQ ab ipsis BS QH SQ, reliqua igitur ex utrisque BS QH
constans tripla est ipsius SQ. sit BS tripla ipsius SX. & quoniā
tota HQ cum SB ad totam QS est, vt ablata BS ad ab-
19. quinti. latam SX; sunt quidem triple; erit reliqua HQ ad reliquā
B QX in eadem proportionem. ergo & QH ipsius XQ est tripla.
Et quoniam quadrupla est BD ipsius BS. hoc enim demonstratum
1. lēma huius est. ipsa verò BS ipsius SX est tripla; erit BD ipsius BX tripla.

ac propterea erit XB ipsius BD pars tertia. Verum ED ipsius DB pars tertia existit. Cum centrum gravitatis trianguli ABC sit punctum E . quod ita diuidit BD , ut BE ipsius ED sit dupla. At verò quoniam totius lineæ BD (quæ composita est ex DE EX XB) tertia pars est ipsa DE . & tertia quoque ipsa BX ; reliqua igitur XE tertia est pars ipsius BD . & quoniam totius portionis centrum gravitatis est punctum H ; magnitudinis verò ex utrisque portionibus AKB BLC compositæ centrum gravitatis est punctum Q ; trianguli verò ABC est punctum E ; erit triangulum ABC ad circumrelictas portiones AKB BLC , ut QH ad HE , triplū autem est triangulum ABC portionum. Cum tota portio ABC sesquialter sit trianguli ABC , excessus verò, quo portio ABC superat triangulum ABC , sint portiones AKB BLC simul sumptæ. tripla igitur est QH ipsius HE . ostensa verò est etiam QH tripla ipsius QX . quare erit QX ipsi HE æqualis. & quoniam HQ est tripla ipsius QX , erit HQ cum QX , hoc est tota BX quadrupla ipsius QX , hoc est ipsius HE . similiter quoniam XH quadrupla est ipsius HE ; quintupla igitur est XH cum HE , tota scilicet XE ipsius EH ; hoc est DE ipsius EH . inuicem enim sunt æquales EX ED , ut ostensum est. Cum itaque sit DE ipsius EH quintupla; erit DE cum EH sextupla ipsius EH . Quare sextupla est tota DH ipsius HE . & est BD ipsius DE tripla; sequialtera igitur est BH ipsius HD . Quare centrum gravitatis H ita diuidit diametrum BD , ut pars BH ad HD sesquialtera existit. quod demonstrare oportebat.

ante 13. primi huius.

8 primi huius.

2. lemma huius.

9. quinti.

3. lemma huius.

S C H O L I V M.

Ea verba in demonstratione posita nempe *Hoc enim in fine demonstratum est, ubi est signum hoc, H.* ita credo esse intelligenda, quòd scilicet Archimedes alicubi, & in fine, siue huius, siue alicuius alterius demonstrationis, demonstrauerit lineam

A

BD quadruplam esse ipsius KF. & vbi hoc demonstratum erat, ibi quoque pro signo posita fuerit littera H. quod quidem ostensum est à nobis paulò ante secundam huius propositionem; vbi etiam apposuimus pro signo hanc litteram H.

B Rursum in demonstratione paulò infra Archimedes dixit, *Hoc enim demonstratum est*, scilicet BD ipsius BS quadruplam esse. supponit autem hoc tanquam demonstratum post primam propositionem huius, vbi tota BD est sexdecim, & BS quatuor, vt eodem in loco ostensum fuit à nobis. Vel ad ea respexit Archimedes, quæ ab ipso in decimanona propositione de quadratura parabolæ demonstrata fuerunt. vbi circa finem demonstrationis ostendit BD quadruplam esse ipsius BS.


Inuento itaque centro grauitatis parabolæ, vult Archimedes inuestigare centrum grauitatis frusti à parabole abscissi. quemadmodum in primo libro post inuentionem centri grauitatis trianguli, adinuenit etiam centrum grauitatis trapezii. quod est tanquam frustum à triangulo abscissum. quare duo adhuc theoremata proponit, in quorum postremo, vbi sit centrum grauitatis frusti demonstrat. in sequenti verò quædam demonstrat necessaria, vt huiusmodi centrum determinare possit. Quoniam autem sequens theorema arduum, difficilequæ se se offert; nonnulla prius quibusdam lemmatibus ostendamus, ne si in demonstratione ea infererentur, longa nimis euaderet, ac tædiosa demonstratio. quæ quidem summa indiget attentione. quamquàm in hoc theoremate explicando ad vitandam obscuritatem copiosum sermonem adhibendum curauimus; ne breuitati studentes obscuriores essemus.

L E M M A. I.

Si quatuor magnitudines in continua fuerint proportionē,
& earum excessus in eadem erunt proportionē magnitudinū.

Sint

Sint quatuor magnitudines AF BH CL D in continua proportionē; ut scilicet sit AF ad BH, ut BH ad CL; & CL ad D. excessus verò, quo AF superat BH, sit EF. & excessus, quo BH superat CL, sit GH. excessus denique, quo CL superat D, sit KL. erunt utique AE BH inter se æquales, itidemquē




BG CL æquales. Dico EF GH KL in eadem esse proportionē, ut sunt magnitudines AF BH CL, & ut BH CL D. Quoniam enim tota AF ad totam BH est, ut BH ad CL; hoc est ut ablata EA ad ablatam GB. erit reliqua EF ad reliquam GH; ut AF ad BH. Pariter ratione ostenderetur GH ad KL ita esse, ut BH ad CL. ergo excessus EF GH KL in eadem sunt proportionē, ut magnitudines AF BH CL. quæ cum sint, ut magnitudines BH CL D, siquidem omnes in continua sunt proportionē; excessus igitur EF GH KL in eadem quoque sunt proportionē, ut magnitudines BH CL D. quæ quidem demonstrare oportebat.

19. quinti.

L E M M A. II.

Si tres fuerint magnitudines, & alia ipsis numero æquales, & in eadem proportionē, in primis magnitudinibus prima, & secunda ad tertiam erunt, vt in secundis magnitudinibus prima & secunda ad tertiam.



Sint tres magnitudines ABC, & alia tres DEF in eadē proportionē. Dico AB simul ad C ita esse, vt DE simul ad F. Quoniam enim A ad B est, ut D ad E, erit componēdo AB ad B, ut DE ad E. sed vt B ad C, ita est E ad F. ergo ex equali AB simul ad C est, vt DE simul ad F. quod demonstrare oportebat.

18. quinti.
22. quinti.

L E M M A. III.

Si fuerit AB ad AC, vt DE ad DF. Dico excessum BC ad CA ita esse, vt excessus EF ad FD.


cor. 4. quinti

Quoniam enim est AB ad AC, vt DE ad DF, erit con-

uer

uertendo CA ad AB, vt FD ad DE. & per conuer-
sionem rationis AC ad CB, vt DF ad FE. & rursus
conuertendo CB ad CA, vt FE ad FD. quod demõ-
strare oportebat.

ALITER.




co. 4. quinti.

Quoniam enim AB est ad AC, vt DE ad DF, erit conuer-
tendo AC ad AB, vt DF ad DE. diuidendoquè CB ad BA, vt
FE ad ED. est autem AB ad AC, vt DE ad DF, erit igitur
ex æquali BC ad CA, vt EF ad FD. quod demonstrare oportebat.

17. quinti.
22. quinti.

LEMMA IIII.



Si fuerint quocunque magnitudines ABC, & alię ipsis nu-
mero æquales DEF, & in eadẽ proportionẽ. Dico vtramque
simul AD ad vtramque simul BE, & vtramque simul BE ad v-
tramque simul CF eandem habere proportionem, quam ha-
bet A ad B, & B ad C.

Z


Quo-

12. quinti.

Quoniam enim est A ad B, ut D ad E; erit AD simul ad BE simul, ut A ad B. similiter quoniam B ad C est, ut E ad F, erit BE simul ad CF simul, ut B ad C. in eadem igitur sunt proportione AD simul, & BE simul, & CF simul, ut ABC. quod demonstrare oportebat.

L E M M A. V.

Si magnitudo magnitudinis fuerit sesquialtera ad tres quintas eiusdem erit duplex sesquialtera.




Sit AB ipsius CD sesquialtera. sit uerò CE tres quintæ ipsius CD. Dico AB ad CE ita esse, ut quinque ad duo. Fiat EF æqualis EC, erit CF sex quintæ ipsius CD. & quoniam AB ipsius CD est sesquialtera, superabit AB ipsam CD dimidia ipsius CD. erit igitur AB septem quintæ cum dimidia ipsius CD. quare CF minor est AB. fiat igitur AG æqualis CF. erit utique AG sex quintæ ipsius CD. & ob id GB ipsius CD quinta est pars cum dimidia. & quoniam CE est eiusdem CD tres quintæ, erit BG dimidia ipsius CE. quare GB ipsam CE bis metietur. Et quoniam EF est æqualis ipsi EC, ipsa BG bis quoque metietur ipsam EF. quare

Totam CF, hoc est ipsam AG quater metietur. at verò GB ipsam semel metitur ipsa igitur GB totam AB quinquies metietur. Ex quibus liquet GB ipsarum ABCE communem esse mensuram. Erit quidem AB quintupla ipsius BG; ipsa verò CE eiusdem BG dupla. erit AB ad CE, ut quintupla ad duplā. hoc est duplex seu quialtera. quod demonstrare oportebat.

PROPOSITIO. VIII.

Si quatuor lineæ in continua fuerint proportionem, & quam proportionem habet minima ad excessum, quo maxima minimam superat; eandem habeat quædam assumpta linea ad tres quintas excessus, quo maxima proportionalium tertiam excedit: quam verò proportionem habet linea æqualis duplæ maximæ proportionalium, & quadruplæ secundæ, & sextuplæ tertiæ, & triplæ quartæ ad lineam æqualem quintuplæ maximæ, & decuplæ secundæ, & decuplæ tertiæ, & quintuplæ quartæ, eandem habeat quædam assumpta linea ad excessum, quo maxima proportionalium tertiam superat; utræque simul assumptæ lineæ erunt duæ quintæ maximæ.

. Sint quatuor lineæ proportionales AB BC BD BE , ita vt AB ad BC sit, vt BC ad BD . & vt BC ad BD , ita sit BD ad BE . & quam proportionem habet BE ad $E A$, eandem habeat FG ad tres quintas ipsius $A D$. quam autem proportionem habet linea æqualis duplæ ipsius AB , & quadruplæ ipsius BC , & sextuplæ ipsi⁹ BD , & triplæ ipsi⁹ BE , ad lineã æqualẽ quĩtuplæ ipsi⁹ AB , et decuplæ ipsi⁹ CB , & decuplæ ipsi⁹ BD , & quintuplæ ipsius BE , eandem habeat GH ad $A D$. Ostēdendū est FH duas quintas esse ipsius AB . Quoniam enim proportionales sunt AB BC BD BE , & ipsarum excessus AC CD DE in



1. lēma huius.

2. lemma huius.

1. lēma huius.

2. lemma huius.

eadem erunt proportione. & quoniam magnitudines AB BC BD in continua sunt proportione, & earum excessus AC CD DE in eadem erunt proportione. quia verò tres sunt magnitudines proportionales AB BC BD ; & alię ipsis numero equales, & in eadem proportione AC CD DE , erit in primis magnitudinibus prima, & secunda ad tertiam, vt in secundis magnitudinibus prima, & secunda ad tertiam; hoc est vtraque simul AB BC ad BD eandem habebit proportionem, quam vtraque simul AC CD , hoc est AD ad DE ; & ob eandem rationem cū tres sint proportionales magnitudines AC CD DE , alięquẽ eodem modo proportionales BC BD BE ; erit vtraque simul

AC CD, hoc est AD ad DE, vt *utraque simul BC BD ad EB.*
omnes ad omnes, quoniam scilicet est vtraque simul AB BC
 ad BD, vt horum dupla; erit vtraque simul AB BC ad BD, vt
 dupla vtriufque simul AB BC ad duplam ipsius BD. est autē
 vtraque simul AB BC ad BD, vt AD ad DE. erit igitur AD ad
 DE, vt dupla vtriufque simul AB BC ad duplam ipsius BD.
 quia verò ita etiam est AD ad DE, vt vtraque simul CB BD ad
 BE; erit dupla vtriufque simul AB BC ad duplam ipsius BD, vt
 vtraque simul CB BD ad BE. & vtraque antecedentia ad vtra-
 que consequentia in eadem erunt proportione: eruntque in
 antecedenti duę AB, tres BC, & sola BD. in consequenti verò
 erunt duę BD cum sola BE. erit igitur dupla ipsius AB, & tri-
 pla ipsius CB cum sola BD ad duplam ipsius BD cum sola BE,
 vt vtraque simul CB BD ad BE. vtraque verò simul CB BD
 ad BE est, vt AD ad DE. *eandem ergo proportionem habet AD ad*
DE, quam linea æqualis duplæ ipsius AB, & triplæ ipsius CB, & soli
DB ad lineam æqualem duplæ ipsius BD & soli BE. Quoniam au-
 tem linea composita ex dupla ipsius AB, & quadrupla ipsius
 CB, & quadrupla ipsius BD, & dupla ipsius BE, maior est ea,
 quæ composita est ex dupla ipsius AB, & tripla ipsius CB, &
 sola BD; maiorem habebit proportionem composita ex du-
 pla ipsius AB, & quadrupla ipsius CB, & quadrupla ipsius BD,
 & dupla ipsius BE ad compositam ex dupla ipsius BD cum
 sola BE, quam composita ex dupla ipsius AB, & tripla ipsius
 CB cum sola BD ad eandem compositam ex dupla ipsius BD
 cum sola BE. composita verò ex dupla ipsius AB, & tripla
 ipsius BC cum sola BD ad duplam ipsius BD cum sola BE ita
 ostensa est se habere AD ad DE. composita igitur ex dupla i-
 psius AB, & quadrupla ipsius BC, & quadrupla ipsius BD, &
 dupla ipsius BE ad compositam ex dupla ipsius BD cum sola
 BE maiorem habebit proportionem, quam AD ad DE. *Quam*
itaque proportionem habet linea æqualis duplæ ipsius AB, & quadrupla
ipsius BC, & quadrupla ipsius BD, & duplæ ipsius BE ad lineam æqualem
duplæ ipsius DB, & ad EB, eandem habebit AD ad minorem ipsa DE.
habeat igitur ad DO. & quoniā ita se habet AD ad DO, vt cōpo-
 sita ex dupla ipsius AB, & quadrupla ipsius BC, & quadrupla
 ipsius BD, & dupla ipsius BE, hoc est cōposita ex dupla vtriuf-

11. quinti.

12. quinti.

11. quinti.

8. quinti.


ex 8. quinti

que

co. 4. quiti

18, quinti.

que simul AB BE, & quadrupla vtriusque simul BC BD. (bis enim assumitur AB, & bis BE, quater verò BC, & quater BD) ad compositam ex dupla ipsius BD cum sola BE; erit conuertendo, ut OD ad DA, ita composita ex dupla ipsius BD cū sola BE ad cōpositam ex dupla utriusque simul AB BE, & quadrupla vtriusque simul i CBD. *et utraque ad primas eandem habebunt proportionem.* hoc est componendo erit OA ad AD, vt cōposita ex dupla ipsius BD cum sola BE, & dupla vtriusque simul AB BE, & quadrupla vtriusque simul BC BD ad compo-




sitam ex dupla vtriusque simul AB BE, & quadrupla vtriusq; simul BC BD. In hoc autem antecedente bis sumitur AB, quater BC, sexies verò BD, & ter BE. *habebit igitur OA ad AD eandem proportionem, quam linea æqualis duplæ ipsius AB, et quadruplæ ipsius CB, et sextuplæ ipsius BD, et triplæ ipsius BE ad lineam compositam ex dupla vtriusque simul AB BE, et quadrupla vtriusque simul CB BD. habet autem* (vt suppositum est) GH ad AD eandem proportionem, quam linea æqualis duplæ ipsius AB, & quadruplæ ipsius BC, & sextuplæ ipsius BD, & triplæ ipsius BE ad lineam æqualem quintuplæ ipsius AB, & decuplæ ipsius CB, & decuplæ ipsius BD, & quintuplæ ipsius BE, hoc est ad

quin-

quintuplā vtriūque simul AB BE cū decupla vtriūque simul
 CB BD. In cōsequēti. n. quinquies assūpta est AB, & quinquies
 BE, decies CB, & decies BD. & conuertendo habebit *AD* ad *co. 4. quiti.*
GH eandem proportionem, quam quintupla vtriūque simul AB BE
 cū decupla vtriūque simul CB BD ad lineam compositam ex dupla i-
 ipsius AB, & quadrupla ipsius CB, & sextupla ipsius BD, & tripla i-
 ipsius BE. Dissimiliter autem quā in proportionibus ordinatis, hoc est
 in perturbata proportione quoniam in primis magnitudinibus ita
 se habet antecedens OA ad consequens AD, vt in secundis ma-
 gnitudinibus antecedens composita nempe ex dupla ipsius
 AB, & quadrupla ipsius BC, & sextupla ipsius BD, & tripla
 ipsius BE, ad consequens lineam scilicet compositam ex du-
 pla vtriūque simul AB BE, & quadrupla vtriūque simul CB
 BD: ut autem in primis magnitudinibus consequens AD ad
 aliud quippiam GH, ita in secundis magnitudinibus aliud
 quippiam, nempe linea composita ex quintupla vtriūque si-
 mul AB BE cum decupla vtriūque simul CB BD ad antece-
 dens, hoc est ad compositam ex dupla ipsius AB, & quadru-
 pla ipsius CB, & sextupla ipsius BD, & tripla ipsius BE. quare
 ex equali eandem habet proportionem OA ad GH, quam quintupla v- *23. quiti.*
 triūque simul AB BE cum decupla vtriūque simul CB BD ad
 cōpositā ex dupla vtriūq; simul AB BE, et quadrupla vtriūq; simul
 CB BD. At verò quoniam quintupla ipsius AB ad duplam
 eiusdem AB est, vt quinque ad duo; similiter quintupla ipsi⁹
 BE ad duplam eiusdem BE est, vt quinque ad duo, erit quin-
 tupla vtriūque simul AB BE ad duplam vtriūque simul AB
 BE, vt quinque ad duo. pariquè ratione decupla vtriūque si-
 mul CB BD ad quadruplam vtriūque simul CB BD est, vt
 decem ad quatuor, hoc est vt quinque ad duo. & antecedētia
 ad consequentia in eadem erunt proportione, hoc est composita *12. quiti.*
 ex quintupla vtriūque simul AB BE cum decupla vtriūque simul
 CB BD ad compositam ex dupla vtriūque simul AB BE, & quadru-
 pla vtriūque simul CB BD proportionem habet, quam quinque ad duo
 Quare OA ad GH proportionem habet, quam quinque ad duo. Rursus
 factum fuit AD ad DO, vt composita ex dupla vtriūque si-
 mul AB BE cum quadrupla vtriūque simul CB BD ad lineā
 BE vnā cum dupla ipsius BD. conuertendo etiam quoniam *co. 4. quiti.*

in primis magnitudinibus antecedens OD ad consequens DA eandem habet proportionem, quam in secundis magnitudinibus antecedens EB cum dupla ipsius BD ad consequens, lineam scilicet æqualem lineæ compositæ ex dupla utriusque simul AB BE cum quadrupla utriusque simul CB BD ; est autem (ut antea ostensum est) & in primis magnitudinibus consequens AD ad aliud quippiā DE , ut in secundis magnitudinibus aliud quippiam, lineam scilicet compositam ex dupla ipsius AB , & tripla ipsius CB , & sola BD ad antecedens, nempe lineam æqualē ipsi EB , & duplæ ipsius BD .



23. quinti.

3. lemma huius.

Non igitur perinde, ut in proportionem ordinatam; hoc est, perturbata existēte proportionem, ex æquali est OD ad DE , ut dupla ipsius AB cum tripla ipsius BC & sola BD ad compositam ex dupla utriusque simul AB BE , & quadrupla utriusque simul CB BD . superat verò DE ipsam DO excessu OE ; lineam verò compositam ex dupla utriusque simul AB BE , & quadrupla utriusque simul CB BD lineam excedit compositam ex dupla ipsius AB cum tripla ipsius BC , ac sola BD , excessu lineæ, quæ sit æqualis soli CB cum tripla ipsius BD , & duplæ ipsius BE . Quare est EO ad ED , ut CB cum tripla ipsius BD , & duplæ ipsius EB ad duplæ utriusque simul AB BE , & quadruplæ utriusque simul CB BD . est autem in lineis pro-

por-

portionalibus initio expositis; cum in continua sint propor-
 tione, tertia in ordine BD ad quartam BE, vt prima AB ad
 secundam BC, quare diuidendo vt DE ad EB, ita AC ad 17. quinti. CB.
 Rursus quoniam in lineis proportionalibus ob eandem
 causam CB ad BD ita est, vt DB ad BE; erit diuidendo, vt
 CD ad DB, ita DE ad EB. ego vt DE ad EB, ita AC ad A CB,
 & CD ad DB. ac propterea secundum multiplicem compositio-
 nem tripla ipsius CD, ad triplam ipsius DB est, vt sola CD ad lo-
 lam DB. & dupla ipsius DE ad duplam ipsius EB est,
 vt DE ad EB. est verò CD ad DB, vt DE ad
 EB, & AC ad CB; erit igitur AC ad CB, vt tripla ipsius
 CD ad triplam ipsius DB; & vt dupla ipsius DE ad
 duplam ipsius EB. Quare & tria antecedentia simul ad 12. quinti. tria
 simul consequentia, hoc est, composita ex AC, &
 tripla ipsius CD, & dupla ipsius DE ad compositam ex CB,
 & tripla ipsius DB, & dupla ipsius EB ita erit, vt AC
 ad CB, hoc est, DE ad EB. Rursus itaque dissimili modo,
 quam in proportionibus ordinatis, hoc est in perturbata proportionem,
 quoniam est in primis magnitudinibus antecedens OE ad
 consequens ED, ita in secundis magnitudinibus antecede-
 composita scilicet ex CB, cum tripla ipsius BD, & dupla ip-
 sius EB, ad consequens nempe compositam ex dupla vtriuf-
 que simul AB BE, cum quadrupla vtriufque simul CB BD:
 in primis verò magnitudinibus consequens DE ad aliud quip-
 piam EB est, vt in secundis magnitudinibus aliud quippiam,
 hoc est composita ex AC cum tripla ipsius CD, & dupla ip-
 sius DE ad antecedens, lineam scilicet compositam ex CB cum
 tripla ipsius BD, & dupla ipsius EB. ex aequali eandem 23. quinti.
 habebit proportionem EO ad EB, quam AC cum tri-
 pla ipsius CD, & dupla ipsius DE ad duplam vtriuf-
 que simul AB BE cum quadrupla vtriufque simul CB
 BD. & componendo erit OB ad BE, vt linea AC 18. quinti.
 cum tripla ipsius CD, & dupla ipsius DE, & dupla
 vtriufque simul AB BE, & quadrupla vtriufque si-
 mul CB BD, ad duplam vtriufque simul AB BE
 cum quadrupla vtriufque simul CB BD. In hoc autem

antecedente assumitur sola AC, ter CD, bis DE, bis AB, bis BE, quater CB, & quater BD. Duæ verò AB vnà cum sola AC, & sola CB, ex quatuor vicibus, quibus ipsa CB sumitur, sunt æquales tribus AB. tres autem CB, quæ relictæ sunt, vnà cum tribus CD, & tribus BD ex quatuor vicibus, quibus ipsa BD sumitur, sunt æquales sex CB. sola verò BD, quæ relictæ fuit, vnà cum duabus DE, & duabus BE, est æqualis tribus BD. linea nimirum AC cum tripla ipsius CD, & dupla ipsius DE, & dupla vtriusque simul AB BE, & quadrupla vtriusque simul CB BD, æqualis erit triplæ ipsius AB, cum sextupla ipsius CB, & tripla ipsius BD. Tota igitur OB ad EB eandem habet proportionem, quam linea æqualis triple ipsius AB cum sextupla ipsius CB & tripla ipsius BD ad duplam vtriusque simul AB BE cum quadrupla vtriusque simul CB BD. & quoniam initio ostensum fuit lineas AC CD DE in eadem esse proportionem, vt sunt quatuor lineæ continuè proportionales AB BC BD BE; erunt tres AC CD DE, & tres AB BC BD, & tres BC BD BE in eadem proportionem. conuertendo igitur in eadem quodque erunt proportionem. quare tres ED DC CA, & tres BE BD BC, & tres BD BC BA in eadem sunt proportionem. Quoniam autem BE BD BC ita se habent, vt BD BC BA; vtraque simul BE BD ad vtramque simul BD BC, & vtraque simul BD BC ad vtramque simul BC BA ita se habebunt, vt BE BD BC. hæ verò BE BD BC sunt, vt ED DC CA. ergo & vtraque simul vnaqueque ipsarum EB BD, DB BC, CB BA, ita se habebunt, vt ED DC CA. quare erit & antecedens ED ad suas consequentes DC CA simul sumptas, hoc est ad DA, vt antecedens vtraque simul EB BD ad suas consequentes, nempe ad vtrāque simul DB BC cum vtraque simul CB BA. & componendo EA ad AD, vt vtraque simul EB BD cum vtraque simul AB BC, & vtraque simul CB BD ad vtramque simul BD BC

cor. 4. quæ
u.


4. lema hu
ius.

cor. 2 lem
in pri
mi huius.

18. quinti.

cum

cum vtraque simul CB BA. In hoc autem antecedenti semel sumitur EB, & semel AB, bis BD, & bis BC. in consequenti vero sumitur sola BD, solaquè BA, & bis BC. Proportio igitur ipsarum EA AD est eadem, que est vtraque simul EB BA cum dupla vtriusque simul DB BC ad vtramque simul BD BA cum dupla ipsius BC. Quare & dupla ad duplam eandem habebit proportionē; hoc est, ut EA ad AD, ita dupla vtriusque simul EB BA cum quadrupla vtriusque simul CB BD ad duplam vtriusque simul AB BD cum




quadrupla ipsius CB. Quapropter EA ad tres quintas ipsius AD est, ut composita ex dupla vtriusque simul AB BE, & quadrupla vtriusque simul CB BD ad tres quintas lineæ compositæ ex dupla vtriusque simul AB BD, & quadrupla ipsius CB. Verum quia initio assumptum fuit ita esse BE ad EA, ut FG ad tres quintas ipsius AD, erit conuertendo EA ad EB, ut tres quintæ ipsius AD ad FG; permutandoquè ut EA ad tres quintas ipsius AD, sic est EB ad FG, ut igitur EB ad FG, sic dupla vtriusque simul AB BE cum quadrupla vtriusque

B

co. 4. quiti.
16. quiti.
11. quiti.

Aa 2 simul

simul DB BC ad tres quintas lineæ compositæ ex dupla vtriusque simul AB BD cum quadrupla ipsius CB. ostensum est autem OB ad EB ita esse, ut tripla ipsius AB cum sextupla ipsius CB, & tripla ipsius BD ad duplam vtriusque simul AB BE cum quadrupla vtriusque simul CB BD. At in hoc antecedente ter assumpta est AB, terque BD, & sexies CB. erit itaque in primis magnitudinibus antecedens OB ad consequens EB, ut in secundis magnitudinibus antecedens tripla scilicet vtriusque simul AB BD cum sextupla ipsius CB ad consequens nempe duplam vtriusque simul AB BE, & quadruplam vtriusque simul CB BD.



in primis verò magnitudinibus est consequens EB ad aliud quippiam FG, ut in secundis magnitudinibus consequens, hoc est dupla vtriusque simul AB BE cum quadrupla vtriusque simul DB BC ad aliud quippiam, nempe ad tres quintas lineæ cōpositæ ex dupla vtri⁹ q; simul AB BD cū quadrupla ipsi⁹ CB. Ex equali igitur est, ut OB ad FG, ita linea composita ex tripla vtriusq; simul AB BD, et sextupla ipsi⁹ CB ad tres quintas lineæ cōpositæ ex dupla vtri⁹ q; simul AB BD, & quadrupla ipsius CB. at uerò tripla ipsius AB ad duplā eiusdē AB est, ut tria ad duo. similiter tripla ipsius BD ad duplam eiusdem BD est, ut tria ad duo.

22. quinti.
C

pari-

pariquè ratione sextupla ipsius CB ad quadruplam eiusdem CB ita se habet, vt sex ad quatuor, hoc est tria ad duo, & omnes ad omnes, hoc est composita ex tripla vtriusque simul AB BD, et sextupla ipsius CB ad compositam ex dupla vtriusque simul AB BD, & quadrupla ipsius CB proportionem habet, quam tria ad duo. vt exempli gratia quindecim ad decem, sed eadem composita ex tripla vtriusque simul AB BD, & sextupla ipsius CB ad tres quintas eiusdem compositæ ex dupla vtriusque simul AB BD, & quadrupla ipsius CB, quæ posita est decem, proportionem habet, quam quinque ad duo. hoc est ut quindecim ad sex, tres enim quintæ ipsius decem sunt sex. at verò proportio, quam habet linea cōposita ex tripla vtriusque simul AB BD, & sextupla ipsius CB ad tres quintas lineæ compositæ ex dupla vtriusque simul AB BD cum quadrupla ipsius CB, est æqualis ei, quam habet OB ad FG. ergo erit OB ad FG, vt quinque ad duo. Demonstratū autem est, & AO ad GH proportionem habere, quam quinque ad duo; tota igitur BA ad totam FH proportionem habet, quam quinque ad duo. si autem hoc, est quidem FH duæ quintæ ipsius AB. Quod oportebat demonstrare.

D

5. lemma
huius.

12. quinti.

S C H O L I V M.

Græcus codex post ea verba, vt DE ad EB, ita AC ad CB, non habet, & CD ad DB, quæ ob ea, quæ sequuntur, omninò necessaria videntur. ideo post græca verba, ἔσι δὲ καὶ ὡς διὰ τῶν εἰς, οὕτως ἂν τε αὖ τῶν β, desiderari videntur. καὶ ἂν γὰρ τῶν δ β.

A

Vbi autem sunt verba, vt cōposita ex dupla vtriusque simul, Græcus codex tantum habet, οὕτως ἂν συγχεῖν ἐκτε τὰς συναμφοτέρων. In quibus desideratur illa particula, dupla, ideo corrigendus est hoc modo, οὕτως ἂν συγχεῖν ἐκτε τὰς β συναμφοτέρων, &c.

B


Præterea cùm inquit, *ex aequali igitur est ut OB ad FG*, Græcus non habet, *ad FG*, idcirco poit ea verba καὶ δι' ἰσου ἄρα ἐστὶν ὡς αὐτῶν addenda sunt πρὸς ζη.

Similiter quando inquit *ad compositam ex dupla utriusque simul AB BD, & quadrupla ipsius CB*, græca verba sunt πρὸς μὲν τὰν συγκειμένων ἕκτε τὰς β συναμφοτέρου τὰς αβ βδ τὰς γβ, in quib⁹ similiter desideratur, & *quadrupla*. quare ita corrigendus videtur. πρὸς μὲν τὰν συγκειμένων ἕκτε τὰς β συναμφοτέρου τὰς αβ βδ, καὶ δι' τὰς γβ,

Postremum theorema, & si non habeat tãtam obscuritatẽ, veluti præcedens, non est tamen sine aliqua obscuritate, ob cuius intelligentiam hanc prius propositionem ostendemus.

PROPOSITIO.

Si duæ fuerint rectæ lineæ in parabole ad diametrum ordinatim applicatæ, erit maior parabole ad minorem, vt cubus ex dimidia lineæ maioris ad cubum ex dimidia minoris.



In parabole ABC, cuius diameter BF, duæ sint rectæ lineæ ad diametrum applicatæ AC DE. Dico parabolē ABC ad parabolē DBE eandem habere proportionem, quam cub⁹ ex AF ad cubum ex DG. Iungantur AB BC DB BE; secet.

quẽ

què AB ipsam DG in H. Quoniam enim parabole ABC
 sesquitertia est trianguli ABC, itidemquè parabole DBE
 trianguli DBE sesquitertia existit, erit parabole ABC ad trian-
 gulum ABC, vt parabole DBE ad triangulum DBE. & per-
 mutando parabole ABC ad parabolam DBE, vt triangulum
 ABC ad triangulum DBE. Quoniam autem AC ordina-
 tim est applicata, vnde AF ipsi FC est æqualis, ac per conse-
 quens AF est ipsius AC dimidia. erit triangulum ABF dimi-
 dium trianguli ABC. cum vtraquè sub eadem sint altitudine.
 eademquè ratione triangulum DBG trianguli DBE dimi-
 dium existit. quare vt triangulum ABF ad triangulum
 DBG, ita est triangulum ABC ad DBE triangulum, ac pro-
 pterea triangulum ABF ad DBG triangulum est, vt parabole
 ABC ad parabolam DBE. Cum autem sit HG æquidistans
 ipsi AF, siquidem sunt ordinatim applicatæ, ob triangulorū
 similitudinem ABF HBG, ita erit FB ad BG, vt AF ad HG
 vt autem FB ad BG, ita quadratum ex AF ad quadratum ex
 DG, erit igitur quadratum ex AF ad quadratum ex DG, vt AF
 ad HG. quare lineæ AF DG HG sunt proportionales. Pro-
 ducatur FB, ducaturquè à puncto D ipsi AB æquidistans
 DK, erit vtique triangulorum ABF DKG anguli ABF
 DHG æquales, & angulus AFB angulo DGK est æqualis, erit
 igitur, & reliquus BAF reliquo KDG æqualis, ac propterea
 triangulum ABF est triangulo DKG simile. quare triangu-
 lum ABF ad triangulum DKG eam habet proportionem,
 quàm AF ad DG duplicatam, hoc est quàm AF ad HG, quæ
 est ea, quàm habet FB ad BG. atqui triangulum ABF ad
 DKG eam quoque habet proportionem, quam FB ad GK
 duplicatam. tres igitur lineæ FB GK GB sunt proportiona-
 les. ex quibus sequitur ita esse FB ad GK, vt AF ad DG; &
 GK ad GB, vt DG ad GH. sed quoniam triangulum GDK
 ad GDB (cum sint sub eadem altitudine) ita est, vt KG ad
 BG, si igitur fiat HG ad L, vt KG ad BG, erit triangulum
 GDK ad triangulum GDB, vt HG ad L. Cum autem sit trian-
 gulum ABF ad DKG, vt AF ad HG, estquè triangulū DKG
 ad DBG, vt HG ad L, erit ex equali triangulum ABF ad
 triangulum DBG, vt AF ad L. ac propterea parabole ABC

17. 24. Ar
 ch. de qua.
 par.

16. quinti.

ex prima
 sexti.

ex 4. sexti.

20. primi
 conico. um
 Apoll. &
 ex 3. Arch.
 de quad.
 parab.
 ex cor. 20.
 sexti.

1. sexti.

11. quinti.

ad


ad parabolē DBE eam habet proportionem, quam linea AF ad lineam L. Quoniam autem ita est KG ad GB, vt HG ad L, & vt eadem KG ad GB, ita est DG ad GH. vt verò DG ad GH, ita est AF ad DG; erunt quatuor lineæ AF DG HG L in continua proportionē. & quoniam cubi in tripla sunt proportionē laterum, erit cubus ex AF ad cubum ex DG, vt AF ad L. cubus ergo ex AF ad cubum ex DG eam habet proportionem, quam parabole ABC ad parabolē DBE. quod demonstrare oportebat.

Oportet autem hanc quoquē propositionē nobis esse cognitam, nempe quòd solida parallelepipeda in eadem basi constituta eam inter se proportionem habent, quam ipsarum altitudines.

Hoc quidem à Federico Commandino in eius libro de centro grauitatis solidorum propositione decimanona demonstratum fuit.


P R O P O S I T I O. X.

Omnis frusti à rectanguli coni portione abscissi centrum grauitatis est in recta linea, quæ frusti diameter existit, ita positum, vt diuisa linea in quinque partes æquales, sit in quinta parte media; ita vt ipsius portio propinquior minori basi frusti ad reliquam portionem eandem habeat proportionem, quam habet solidum basim habens quadratum ex dimidia maioris basis frusti, altitudinem autem lineam æqualem vtrique simul duplæ minoris basis, & maiori ad solidum basim habens quadratum ex dimidia minoris basis frusti, altitudinē autem lineam æqualem vtrique duplæ maioris, & minori.



Sit in rectanguli conī portione ABC duæ rectæ lineæ AC DE æquidistantes . diameter verò portionis ABC sit BF. Intelligaturquè frustum ADEC à portione ABC abscissum. omnes utique lineæ ipsis AC DE æquidistantes in frusto AD EC ductæ, erunt à lineâ GF bifariam diuisæ , ex quo patet quidem & ipsius ADEC diametrum esse GF, lineasquè AC DE lineæ portionem in B contingenti æquidistantes esse . Recta verò lineâ FG in quinque partes æquales diuisa , quinta pars media sit HK . atque diuidatur HK in I, ita vt HI ad IK eandem habeat proportionem, quam habet solidum basim habens quadratum ex AF , altitudinem verò lineam æqualem utrisque simul duple ipsius DG, & ipsi AF, ad solidum, quod basim habeat quadratum ex DG, altitudinem autem lineam æqua-

I Arch de quad. par. & 5. secūdi conī corum Apoll.



13. sexti. lem utrisque duple ipsius AF , & ipsi DG . ostenden-
dum est frusti $ADEC$ centrum gravitatis esse punctum I .
sit quidem ipsi FB aequalis MN , ipsi verò GB aequalis NO .
sumaturque ipsarum MN NO media proportionalis NX .
quarta verò proportionalis TN . lineæ nimirum MN NX
 NO NT in continua erunt proportione. & ut TM
ad TN , ita fiat FH ad quandam lineam à puncto I , ut IR , vbi-
cunque perueniat alterum punctum R . nihil enim refert, siue inter
 FG , siue inter GB cadat. & quoniam in portione rectanguli coni
 ABC diameter portionis est FB ; at verò BF , vel prin-
cipalis est diameter portionis, vel ducta diametro æquidistans.
lineæ verò AF DG ad ipsam ordinatim sunt ap-
plicatæ, cum sint æquidistantes contingenti portionem

in pun-

in puncto B. si autem hoc, est ut AF ad DG potentia, sic FB ad BG longitudine, hoc est MN ad NO. ut autem MN ad NO longitudine, ita est MN ad NX potentia. quandoquidem tres lineæ MN NX NO sunt proportionales. ut igitur AF ad DG potentia, ita est MN ad NX potentia. quare, & longitudine in eadem sunt proportionem; ut scilicet AF ad DG, ita MN ad NX. sicut itaque cubus ex AF ad cubum ex DG, ita cubus ex MN ad cubum ex NX. Verum ut cubus ex AF ad cubum ex DG, sic portio ABC ad portionem DBE. ut igitur cubus ex MN ad cubum ex NX, ita portio ABC ad portionem DBE. sicut autem cubus ex MN ad cubum ex NX, ita MN ad NT. cum sint quatuor lineæ MN NX NO NT in continua proportionem. ac propterea erit portio ABC ad portionem DBE, ut MN ad NT. Quare & diuidendo frustum ADEC ad portionem DBE est, ut MT ad NT. Quia verò, ut factum fuit, ita est MT ad TN, ut FH ad IR, est verò FH ipsius FG tres quintæ, erit frustum ADEC ad portionem DBE, ut FH ad IR hoc est tres quintæ ipsius GF ad IR. & quoniam solidum basim habens quadratum ex AF, altitudinem verò lineam compositam ex dupla ipsius DG, & ipsa AF, ad cubum ex AF proportionem habet, quam solidi altitudo ad altitudinem cubi, siquidem sunt in eadem basi. tam enim solidum, quàm cubus basim habet quadratum ex AF. idcirco solidum basim habens quadratum ex AF, altitudinem verò lineam compositam ex dupla ipsius DG, & ipsa AF ad cubum ex AF eam proportionem habet, quam solidi altitudo, dupla, scilicet ipsius DG cum linea AF ad altitudinem cubi, hoc est ad FA. At verò quoniam ostensum est ita esse AF ad DG, ut MN ad NX, erit conuertendo DG ad AF, ut NX ad MN, & antecedentium dupla, hoc est dupla ipsius DG ad AF, ut dupla ipsius NX ad MN. & componendo dupla ipsius DG cum AF ad AF, ut dupla ipsius NX cum MN ad MN. Quare & ut solidum basim habens quadratum ex AF, altitudinem verò lineam compositam ex dupla ipsius DG cum AF ad cubum ex AF, ita dupla ipsius NX cum linea NM ad NM. est autem cubus ex AF ad cubum ex DG, ut cubus ex MN ad cubum ex NX, ut ostensum est,

3. Arch. de
 quad. pa-
 rab. & 20.
 primi con-
 iorum A-
 poll.
 2. cor. 20.
 sexti.
 22. sexti.
 37. undeci-
 mi.

17. quinti.

18. quinti.

hoc est, dupla ipsius AF ad DG, vt dupla ipsius NO ad NT, & componendo, dupla ipsius AF cum DG ad DG, vt dupla ipsius NO cum NT ad NT. & conuertendo DG ad duplam ipsius AF cum DG, vt NT ad duplam ipsius NO cum NT. *Quare & vt se habet cubus ex DG ad solidum basim habens quadratum ex DG, altitudinem verò compositam ex dupla ipsius AF cum DG, ita est TN ad compositam ex dupla ipsius ON, & linea TN.* Itaque ex ijs, quæ dicta sunt, ita se habet solidum basim habens quadratum ex AF, altitudinem verò lineam compositam ex dupla ipsius DG, & linea AF ad cubum ex AF, vt dupla ipsius NX cum NM ad MN, cubus verò ex AF ad cubum ex DG est, vt MN ad NT; ita deinde se habet cubus ex DG ad solidum basim habens quadratum ex DG, altitudinem verò lineam compositam ex dupla ipsius AF, & ipsa DG, vt NT ad compositam ex dupla ipsius NO, & ipsa NT. *Sunt igitur quatuor magnitudines solidum basim habens quadratum ex AF, altitudinem verò lineam compositam ex dupla ipsius DG, & linea AF, & cubus ex AF, & cubus ex DG, & solidum basim habens quadratum ex DG, altitudinem verò lineam compositam ex dupla ipsius AF, & ipsa DG, quatuor magnitudinibus proportionales, duabus simul sumptis lineæ compositæ ex dupla ipsius NX, & ipsa NM; & alteri magnitudini MN; aliquæ deinceps NT, ac tandem lineæ compositæ ex dupla ipsius NO, & ipsa NT. ex aequali igitur erit, vt solidum basim habens quadratum ex AF, altitudinem autem lineam compositam ex dupla ipsius DG, & ipsa AF, ad solidum basim habens quadratum ex DG, altitudinem verò lineam compositam ex dupla ipsius AF, & ipsa DG, ita composita ex dupla ipsius NX, & ipsa MN ad compositam ex dupla ipsius NO, & ipsa NT. sed vt præfatum solidum basim habens quadratum ex AF, altitudinem verò lineam compositam ex dupla ipsius DG, & ipsa AF ad dictum solidum basim habens quadratum ex DG, altitudinem verò compositam ex dupla ipsius AF, & ipsa DG, ita factum fuit HI ad IK. vt igitur HI ad IK, sic*

18. quinti.

cor. 4. quinti.

similap. 31

22. quinti.

11. quinti.


& quadruplam vtriusque simul NX NO . cū hoc quidem con-
 sequens sit duæ quintæ ipsius antecedentis. etenim dupla v-
 triusque simul MN NT quintuplæ earundem simul MN
 NT duæ quintæ existit. & quadrupla vtriusque simul NX
 NO est duæ quintæ decuplæ earundem NX NO . quadru-
 pla enim decuplæ est duæ quintæ. Quoniam itaque ita est FG
 ad FK , vt quintupla vtriusque simul MN NT , & decupla
 vtriusque simul NX NO ad duplam vtriusque simul MN
 NT , & quadruplam vtriusque simul NX NO , & vt FG ad
 KI , ita quintupla vtriusque simul MN NT , & decupla vtri-
 usque simul NX NO ad duplam ipsius ON , & ipsam NT :
 erit FG ad suas consequentes simul sumptas FK KI , hoc
 est FI , vt quintupla vtriusque simul MN NT , & decupla
 vtriusque simul NX NO ad duplam vtriusque simul MN
 NT , & quadruplam vtriusque simul NX NO , & duplam
 ipsius ON , & ipsam NT . sed in hoc consequenti bis sumit-
 tur MN , quater NX , sexies NO , & ter NT . erit igitur vt
 FG ad FI , ita quintupla vtriusque simul MN NT , & decupla v-
 triusque simul NX NO ad compositam ex dupla ipsius MN , & qua-
 drupla ipsius NX , & sextupla ipsius NO , & tripla ipsius NT . &
 conuertendo FI ad FG , vt composita ex dupla ipsius MN ,
 & quadrupla ipsius NX , & sextupla ipsius NO , & tripla ip-
 sius NT ad quintuplam vtriusque simul MN NT , & decu-
 plam vtriusque simul NX NO . Quoniam itaque quatuor rectæ li-
 neæ MN NX NO NT sunt continuè proportionales. factaque
 fuit MN æqualis ipsi FB , & NO ipsi GB ; erit reliqua OM
 ipsi FG æqualis. & vt TM ad TN ita factum fuit FH ,
 hoc est tres quintæ ipsius FG , tres scilicet quintæ ipsius MO
 ad IR . quare & conuertendo vt NT ad TM , ita quedam assum-
 pta linea NI ad tres quintas ipsius FG , hoc est ipsius MO . vt autem
 composita ex dupla ipsius NM , & quadrupla ipsius Nx , & sextupla ip-
 sius NO & tripla ipsius NT ad lineam compositam ex quintupla vtri-
 usque simul MN NT , & decupla vtriusque simul NX NO , sic altera que-
 dam assumpta linea IF ad FG , hoc est ad MO , erit ex superioribus RF
 duæ quintæ ipsius MN , hoc est ipsius FB . ac propterea reliqua RB
 erit tres quintæ ipsius FB . & ob id BR ad RF est, vt tria ad
 duo. Quare punctum R centrum est grauitatis portionis ABC . sit

cor. 2. lem.
 in 13. pri-
 mi huius.

cor. 4. quin-
 ti.

ex præce-
 denti.
 8. huius.

quidem

8. prim. hu
ius.

19. quinti.

8. prim. hu
ius.

quidem portionis DBE centrum gravitatis punctum Q frusti AD
 EC centrum gravitatis erit in linea QR producta, quæ quidem QR
 a ipsam productam eandem habeat proportionem, quam habet frustum
 ADEC ad reliquam portionem DBE. est autem punctum I. nam
 cum sit tota FB ad totam BR, ut ablata BG ad ablatam
 BQ, sunt enim ut quinque ad tria, erit & reliqua FG ad reli-
 quam QR, ut FB ad BR. itaque quoniam tres quintæ ipsius FB
 linea est BR; ipsius verò GB tres quintæ linea est BQ. & reliquæ
 igitur GF est tres quintæ QR. quoniam igitur est, ut frustum AD
 EC ad portionem DBE, ita MT ad NT, ut ostensum fuit; sed ut
 MN ad NT, sic factum fuit FH ad IR, hoc est tres quintæ ipsius
 GF; quæ est QR ad RI. erit igitur ut frustum ADEC ad portionem
 DBE, ita QR ad RI. & est quidem totius portionis ABC centrum
 gravitatis punctum R; ipsius verò DBE centrum gravitatis punctum
 Q; manifestum est igitur frusti ADEC centrum gravitatis esse pun-
 ctum I. quod quidē est in quinta parte media HK ipsius FG ab

eo ita

eo ita diuisa, vt HI ad IK sit, vt solidum basim habens quadratum ex AF, altitudinem autem duplam ipsius DG cum AF ad solidum basim habens quadratum ex DG, altitudinem verò duplam ipsius AF cū DG. quod demonstrare oportebat.

S C H O L I V M.

In hoc Theoremate primū obseruanda occurrunt, verba propositionis, quibus Archimedes præcipit portionem HK in I ita diuisam esse oportere, vt HI ad IK eam habeat portionem, quam habet solidum basim habens quadratum ex dimidia maioris basis frusti, altitudinem autem lineam æqualem vtrique simul duplæ minoris basis, & maiori ad solidum basim habens quadratum ex dimidia minoris basis frusti, altitudinem autem lineam æqualem vtrique, duplæ scilicet basis maioris, & minori. hoc est sit HI ad IK, vt solidum basim habens quadratum ex AF, altitudinem verò lineam æqualem duplæ ipsius DE cum AC ad solidum basim habens quadratum ex DG, altitudinem verò lineam æqualem vtrique simul duplæ ipsius AC, & ipsi DE. In constructione autem hunc propositionis locum explicans, & in pergressu totius demonstrationis, inquit HI ad IK eā debere proportionem habere, quam habet solidum basim habens quadratum ex AF, altitudinem verò lineam æqualem vtrique simul duplæ ipsius DG, & ipsi AF ad solidum basim habens quadratum ex DG, altitudinem verò lineam æqualem vtrique simul duplæ ipsius AF, & DG. Quoniam autem solida parallelepipeda (vt præfata solida sunt) in eadem basi existentia ita se habent inter se, vt eorum altitudines; solidum, quod basim habet quadratum ex AF, altitudinem autem duplam ipsius DE cum AC, duplum erit solidi basim habentis quadratum ex AF, altitudinem verò duplam ipsius DG cum AF. Nam hæc solida eandem habent basim, quadratum nempe ex AF; ipsorumque alterum habet altitudinem duplam. quia cū sit DE dupla ipsius DG, erit dupla ipsius DE dupla ipsius duplæ DG;

& AC

16. *quinti.*

& AC dupla est ipsius AF. altitudines igitur horum solidorū in dupla sunt proportionē. hoc est altitudo, linea scilicet dupla ipsius DE cum AC altitudinis nempè lineæ duplæ ipsius DG cum AF dupla existit. Quare solidum basim habens quadratum ex AF, altitudinem verò duplam ipsius DE cum AC duplum est solidi, quod basim habeat idem quadratum ex AF, altitudinem verò duplam ipsius DG cum AF. eademquē ratione ostendetur solidū basim habens quadratum ex DG, altitudinem verò duplam ipsius AC cum DE duplum esse solidi basim habentis quadratum ex eadem DG, altitudinem autem duplam ipsius AF cum DG. solidum igitur basim habens quadratum ex AF, altitudinem autem duplam ipsius DE cum AC ad solidum quadratum habens basim ex AF, altitudinem verò duplam ipsius DG cum AF eam habet proportionem, quam habet solidum basim habens quadratum ex DG, altitudinem verò duplam ipsius AC cum AE ad solidum basim habens quadratum ex DG, altitudinem verò duplam ipsius AF cum DG. quare permutando primū solidum basim habens quadratum ex AF, altitudinem verò duplam ipsius DE cum AC ad secundum solidum basim habens quadratum ex DG, altitudinem autem duplam ipsius AC cum DE eandem habet proportionem, quam habet tertium solidum basim habens quadratum ex AF, altitudinem autem duplam ipsius DG cum AF ad quartum solidum basim habens quadratum ex DG, altitudinem verò duplam ipsius AF cum DG. Quapropter Archimedes loco primi, & secundi solidi in propositione propositi rectè potuit in demonstratione accipere tertium, & quartum solidum. eodem enim modo, & in eadem proportionē linea HK in puncto I diuisa prouenit: quod quidem punctum frusti ACED centrum grauitatis existit.

Secundi libri Finis.

